


ابوالخط





عنوان الكتاب : الخروج على النص

المؤلف : د. محمد طه

المراجعة اللغوية : عبد الهادي عباس

الإخراج الداخلي : وليد الهلالي

تصميم الغلاف : إسلام جاويش

رقم الإيصال : ٢٠١٥/٢٣٨١٣

ردمك : 978-977-85204-6-0

الطبعة الأولى : يناير 2016



المدير العام : هالة البشبيشي

مدير المبيعات : شريف الليثي



**دار توبا للنشر والتوزيع**



dartoya2015@gmail.com



دار توبا للنشر والتوزيع



@Dar\_Toya



Dar.toya



(+2) 01140899887 - 01000706014



٣٦ ش عبدالوهاب عبد الله الطيف - ٩٧٩٣ العزبة  
القاهرة - مصر

# **الخروج عن النص**

**د. محمد طه**

## المؤلف

د. محمد طه

مدرس الطب النفسي، كلية الطب، جامعة المنيا، مصر  
نائب رئيس الجمعية المصرية للعلاج النفسي الاجتماعي  
زميل الكلية الملكية البريطانية للأطباء النفسيين  
عضو الجمعية الأمريكية للعلاج النفسي الاجتماعي  
عضو الجمعية العالمية للعلاج النفسي الاجتماعي

كل ما هو مكتوب في هذا الكتاب هو اجتهدات وتحليلات ورؤى شخصية بحثة، مبنية على تجربتي الحياتية الخاصة (كإنسان)، وعلى خبرتي العلمية والتعليمية والعلاجية المتواضعة (كطبيب نفسي ومدرس جامعي) ..

كل كلمة هنا تحتمل الخطأ والصواب.. وتخضع للنقد والتقييد.. ويؤخذ منها ويرد عليها.. وليس لها أي هدف سوى نشر التوعية النفسية باستخدام لغة سهلة ومفردات بسيطة، اجتهدت في فهمها واستيعابها وتوصيلها قدر المستطاع.

محمد طه

## إهداء..

إلى من علماني أبجدية الوجود..

أبي وأمي..

إلى من علمني أبجدية الحياة..

أستاذى أ.د. رفعت محفوظ..

إلى من علماني أبجدية الحب والشجاعة..

كريم.. وسلمى..

والى زوجتى ..

من علمتني أبجدية البحث عن الحقيقة..

## فهرس الكتاب

الصفحة	العنوان	مسلسل
١١	قوم اطمئن على حدودك	١
١٦	نفسك الحقيقية ونفسك المزيفة	٢
٢٧	ليه بنكر نفس الغلطة؟	٣
٣٧	المواقف غير المنتهية	٤
٤٤	مشاعرك اللي هي مش مشاعرك	٥
٥٢	علاقات خطيرة	٦
٥٧	أنت وعالنك الداخلي	٧
٦٦	الخروج عن النص	٨
٨٠	الحاجة إلى الشوفان	٩
٨٥	اووعى تكون مدممن	١٠
٩٢	دورك في سيناريو حياتك	١١
١٠٤	نصف حياة	١٢
١١٣	أقوى سلاح في تاريخ البشرية	١٣
١٢١	عن الاحتياج للحضن	١٤
١٢٧	ياللانعمل (أب - ديت) لبعض	١٥
١٣٢	كلنا ماليفينسيت	١٦
١٤٢	أنا موجود.. إذن أنا أستحق	١٧

## مقدمة

حياتنا مليانة نصوص مُكزرة وسيناريوهات محفوظة..  
من أول نص الأب والأم.. بتاع اسمع الكلام.. وما تعليش صوتك..  
وما تقولش لأ.. وما تزعلنيش علشان تبقى شاطر.. واشرب اللبن  
علشان تدخل الجنة..

وبعدين نص التفوق في الدراسة.. بتاع ذاكر واحفظ ولازم  
تطلع الأول وتجيب الدرجات النهائية وتدخل كلية الطب  
وتطلع دكتور..

وبعدين نص المجتمع.. بتاع ضل راجل ولا ضل حيطة، وإن فاتك  
الميرى اتمرغ فى ترابه، واللى مالوش كبير يشتريله كبير..  
وبعدين النص الوحيد اللي يحدد هولك شيخ أو كاهن للوصول  
لربنا.. مع إن طرق الوصول له سبحانه وتعالى - متعددة بعدد  
الخلق والخلائق..

ساعات كتير بنحاول نخرج عن النص.. بطرق مختلفة، وأساليب  
متعددة.. بس دائمًا بيكون فيه حاجة ناقصة.. مهم إننا نعرفها  
ونمارسها الأول.. الحاجة دي اسمها (الوعي النفسي) ..

إحنا محتاجين نعرف أكتر عن نفسنا، عن مشاعرنا، عن طرق  
تفكيرنا، عن دوافع تصرفاتنا.. محتاجين نعرف عن علاقاتنا  
بمختلف أنواعها وأنماطها، قد إيه منها مشوه ومنوذى، وقد إيه منها  
صحيح ومفيد.. محتاجين نعرف عن أفعالنا وردود أفعالنالحظية  
واليومية مع الآخرين، أصلها إيه وجايته منين ورايتها هيin؟

في كتير من الثقافات المتقدمة، بتلاقي رجل الشارع العادي يعرف عن علم النفس وساعات الطب النفسي والعلاج النفسي أكثر من اللي يعرفه أغلب المختصين عندنا.. علشان ده جزء مهم جداً من التكوين المعرفي لأي إنسان متحضر ومستنير، بغض النظر عن مهنته ومستواه الاجتماعي أو الاقتصادي..

مهم جداً في رحلة أي حد فينا إنه يقف شوية قدام المراية..  
المراية النفسية.. اللي من خلالها يقدر يشوف نفسه، ويعرفها،  
ويتعلم منها، علشان يخرج عن النصوص القديمة، ويبداً يقبل  
نفسه، ويحبها، ويغيرها للأحسن.. وهي رحلة تستحق التعب،  
والصبر، وبعض الألم..

الكتاب ده نفسه.. خروج عن النص..

خروج عن النص المعتاد لتقديم الكتب العلمية بشكل عام  
والنفسية بشكل خاص..

خروج عن نص احتكار وتخزين المعرفة النفسية في صناديق مغلقة داخل حجرات مظلمة وعدم الاجتهد في توصيلها إلا بلغة صعبة ومفردات مُقفرة، بتبعدها في أوقات كثيرة عن جمال العلم ويساطعه.. علشان كده الكتاب مكتوب بالعامية المصرية، للتبسيط والتيسير وتوصيل الأفكار والمعلومات النفسية العميقة - والمعقدة في بعض الأحيان - باستخدام لغة سهلة ومفردات بسيطة.

خروج عن نص الفصل الرهيب بين العلم والفن في كتير من  
أعمالنا الأدبية والعلمية والفنية.. وفتح الباب على مصراعيه  
للخرافات والخرف عبّلات غير المبنية على أي أساس علمي..  
علشان كده بعض الأفكار والموضيع اللي بيقدمها الكتاب  
هایكون مدخلها أحداث أو مشاهد درامية..

الكتاب ده هاياسعدك إنك تشووف..

تشوف نفسك، بكتير من تفاصيلها وخباياها..

تشوف الآخرين، بطريقة جديدة ومختلفة تماماً..

وتشوف علاقاتك، بدرجة عالية من الدقة والوضوح..

الكتاب ده هاياسعدك إنك تتغير..

ياللا بينا.. نخرج عن النص..

١

قوم اطمئن على حدودك

جسمك هو البيت اللي بتسكن فيه نفسك وروحك.. ونفسك هي البيت اللي بتسكن فيه مشاعرك وأفكارك ودفاعك سلوكك.. وزى ما فيه لجسمك حرمة.. فيه برضه لنفسك حرمة..  
معنى..

من حقك محدثش يقرب من حدودك النفسية بدون إستئذان..  
من حقك ماحدش يقتلك.. أو يخترقك.. أو يستحوذ عليك..  
تحت أي مسمى.. ولا تحت أي ادعاء..

من حقك تحديد المسافة النفسية اللي بينك وبين أي حد.. من حقك تقرب اللي تراحتله واللي تطمن له، وتمن الللي ماتطمئن له إنه يقرب.. من حقك تسمح لحد إنه يقرب أكثر، وتتحلله الباب.. ويدخل البيت.. ومن حقك تحط سور فاصل وسياج منيع يفصل بينك وبين حد تاني..

حتى جوء بيتك النفسي.. فيه ناس بتقددهم في الصالة أو الأنترية.. وفيه ناس بتعمهم على الأكل وتدخلهم أوضة السفرة.. وفيه ناس تانية بتسمح لهم يتحرّكوا في البيت براحةهم، وكأنهم أصحاب مكان..  
ليه بقى ده كله؟؟

علشان فيه ناس هوايتها الاقتحام.. اقتحام الآخرين.. يقرب منك.. ويقرب أكثر.. ويلاقيك فاتح حدودك.. فيدخل.. ويتجول.. ويحسن إن المكان مكانه، فيقعد.. ويبدأ في استهلاك مشاعرك، فيخليلك تحزن مكانه، وتتألم بهاته، وتشيل همومه بالنيابة عنه.. وبعددين يبدأ في إنهاك أفكارك،

فتختار في مشاكله.. وتتردد في قراراته.. وتعاني في كل خطوة هو بخطيها.. وبعد شوبية كمان يبدأ في توجيهه تصرفاتك لحسابه.. ورسم سلوكك لصالحه.. وانسى بقى.. انسى نفسك يعني..

فيه كمان ناس بتحترف الاستحواذ.. يعني يحب يمتلك الآخر.. ويحتل أرضه.. يبقى عاوزك تكون موجود ومتاح ليه طول الوقت.. يبقى عاوز يستحوذ على انتباهك.. واهتمامك.. وتفكيرك.. ومشاعرك.. وبعد شوبية.. حياتك.. آه.. يعني يبقى عاوزك تعيش له.. مش لنفسك.. وكثير من قصص الحب المؤلمة بيكون فيها ده.. وده بيؤدي لتدمير أحد الطرفين تماماً.. وكثير من الزواجات الفاشلة بيكون ده سببها.. وكثير من الأمراض النفسية اللي بتصيب الأولاد الصغار والشباب في مقتبل العمر بيكون وراها إن الأب والأم متصرورين إن ابنهم أو بنته مشروع حياتهم (مش مشروع حياته)، وانه لازم يحقق أحلامهم (مش أحلامه)، ويعمل اللي هما ماقدروش يعملوه (مش اللي هو عاوز يعمله)..

كمان فيه ناس بتبقى عاملة زي مصاصين الدماء.. يعني يبقوا عاوزين يمضوا دمك.. يبقوا عاوزين يأخذوا منك كل اللي يقدروا يأخذوه.. تبقى إنت صاحب العطاء الدائم الذي لا ينقطع.. تدي.. تدي.. تدي، تنزف.. تنزف.. تحب.. وتقبل.. وتسامح.. وتسمع.. وتفهم.. وتقدر.. وتغدر.. وتستحمل.. وتقطع من نفسك كل يوم حتى تقدمها قربان لهم.. وتدفع كل يوم تمن غالى في سبيل رضاهم.. وهم مش بيسبعوا.. ولا هيسبعوا.. أبداً..

فيه ناس بقى.. ودول أخطر من الجميع.. بيذوبوا الحدود..  
ويزيلا الفوائل.. لغاية ما تعرفش فين حدودك من حدودهم..  
فين الخط الفاصل بينك وبينهم.. فين إنت وفيين هما.. تتوه جواهم  
أو يتوهوا جوالك.. وماتعرفش اللي إنت حاسه ده تبعك واللـا  
تبعهم.. اللي شايفه ده بعيونك والـلا بعيونهم.. اللي جوالك ده  
بتاعك والـلا اترمى فيك من عندهم.. تتخبط.. تحـتـار.. ويعـديـن..  
تضـيـع..

فُوْم بقى اطْمَن عَلَى حدودك.. وراجِع المسافات اللي بيّنك وبين الناس.. شوف مين موجود فين.. مين قريب.. مين قريب أوي.. مين قريب لدرجة الخطير.. ومين مقتحم.. ومين مستحوذ.. ومين محتل.. ومين بيُمسِّن الدم.. واعمل التعديلات الازمة.. وخط كل حد في مكانه..

شوف كمان مين على الباب.. ومين رايح جاي.. ومين واقف  
بعيد.. وكلهم مستندين الإذن.. والإشارة الخضرا.. لو إنت تحب..

نقول تاني..

من حركك تحديد مين.. هايكون فين.. إمتى..  
مهم حدودك تبقى واضحة. وأرضك تبقى آمنة. ومهم إنك  
تدافع عنها وتحميها.. ضد أي أذى من أي نوع..  
تحديد المسافة بينك وبين أي حد حق أصيل ليك.. زي ما هو  
حق أصيل لكل الناس..  
بيتك النفسي ملكك.. مش ملك أي حد تاني.. حافظ عليه..  
لأنهأمانة.. هيسألوك عنها اللي سلمك عقد ملكيته المؤقتة يوم  
ما خلقك..

دفعت الأقلام.. وجفت الصحف..



٢

نفسك الحقيقية .. ونفسك المزيفة ..

كل واحد فينا بيولد وجواه احتياجات نفسية بسيطة جداً..  
احتياج إنك تتقبل.. إنك تتحبب.. إنك نيهتم بيك.. إنك تحترم.. إنك  
تتشاف.. إنك تتحس.. إنك تتقدر.. إنك تقول لا.. وغيرها..  
وي تكون الوظيفة الأساسية للأب والأب أثناء التربية هي تلبية  
الاحتياجات دي بشكل مناسب وبقدر كافي.. علشان يحصل  
النمو النفسي السليم وتكتمل الصحة النفسية السوية..  
لكن في الحقيقة.. مش ده اللي بيحصل دائمًا..

الطفل عادة بيكتشف أثناء التربية إنه علشان تتم تلبية  
احتياجاته الأساسية لازم يكون فيه مقابل.. يعني (اسمع  
الكلام علشان أحبك).. (اشرب اللبن علشان تبقى شاطر)..  
(ماتقولش لأ علشان ربنا يحبك).. ده غير رسائل كتير بتوصل  
بتصرفات وسلوكيات ونظارات (واسعات طبعاً إيدين ورجلين)  
الأب والأم.. فيتحول الحب إلى (حب مشروط) والقبول إلى (قبول  
مشروط) والاحترام إلى (احترام مشروط).. وهكذا.. كل  
حاجة بشروط.. كل حاجة بمقابل..

يعمل إيه الطفل الغلبان بقى علشان يتحبب ويقبل ويتحسن  
ويهتم بييه؟!

يعمل حاجة صعبة جداً..  
يضطر إنه يدفع الثمن..  
يضطر إنه يرضى بالمقابل..  
يضطر إنه ما يبقاش نفسه..  
يضطر بقى زي ما هما عاوزين..  
لأنه.. ببساطة شديدة.. محتاج..

يقرر الطفل في سن معين (النظريات والأبحاث بتقول حوالي خمس سنين) إنه يعمل عملية تجميل لنفسه.. أه عملية تجميل.. علشان يناسب الوضع المحيط بيها.. يعني يعدل نفسه ويضبطها على مقاس اللي حواليه.. عاوزينه مقاس ٣٧ يبقى ٣٧، عاوزينه مقاس ٣٩ يبقى ٣٩.. علشان يوصله منهم بعض الحب، وقليل من الاهتمام، وزبما شيء من الاحترام والتقدير لإنسانيته واحتياجاته.

يقرر الطفل في السن دي إنه ما يكونش نفسه اللي اتولد فيها.. ويكون النفس اللي هما بيطلبواها منه.. عاوزينه يسمع الكلام.. فيسمع الكلام.. عاوزينه ما يقولش (لا) وما يو جعش دماغهم.. بيطل يقول لأ ويبقى (مؤدب).. عاوزينه ما يكونش تلقائي ويتحول لآلية صماء بكماء.. ماشي.. عاوزينه بعد شوية يحفظ الدروس ويجب الدواعات النهائية على حساب فرحته وأوقات لعبه وابداعه.. وماليه.. وشوية كمان يبقوا عاوزينه يطلع أول الجمهورية في الثانوية العامة ويدخل كلية الطب أو الهندسة ويحقق أحلام وطموحات أبوه وأمه وخاله وعمته.. حاضر.. ده طبعاً بعد كثير من المقاومة والصراع اللي بينتهي غالباً بالاستسلام..

يقرر الطفل بكل بساطة إنه يشوه نفسه لحساب الآخرين.. علشان يرضيهم..

يقرر كيف مع الوضع القائم.. الواقع المفروض عليه.. علشان يعفي نفسه من الأذى النفسي، وساعات البدني..

يقرر يدفن (نفسه الحقيقية) الفطرية الخالصة اللي خلقها ربنا، علشان يحميها ويحافظ عليها في مكان سري عميق.. ويعيش بـ(نفس مُزيفة) مُصطنعة، تعرف تتعامل مع اللي حواليه..

وتفضل (نفسه الحقيقية) حيّة نابضة.. ولكنها كامنة ومستخبئه جواه.. مستنيرة تطمن.. وتتونس.. وتحس بالدفا.. علشان تخرج.. وتحيا من جديد..

نخلينا صرحا مع بعض.. مين ما اتعملش معاه كده؟ ومين ما عملش كده في أولاده؟

اللي هايدور هايلaci انه (غالبا) كل حد مننا دفن جزء واحد على الأقل، من نفسه الحقيقية في إحدى مراحل حياته بسبب أو لآخر.. اللي دفن تلقائيته.. اللي دفن شعوره بالحرية.. اللي دفن طفولته وفرحتها وانطلاقها.. اللي دفن صوته العالي وقولاته لكلمة (لا).. اللي دفن بعض قدراته وأمكاناته.. وطبعا في مجتمعنا (وفي غيره).. اللي اضطررت إنها تدفن أنوثتها.. واللي اضطرر إنه يدفن رجولته..

ويعيش الواحد حياته كلها بـ (نفس مُزيفة) طافية على السطح.. و(نفسه الحقيقية) مدفونة في القاع..  
محتاج توضيح؟ عاوز أمثلة؟  
لا.. مش هاديك أمثلة..

أنا هاطلب منك تبص حواليك ( بلاش يا سيدى تبص لنفسك) ..

انت عارف الطفل اللي صوته واطي وبيمشي يبنص في الأرض؟  
اللي بيقولوا عليه (مؤذب) وبيسمع الكلام وما بيقولش (لا)..  
عارف ده ممكن يكون دفن ايه؟ ممكن يكون دفن  
طفولته الحقيقية وتلقائيتها وحريتها وقدرتها على الاعتراض  
والمواجهة وأخذ الحق.. وطلع مكانها كائن مستسلم مسالم..  
مالهوش لأنون ولا طعم ولا رائحة (ده مش معناه طبعاً إن الطفل  
المتمرد العنيد هو الطبيعي)..

عارف الطالب اللي مش بيعرف غير المذاكرة.. وهدفه الوحيد في  
الحياة انه يجib الدرجة النهائية ويطلع الأول على العالم.. اللي  
مش بيعرف يلعب.. ولا يعرف يهزر.. اللي مش بيخرج مع حد..  
ولا يحب يقعد مع حد.. لا يطلع رحلته.. ولا يسافر سفريتها..  
الشاب اللي علاقته بالكتاب أهم من علاقته بنفسه حتى.. أهو  
ده ممكن يكون دفن ابداعه وحيويته.. وخرج مكانهم بـ  
آدم خافت مطفي.. الجزء الوحيد الحي فيه هو ذاكرته..

عارف البنت اللي بتلمع (زي الذهب الفالصو كده)؛ البنت اللي  
بتبالغ في إظهار مفاتنها وإمكانيات أنوثتها.. ضحكة هنا..  
ونظرة هناك.. خطوة هنا.. وغمزة هناك.. اللي بتلعب كل  
يوم بوحد.. وتدخل كل ليلة في قصة حب.. البنت دي غالباً  
دفت أنوثتها الحقيقية.. المليانة حنان وعطاء ودفاً وقرب وحياة  
وسماح.. وطلعت مكانها أنوثة مزيفة مليانة ألوان وبهرجة  
وميوعة وسطحية وتلاعيب ورغبة عارمة في الانتقام من كل  
الرجالات..

عارف الراجل اللي شكله خشن (أوي).. وما يعرفش غير الشخط والنظر؟ اللي بيستعرض عضلاته على الضعفاء.. ويستقوى على اللي ما لهوش حيلة.. اللي بيفترى على الغلابة.. ويمد إيده أو لسانه على القريب والبعيد.. ده غالباً دفن رجولته الحقيقية اللي كلها جدعنـة وشجاعـة وشهامة واصرار وصمود.. واستبدلها برجولـة مزيفة كلها غرور وافترا واستعراض للقوى..

شوف بقى اللي دفن مشاعره وتحول إلى آلة مش بتحس.. واللي دفن تفكيره وبقى مش بيفهم رغم ارتفاع معدل ذكائه.. واللي دفن إبداعه.. واللي دفن.. واللي دفن.. واللي دفن..

عارف إيه بقى أكبر مشكلة وسط كل ده؟ أكبر حتى من الدفن نفسه..

المشكلة إن بعض المجتمعات (وطبعاً بعض البيوت والعائلات) بتشجع أبنائـها على دفن الأجزاء المهمـة الثمينـة الغالية دي من أنفسـهم.. علشـان يـعرفـوا يـعيـشـوا فـي المجتمعـات (أوـ البيـوتـ) ديـ.. مش بـس كـدهـ.. ذـولـ بـيسـقةـ فـولـهـمـ وـيـكافـئـهـمـ وـيـكـرـمـهـمـ نـاـ مـعـلـمـواـ كـدهـ.. تصـورـ؟!

يعني بـيوـتـناـ الأـصـيلـةـ بـطـرـيقـةـ تـرـبـيـتـهاـ العـظـيمـةـ بـتـشـجـعـ جـداـ الطفلـ الـهـادـيـ، المسـالـمـ، الليـ زـيـ النـسـمةـ، الليـ بـيـسـمعـ الـكـلامـ، الليـ مشـ بـيـقـولـ (لاـ)، الليـ بـيـشـرـبـ الـلـبـنـ عـلـشـانـ أـبـوهـ وـأـمـهـ يـرـضـواـعـنـهـ.. ومـدارـسـناـ الـجمـيلـةـ وـتـعـلـيـمـنـاـ الـإـبـدـاعـيـ بـيـحـبـ جـداـ الطـالـبـ الـحـفـيـظـ الصـامـتـ الـصـمـتـ، الليـ بـيـذـاـكـرـ الـكـتـابـ الـمـقرـرـ منـ

الجلدة للجلدة، ويحل نماذج الامتحانات السابقة، وينبئ كل المعلومات اللي عنده في ورقة الإجابة بمجرد ما يشوف ورقة الأسئلة. ويغرق في شبر ميّة لوجاله سؤال من بره المنهج المقدس.. وتليفزيوننا الرائع.. وسينماتنا الخلقة.. وكل بياتنا الحلوة بتتفنن بكل إبداع في نشر مظاهر الأنوثة المزيفة بكل تفاصيلها.. والترويج ليها بكل إتقان.. وحقن الشباب والفتيات بها في جرعات منتظمة وبشكل يومي..

وده كله كوم. ونظرة كل حاجة وكل حد وكل حبة (من غير تعليم طبعا) في المجتمع والبيت والغيط للرجولة كوم تاني.. راجل يعني صوت عالي.. راجل يعني ما تبكيش.. ما تعيطش.. راجل يعني نظرة قاسية.. راجل يعني عنف عضلات.. وطبعا ست يعني صوت واطي وبصّة في الأرض وطاعة عميا وخنواع واستسلام ورضا بالقليل وقلة حيلة وذل ومهانة ما لهاش حدود..

زيف.. في زيف.. في زيف..  
تشویه ورا تشويه ورا تشويه..  
دفن.. ثم دفن.. ثم دفن..  
اجرام.. قبله اجرام.. وبعده اجرام..  
فنون من الزيف.. طبقات من التشويه.. مستويات من الدفن..  
وابعاد من الاجرام في حق النفس.. قبل حق الغير..

أنا مش مفسر للقرآن ولا شيخ ولا أدعى ذلك.. بس إحنا محتاجين  
نعيid قراءة الآية دي من قرآنا المعجز السابق لـكل عصر وأوان،  
في ضوء الكلام السابق: "إِذَا مَوْعِدٌ سُلِّمَتْ.. بِأَيْ ذَنْبٍ قُتِلَتْ"

### سورة التكوير (آيات ٩٨ و ٩٩)

الواحد مش بس للبنات الصغار أيام الجاهلية.. الواحد ظاهرة إنسانية  
بتتكرر كل يوم. كل نفس حقيقة ممكن تتعرض للواحد  
عن طريق التربية القاسية. كل تلقائية، حيوية، طفولة،  
إمكانات حقيقة ممكن تتعرض للواحد عن طريق رفضها  
في الصغر. كل أنوثة حقيقة ممكن تتعرض للواحد بألف  
طريقة وطريقة.. كل رجولة حقيقة ممكن تتعرض  
للواحد بأشكال مختلفة.. كل جزء من نفسك ممكن يتعرض  
للواحد في البيت.. أو في الشارع.. أو في المدرسة.. أو في المجتمع..

خُد نفس عميق بقى.. وفتح عينك على آخرها..  
واقرا اللي جاي كوييس:

تعرف ايه اللي يخلني (النفس الحقيقية) اللي اتدفت تطمئن  
وتتونس وتقرر تعود للحياة من جديد؟ ايه اللي يخليني أبقى  
إنسان حقيقي كامل عايش بنفسي الحقيقية كلها بدون  
تشويه أو اختزال أو انتقاد؟ ايه اللي يساعد فطرتي إنها تزدهر  
وتؤرد وتنور من جديد؟

أقولك يا سيدى..

اللى يقدر يعمل كل ده، هو علاقتة..  
أيوه.. علاقتة.

علاقة إنسانية حقيقية.. توصلك فيها رسائل عكس كل الرسائل المشوهة اللي وصلت قبل كده أثناء التربية أو التعليم أو أي تجربة سابقة مؤذية..  
هو مش اللي بوط علاقتة؟  
يبقى اللي هايصلح برضه علاقتة..

علاقة يوصلك فيها حب غير مشروط.. حب ثابت دائم عميق لا يتغير بتغيير حالاتك أو أحوالك.. حب (موقف) مش حب (حالة)..  
حب (مقام) مش حب (حال)..

علاقة يوصلك فيها إنك مقبول كلk على بعضك زي ما انت..  
بعضك أحياناً وعجزك ساعات وفشلك بعض الوقت.. حتى مع عدم الموافقة على بعض أفعالك أو تصرفاتك..

علاقة يوصلك فيها إن اللي قدامك بيهم بيء لك لحسابك إنت مش لحسابه هو.. علشانك مش علشانه هو.. وانه شايفك إنت مش شايف نفسه أو شايف أي حد تاني فيك..

علاقة تحس فيها إنك موجود.. ومتقدر.. وجودك فارق.. وإنك تستاهل..

علاقة ماتكونتش مضطر فيها تدفع أي تمن.. علشان ترضي أي حد..

علاقة فيها مساحات للحرية والحركة.. مش للتضييق والاختناق والتشويه والاحتزاز..

علاقة تكون فيها نفسك.. نفسك ويس..

العلاقة دي ممكن تكون علاقة صداقه.. ممكن تكون

علاقة حب زواج.. ممكن تكون علاقة علاجية (مهنية) في

طار علاج نفسي..

وفي الحقيقة أي علاقة (حقيقية) توصل الرسائل دي هي

علاقة علاجية حتى لو ما كانتش في حجرة العلاج النفسي..

موجودة العلاقة دي في حياتك؟ مش موجودة؟ طيب دور عليها

واتمسك بيها.. بسرعة.. ولاخر العمر.. لأنها هي الطريق.. وهي

الحل.. وهي الجواب..

قبل ما تقوم.. أعتقد إننا كمان محتاجين نعيد قراءة الآية دي

من سورة (الشمس): ”ونفس وما سواها.. فالهمها فجورها وتقواها..

قد أفلح من زَكَاهَا.. وقد خاب من دَسَاهَا..“

عارف يعني إيه دساهَا؟

يعني خباها.. يعني دفتها.. يعني وأدها..

أعتقد الصورة وضحت.. والرسالة وصلت.. مش كده؟

يا رب..

ساعدنا إننا نزكي نفوسنا ونكرّمها..

ساعدنا نعيّد ما دفناه من نفوسنا إلى الحياة..

ساعدنا نعيش بنفوسنا الحقيقية.. مش نفوسنا المزيفة..

يا رب..

لاتكلفنا إلا وسعنا.. ولا تحمّلنا ما لا طاقة لنا به..

واعف عننا.. واغفر لنا.. وارحمنا..

أنت مولانا..



٣

لـيـه بـنـكـرـنـفـس الـغـلـطـة؟

عـن التـكـرارـالـقـهـري

(١)

غالبا المشهد ده من مسلسل (تحت السيطرة رمضان ٢٠١٥)  
هایفضل متخزن في عيون وعقول وقلوب كل اللي شافوه  
وحتى اللي سمعوا عنه لفترة طويلة جداً..

(علي) رايح يشتري مخدرات من ديلر في قلب الصحراء مقابل  
إنه بيع له الموبايل.. يرجع (علي) لل العربية ويقول له (هانيا):  
الموبايل معجبهوش.. خديه وجربني إنتي.. تنزل (هانيا) من  
العربية وتروح للديلر.. عيون (علي) تتملي دموع.. ويُفاجأ  
الجميع بإن (علي) بيدور عربته ويلف.. ويمشي.. ويسيب  
مراته (هانيا) للديلر يعتدي عليها في مقابل المخدر.. (علي)  
بكل خسارة ونذالة.. باع (هانيا).. ورمها في الصحراء.. بالليل..  
لأحد ذئاب البشر..

المفاجأة الأكبر بقى.. والأكثر إدهاشاً وذهولاً.. إنه بعدها  
بكام ساعة.. باب بيت (علي) يخبط.. يفتح (علي) الباب..  
يلتقي (هانيا) قدامه.. راجعاً له.. بعد اللي عمله  
فيها دم..

ويمتنع.. دي مش أول مرة ترجعله.. بعد ضرب أو بعد إهانة  
اوشتيمة او بهدلة..

السؤال الملحق: ليه (هانيا) رجعت له (علي)؟

طبعاً مُعظم الناس شايقة إنها رجعتله لأنها مالهاش غيره.. أو إنها رجعت علشان المخدرات.. أو إن (علي) هو الوحيد اللي ييرি�حة نفسيّاً.. كل ده صحيح إلى حد ما.. بس على مستوى سطحي شويّة.. إنما فيه أسباب تاني كتير.. على مستويات نفسية أعمق..

وده هايخليني أرجع معاكم بالزمن لورا شويّة..

(٢)

في مرة دخلنا أنا واتنين أصحابي فيلم سينما كان اسمه The Others.. فيلم مرعب ومخيف جداً.. لدرجة إنه في أحد مشاهد الفيلم الأخيرة، مُعظم الناس اللي في السينما صرخوا بصوت عالي أوي.. لما اكتشفوا إن كل أبطال الفيلم كانوا (أموات)، وإن اللي كنا متصورين إنهم أشباح وأرواح طلعوا (أحياء).. وكان أحد أصحابي ذُول هو صاحب الصرخة الأعلى والأطول والأكثر رعباً في السينما كلها..

المهم.. بعد ما خرجنا.. قررنا ندخل فيلم تاني علشان نغير الم Mood.. وكانت المفاجأة إن صاحبنا ده كان مصمم إنه يدخل نفس الفيلم مرة تانية.. أيوه.. نفس الفيلم.. رغم إنه بالنسبة له كان تجربة مخيفة ومرعبة وقاسية جداً..

اعتقد إن أول خطط في إجابة السؤال بيبدأ من هنا ..

الخط الثاني كانت ملاحظة مهمة لاحظها كثيرون من علماء النفس والمعالجين النفسيين من أول فرويد لغاية دلوقت.. وهي إن بعض الناس عندهم نزعة شديدة وميل غريب لتكرار بعض التجارب المؤلمة اللي في حياتهم. يعني حد يتعرض لخبرة سيئة.. يقوم بعدها بيهيئ كل الظروف والأحداث والأشخاص (نفسهم أو زيهم) ويكرر نفس الخبرة السيئة دي تاني.. واحدة تم الاعتداء الجنسي عليها وهي صغيرة.. تكبر ويتحول سلوكها لواحدة بتدور على اللي ينتهكها جنسياً.. أو تشتعل فتاة ليل وتتفنن في بيع نفسها وجسمها.. واحد اتظلم واتهان واتعرض لمعاملة قاسية.. بعد شوية تلاقيه بيدور على اللي يظلمه ويروحله.. وعلى اللي يعامله بقسوة ويسبط فيه.. حد تاني دخل في تجربة عاطفية مؤلمة وانتهت بالفشل.. يقوم لما يجي يدخل في تجربة تانية.. يختار سكة زي السكة القديمة.. وشخصية زي الشخصية اللي فاتت.. ويكرر نفس التجربة.. ويعيد نفس الألم.. وينتهي إلى نفس النهاية..

ده اسمه في التحليل النفسي (التكرار القهري) Repetition، ويكون ليه عادة سبب من أربع.. Compulsion

الأول هو إن الواحد يعيد سيناريون نفس الأحداث القديمة بكل تفاصيلها وأدوارها وظروفها علشان نفسه ينهيها نهاية مختلفة غير اللي انتهت عليها قبل كده.. يعني مشهد صعب في حياته ومش محلول جواه.. يعيد صنعه وتركيبه كل شوية مع شخص أو أشخاص جداد يلبسهم الأدوار القديمة (أو حتى نفس الأشخاص القديمة) علشان يحل معاهم اللي معرفتش يحله قبل كده.. ويعمل نهاية جديدة وسعيدة ومرجحة بدل النهاية البائسة السابقة..

السبب الثاني هو إن الواحد غالباً بيكون في تجاريه المولدة الأولى ضعيف ومضطر ومش بآيده أي حيلة. وكل حاجة بتكون اتعلمت غصب عنه ومش بارادته.. وحسن وقتها بالذل والانكسار والمهانة. فيجي دلوقت يعمل كل ده تاني.. بكل حذافيره وتفاصيله.. بس بمزاجه وارادته وكامل وعيه.. يعني تبقى المرة دي (بيدي لا بيد عمرو).. فيحس (ولو إحساس مزيف) إنه له السيطرة على الأمور وله التحكم في الأحداث..

السبب الثالث هو إنه كان في اللي حصله قبل كده (الضحية).. كان مستسلم ومحظوظ على أمره. فيرجع المزة دي لينتقم. يرجع شريط حياته لورا ويكرر نفس التجربة مع نفس الحد (أو مع حد جديد) بس يكون المزة دي هو (الجانب).. ويأخذ بتاره..

السبب الرابع بقى (ومش الآخرين) هو إن كتير من اللي بيتعرض لتجارب وخبرات مؤذية وفاشية في حياته بيحس بالذنب إنه ما دافعش عن نفسه.. أو إنه هو اللي وصل نفسه لكده.. أو إنه هو اللي ساعد الطرف الثاني إنه يؤذيه.. وده بتحسه كتير من البنات ضحايا التحرش والاغتصاب (بفعل عوامل نفسية ومجتمعية وثقافية كتير).. فيبدأ يتنقم من نفسه.. ويعذبها.. ويجلدها.. بتكرار نفس الأحداث.. واستدعاء نفس الأذى.. واستعذاب نفس الألم..

فيه بعض الناس بستلذ بتعذيب نفسها.. وجلد ذاتها.. ناس بتعمل دماغ من الألم.. ويستعذب الوجع.. ذول بكل بساطة.. بينتقموا من نفسهم.. أو بينتقموا من غيرهم في نفسهم..

(٣)

أنواع العلاقات البشرية كثيرة جداً.. وطبيعتها معقدة لأقصى حد.. ومن أصعب العلاقات اللي ممكن نشوفها هي العلاقة اللي البنـت بتختار فيها صاحب أو حبيب أو زوج يكون Abuser (مستغل)، أناي وطماع ومؤذـي ليها نفسياً وعاطـفياً وجسدياً.. مش بس كده.. ده هي في العلاقة دي بتكون متمسكة بيـه جداً.. وتحارب الدنيا كلـها عـلـشـانـه.. ولو سـابـها تـرـجـعـلـه.. ولو غـابـ عنـها تحـنـ لـه.. وما تستحملـش فـرـاقـه ولا بـعـده أبداً.. بـرـغمـ البـهـلـةـ والـاستـغـلالـ والـأـذـىـ.. لا وـكـمانـ إـيـهـ.. فيـ حـالـتـ ما يـفـترـقـواـ عنـ بـعـضـ لـأـيـ سـبـبـ.. تـدـورـ عـلـىـ حـدـ لـهـ نـفـسـ المـواـصـفـاتـ.. وـتـرـتـبـتـ بـيـهـ.. وـتـعـيدـ الـكـرـةـ مـنـ الـأـوـلـ.. بـنـفـسـ تـفـاصـيلـهاـ..

إـحـدىـ مـرـيـضـاتـيـ كـانـتـ بـتـوـصـفـ العـلـاقـةـ دـيـ وأـصـولـهاـ وأـسـبـابـهاـ وأـثـرـهاـ فـيـ حـيـاتـهاـ، أـحـسـنـ مـنـ أيـ كـتـابـ أوـ مـرـجـعـ عـلـمـيـ:

أـنـاءـ طـفـولـتـهاـ أـبـوـهاـ كـانـ غـاـيـبـ.. مـسـافـرـ.. مشـ مـوـجـودـ.. كـلـ عـلـاقـتـهـ بـمـرـاتـهـ وـبـيـتـهـ إـنـهـ بـيـشـتـغلـ وـبـيـجـيـبـ فـلـوسـ.. أـمـهاـ كـانـتـ مـوـجـودـةـ بـسـ مشـ مـوـجـودـةـ.. زـيـ الحـاضـرـ الغـائـبـ كـدـهـ.. يـعـنيـ آـهـ هـيـ مـوـجـودـةـ بـجـسـمـهاـ مـعـاـهـاـ فـيـ بـيـتـ واحدـ.. لـكـنـهاـ

مشغولة بنفسها واهتماماتها وأصحابها وتليفو ناتها أكثر من انشغالها ببنتها وتفاصيل حياتها.. الرسالة النفسية اللي وصلت للمربيضة في البيت ده هي: إنتي مش مهمتا.. إنتي ما تستاهليش إننا نهتم بيكي.. إنتي وجودك مش فارق معانا.. أب وجوده/ غيابه كان مؤذى.. وأم وجودها/غيابها كان برضه مؤذى..

الطفل اللي توصله رسائل نفسية بالشكل ده.. غالباً مش هايصدق عن نفسه طول حياته غير حاجة واحدة بس.. إنه ما يستاهلش.. وإن وجوده مش فارق مع حد.. ومش بعيد يتربى جواه إحساس رهيب بالذنب.. على حاجة هو ما يعرفهاش أصلاً..

الطفل هايخرن السيناريyo ده جواه.. وهايكرره طول حياته.. علشان يا إما يحله.. يا إما يؤكده.. هايدور على ناس ليهم نفس مواصفات الأب أو الأم.. ويعمل معاهم علاقات إنسانية عميقـة.. ويا إما يوصلوله رسائل عكس اللي وصلت قبل كده (و غالباً ده مش بيحصل).. فيصدق إنه يستاهل.. وإن وجوده فارق.. ومهם، وتحل العقدة.. أو يوصلوله نفس الرسائل القديمة (وده الأغلب الأعم).. ويتأكد عنده إنه ضحية.. وأنه غير مسئول..

ده اللي عملته المربيضة دي بالظبط..

وتبدأ هنا باقي الخيوط تتجمع..

المربيضة قررت إنها تكرر مشهد عيلتها بكل تفاصيله مع الشخص اللي كانت بتعبه..

كانت بتدور على أبي.. له نفس مواصفات أبوها.. الأناني الطماع المؤذن (مع اختلاف شكل الأنانية والطعم والأذى) .. وأول ما لقيته.. مسكت فيه.. واتعلقت بيـهـ.

كانت مصدقة عن نفسها إنها ما تستاهلش.. وقررت تكمل حياتها ما تستاهلش.. وتدور على اللي يثبت لها ده ويؤكدها لها طول الوقت.. علشان ده اللي عاشته.. واتعودت عليهـ.

كانت مستنية تحسن مع حبيبهاـ زـيـ ماـ كانـتـ مستـنيةـ تـحـسـ معـ أبوـهاـ إنـهاـ مـوـجـودـةـ.. حتىـ لوـ كـانـ التـمـنـ إـنـهـ يـؤـذـيـهاـ.. بـسـ هوـ أـذـاـهـاـ.. ولـغـيـ وجودـهاـ.. زـيـ ماـ أبوـهاـ عملـ بالـظـبـطـ..

في أعمق أعماقها، كان عندها احتمال ضعيف جداً إنها تغيره وتخليه بني آدم بجد.. لأنها معرفتش تغير أبوها وتخليه بني آدم بجد.. بـسـ دـهـ مـاـ حـصـلـشـ.. وـمـاـ كـانـشـ هـايـحـصلـ..

كـانـتـ بـتـنتـقـمـ منـ أبوـهاـ وـأـمـهاـ وـمـنـ إـهـمـالـهـمـ وـأـذـاـهـمـ لـيـهاـ.. وـكـانـتـ مـصـرـةـ عـلـىـ الـانتـقامـ.. بـالـرـغـمـ مـنـ كـلـ فـرـصـ النـجاـةـ..

كـانـتـ بـتـنتـقـمـ مـنـهـمـ فـيـ نـفـسـهـا.. وـبـتـؤـذـيـ نـفـسـهـاـ بـالـنـيـابـةـ عـنـهـمـ..  
كـانـتـ بـتـنـتـحرـ بـالـبـطـيـءـ.. وـبـتـسـعـذـبـ دـهـ وـبـتـسـتـلـذـ بـيـهـ..

كـانـتـ عـاـوـزـةـ تـثـبـتـ لـنـفـسـهـاـ طـوـلـ الـوقـتـ إـنـهـ ضـحـيـةـ.. زـيـ ماـ كـانـتـ وـهـيـ صـغـيرـةـ.. بـسـ فـيـ الـحـقـيقـةـ.. هيـ دـلـوقـتـ مـشـ ضـحـيـةـ.. بـالـعـكـسـ.. هيـ دـلـوقـتـ جـانـيـةـ عـلـىـ نـفـسـهـاـ.. هيـ دـلـوقـتـ مـسـئـوـلـةـ

ومختارة.. وكل مزة كانت بترجع فيها لحبيبها كانت بتعيد  
اختيارها ليه ولدورها في العلاقة دي بـكامل وعيها وـكامل  
إرادتها..

هي اتظلمت زمان.. بس هي اللي بتظلم نفسها دلوقت..

عاوز تفهم أكتر؟

سيبك من كل الكلام ده.. وشوف كلمات الأغنية دي  
(شيرين، فيه حد):

فيه حد ممكن يبقى مش قادر يعيش من غير ألم؟

فيه حد لو سابه اللي ظلم يبقى هيموت من الندم؟

خلتنى أخاف على حبي ليك..

أكتر ما أخاف على نفسي منك..

خلتنى أرتاح للعذاب وأنا بين إيديك..

علشان بخاف من عذاب البعد عنك..

وقفت حياتي عليك ويس..

وكانى بفرح لو لقيت قلبي اتظلم.

أعتقد إنه ما فيش أوضح من صدّه..

خليلك فاكر بقى:

كل مزة انت بترجع فيها للـ بيأذيك..

فانت اللي اخترت ده.. وانت اللي قررتـه.. وانت مسئول..

كل مزة بتـعن فيها للـ يحسـسك إنـك ما تستـاهـلـش..

فانت اللي اخترت ده.. وانت اللي قررتـه.. وانت مسئول..

كل مزة بتـروح فيها للـ يقلـل من أهمـيـة وجودـك..

فانت اللي اخترت ده.. وانت اللي قررتـه.. وانت مسئول..

انت.. مسئول.

٤

## المواقف غير المنتهية

كَام مِزَةْ كَانْ فِيهِ بَيْنَكَ وَبَيْنَ مُدِيرِكَ أَوْ رَئِيسِكَ فِي الشُّغْلِ  
حَوَار حَادٌ وَاضْطُرَرَتْ تَكْتُمُ الْحَلَامِ جَوَّاكَ؟ إِمْتَى آخرَ مَرَةَ  
كَانْ فِيهِ جَوَّاكَ مُشَاعِرٌ غَضْبٌ فَاحِيَّةٌ حَدٌّ وَمَا عَبَرْتُشْ عَنْهَا؟  
طَيْبٌ فَاكِرٌ لَمَّا كَلَامُكَ اتَّخَنَقَ فِي صَدْرِكَ وَأَنْتَ وَاقِفٌ قَدَامِ أَوْلَى  
وَاحِدَةٍ حَبِيَّتِهَا وَهِيَ بِتَقْوِلِكَ أَسْفَرَتْ مَا يَنْفَعُشَ..

ارجع لوراشوية.. كَام كَلِمةً اتَّحَشَّرْتَ فِي حَلْقَكَ قَدَامِ المَدْرَسَةِ  
أَوْ الْمَدْرَسَةِ وَهُوَ بِيَهِينَكَ بِأَيِّ شَكْلٍ؟ فَاكِرٌ اِحْسَاسِكَ الَّيْ قَفَلَتْ  
عَلَيْهِ وَأَنْتَ بِاَصْصِ فِي عَيْنَيْنِ أَبُوكَ وَهُوَ بِيَعْنَفَكَ، وَمَا كَنْتَشَ  
تَمْلِكَ وَقْتَهَا غَيْرَ الدَّمْوعِ وَقْلَةَ الْحِيلَةِ؟ أَوْ أَخْتَكَ وَهِيَ بِتَاخْدَ  
لَعْبَتْكَ وَتَلَعْبَ بِيَهَا وَأَنْتَ مُتَغَاظِ وَهَا تَطْقِ؟ طَيْبٌ فَاكِرٌ الْكَلَامِ  
الَّيْ كَنْتَ عَاوِزٌ تَقُولُهُ لَوَالِدْتَكَ قَبْلَ مَا تَمَوْتَ وَمَا جَاتَشْ لَيْكَ  
الْفَرْصَةَ تَقُولُهُ؟

تَفْتَكِرُ الْكَلَامَ دَهْ رَاهٌ؟ تَفْتَكِرُ الْمَشَاعِرَ دَيْ اخْتَفَتْ؟ تَفْتَكِرُ  
الْمَوَاقِفَ دَيْ اتَّحَلَّتْ؟ أَحَبُّ أَقُولُكَ.. لَأَ..

الْكَلَامَ دَهْ لَسَهْ مُوجُودٌ جَوَّاكَ.. وَالْمَشَاعِرَ دَيْ مَا زَالَتْ مَدْفُونَةَ  
فِي أَعْقَمِ أَعْمَاقِ وَعِيَكَ.. وَالْمَوَاقِفَ دَيْ مُتَخَزِّنَةَ دَاخِلَكَ بِكُلِّ  
تَفَاصِيلِهَا فِي صُورَةٍ مَا يُسَمِّي بِـ(الْمَوَاقِفُ غَيْرُ الْمُنْتَهِيَّ)..

كُلُّ وَاحِدٍ فِينَا جَوَاهِ مَتْحَفٌ.. آهَ مَتْحَفٌ.. مَتْحَفٌ مِنَ الْآثَارِ  
الْقَدِيمَةِ الَّيْ اِنْتَهَى وَقْتَهَا بَسَ هِيَ لَسَهْ عَايَشَتِهَا.. وَمَا زَالَتْ  
مَحْتَفَظَةَ بِقِيمَتِهَا وَتَأْثِيرِهَا حَتَّى الْآنِ.. مَجْمُوعَةَ مِنَ التَّمَاثِيلِ  
هَنَالِكَ.. بَعْضُ أَفْلَامِ الأَبْيَضِ وَأَسْوَدِهَا.. شَوِيَّةَ لَوْحَاتِهَا..  
تُحَفَ فَنِيَّةَ هَنَا.. الْمَتْحَفُ دَهْ مَتْحَفٌ حَيٌّ وَقَائِمٌ وَمُؤْثِرٌ فِي كُلِّ

فكرة وشعور وحركة ورد فعل حضرتك بتقوم بيـه.. إزاـي؟!  
حضرتك في مكان ما في عـز الصيف وهـاتمـوت من العـطـش..  
وواحد جـايـيلـك كـوبـاـيـة مـاـيـة سـاقـعـة مـثـلـجـة.. وواحد تـانـي  
مستـنـيـك عـلـشـان يـسـأـلـك عـلـى حـاجـة.. هـاتـخـتـار إـيـه؟ مـهـمـ الأول  
إـنـك تـنـهـي اـحـتـيـاجـك لـلـعـطـش (مـوقـف غـير مـنـتـهـي)، وـيـعـدـين  
تـتجـه لـصـاحـبـك الـلي مـسـتـنـيـك تـشـوفـه عـاـوزـ إـيـه.. تـصـورـ لو  
عـمـلـتـ العـكـس.. هـاتـكـونـ معـاه وـاـنـتـ عـطـشـان.. وـمـشـ مرـكـزـ.  
وـمـسـتـعـجلـ.. هـاتـكـونـ معـاه بـجـزـءـ منـكـ.. مـشـ بـكـلـيـتـكـ.. مـشـ  
بـكـامـلـ وجودـكـ، وـلـاـ بـكـامـلـ طـاقـتـكـ، وـلـاـ بـكـامـلـ إـمـكـانـاتـكـ.

شـوفـ بـقـىـ اـنـتـ جـوـاـكـ كـامـ مـوقـفـ غـيرـ مـنـتـهـيـ.. مـنـ أـيـامـ طـفـولـتـكـ  
لـغـايـةـ النـهـارـدـةـ.. وـتـصـورـ كـلـ مـوقـفـ منـهـمـ وـهـوـ شـغـالـ جـوـاـكـ فـيـ  
إـحـدىـ طـبـقـاتـ وـعـيـكـ زـيـ شـرـيـطـ السـيـنـماـ المـتـكـرـرـ بـدـوـنـ تـوـقـفـ..  
شـوفـ كـامـ حـوـارـ بـتـعـمـلـهـ بـيـنـكـ وـبـيـنـ نـفـسـكـ كـلـ يـوـمـ وـكـلـ  
لـيـلـةـ مـعـ حـدـ مـشـ مـوـجـودـ.. شـوفـ قـدـ إـيـهـ مـنـ طـاقـتـكـ مـسـتـنـزـفـ..  
قـدـ إـيـهـ مـنـ تـفـكـيرـكـ مـسـتـهـلـكـ.. قـدـ إـيـهـ مـنـ مـشـاعـرـكـ مـنـهـكـ.. قـدـ  
إـيـهـ مـنـ وجودـكـ نـاقـصـ..

فيـهـ حاجـةـ أـكـثـرـ خطـوـرـةـ.. طـولـ ماـ جـوـاـكـ فـيـهـ مـوقـفـ (فيـ  
الـحـقـيقـةـ موـاـقـفـ) غـيرـ مـنـتـهـيـ.. فـانتـ بـتـشـوفـ العـالـمـ وـالـأـحـدـاثـ  
وـالـأـشـخـاصـ مـنـ خـلـالـهـ.. وـبـتـحاـوـلـ تـحلـهـ بـسـ مـعـ النـاسـ الغـلـطـ..  
الـلـيـ هـمـاـ مـاـلـهـوـمـشـ أـيـ عـلـاقـةـ بـالـحـكـاـيـةـ الأـصـلـيـةـ.. بـسـ وـقـعـ  
عـلـيـهـمـ اـخـتـيـارـ عـقـلـكـ الـبـاطـنـ عـلـشـانـ يـلـعـبـواـ أـدـوارـ اـنـتـ رـاسـهـاـلـهـمـ  
فـيـ سـيـنـارـيوـ بـائـسـ وـيـائـسـ وـمـتـكـرـرـ لـلـحـلـ وـالـإـنـهـاءـ..

يعني مثلاً، فجأة وبدون مقدمات تحس إنك غضبان ومتغضب ومتش طايب صاحبك.. وفي الحقيقة دي مشاعر باقية من موقف غير مُنتهي مع أخيك.. فجأة وبدون مقدمات تبقى خايف ومرعوب من أستاذك أو رئيسك في الشغل أو حتى الكاشير في السوبر ماركت، ويكون ده رد فعل قديم من موقف غير مُنتهي مع أبوك.. فجأة وبدون مقدمات تفهم أي اتنين بيتكلموا مع بعض على إنهم بيتكلموا عليك.. أو تشووف أي واحدة بت berhasil على إنها داييـة في حبك.. أو.. أو.. أو..

راجع كده علاقاتك وتفاصيلها.. راجع أفعالك وردود أفعالك.. راجع مشاعرك وأفكارك وتصرفاتك.. واكتشف كمية المواقف غير المُنتهية المخزونة جوالك.. وإذًا وامتنى ومع مين..  
المواقف غير المُنتهية عاملة زي الثقوب السوداء.. بتسهلك طاقتك ووقتك وجهتك ومشاعرك وأفكارك.. وتسيبك مهلهل مشتت بتدور على حاجة انت مش عارفها في مكان أول مرة تروحه..  
المواقف غير المُنتهية هي أحجار ثقيلة مربوطة في رجلك تحذر من حركتك وحرفيتك وامكاناتك.. زي القيود في الإيدين.. والغمامة على العين.. وسدادات الودان.. تخليك محبوس في عالمك الداخلي بأشخاصه القدامى وأحداثه البالىـة.. وتحرمك من الحركة.. والمرؤنة.. والرؤىـة.. وتتجدد الاستقبال..  
المواقف غير المُنتهية.. من وجهة نظر (معينة).. هي اللي ورا كل أنواع وأشكال الأعراض والأمراض النفسية.

طيب نعمل إيه بقى؟

شوف يا سيدى.. قدامك حل من خمسة..

الحل الأول.. إنك ترجع بالزمن للموقف الأصلي.. وتحله.. وده طبعا.. في ظل أبعاد الزمن الخطيرة اللي نعرفها حاليا.. مستحيل..

الحل الثاني.. إنك تفضل زي ما انت.. مسجون في الماضي.. ودایر في ساقية الحاضر وانت مغمي عنيك.. بتحاول تحل مع الناس الغلط.. وتحاول تنهي في الوقت الضائع.. وده حل مرضي مش هاي عمل أي حاجة غير انه يزيدك عمى وصمم وأسى.

الحل الثالث بقى.. إنك تروح بالفعل للشخص اللي بينك وبينه موقف غير منتهي.. وتنهييه نهاية مختلفة.. يعني تقول اللي كان نفسك تقوله.. أو تعمل اللي كان نفسك تعمله.. وتخليك جدع ومسئول وشجاع.. غالبا وقتها هاتكتشف ان معظم مخاوفك كانت سراب.. ومعظم تصوراتك كانت غير حقيقة.. وكل حاجة هاتأخذ حجمها.. وتبدا من أول وجديد..

طيب ولو الطرف الثاني مش موجود.. مش متاح.. مسافر.. ميت.. مريض.. تعمل إيه؟

ساعتها تعمل طريقة علاجية بسيطة جداً بستخدمها المعالجين بالسيكودrama.. تجيب كرسي فاضي.. وتخيل عليه الشخص اللي بينك وبينه موقف غير منتهي.. تحطه قدامك كما هو بصوته وصورته وتفاصيله (وقت الموقف).. وتبدأ تتكلم (طبعاً ده في وجود معالج نفسي).. آه.. تفرغ كل اللي متخزن جواك.. كل اللي مقدرتش تقوله.. كل اللي كتمته.. كل اللي ما جاتش الفرصة إنك تعبر عنه.. عاوز تصرخ.. اصرخ.. عاوز تشتمن.. اشتمن.. عاوز تودعه.. عاوز تقوله إنك بتحبه.. عاوز حتى تسلم عليه.. اعمل ده.. ببساطة.. ما تخليش حاجة باقية جواك.. حل.. وانهي.. وكفاية لغاية كده..

أما الحل الرابع.. هو إنك تسامح.. وتعفو.. وتصفح.. وتكون من العافين عن الناس.. مش بس من الكاظمين الغيط، وطبعاً ده يحتاج درجة عالية من النمو النفسي.. ومنزلة مرتفعة من السلام الداخلي.. وممش كل الناس تقدر على ده.. وبعض الناس تقدر ت عمله بس بعد ما تكون نفذت الحل الثالث.. علشان ساعتها يكون بالفعل (عفو عند المقدرة)..

الحل الخامس والأخير.. هو إنك تكون من المحسنين.. يعني مش بس تعفو وتصفح.. لا.. كمان تحسن لمن أساء إليك (الكااظمين الغيط والعافين عن الناس والله يحب المحسنين).. ودي أعلى درجات النضج النفسي.. وأسمى درجات السلام الروحاني.. ويرضه مش كل الناس تقدر ت عمل ده.. وبعض الناس بيعملوه بعد تنفيذ الحل الثالث والرابع..

تفضل زي ما انت؟ في حواراتك الداخلية اللي مش بتخلص.. ولا هاتخلص.. غير لما تخلص عليك..

تفضل في موافقك غير المنتهية؟ اللي بتاكل منك زي النار في الهشيم.. وتعيشك غير مكتمل.. وتحرمك من أجمل ما فيك..

تفضل في سجنك القديم العتيق؟ سجن الماضي باشخاصه وأحداثه وأماكنه..

تفضل في عالمك الداخلي المغلق على نفسك؟ واللي مش بتسمع ولا ت Shawf ولا تحس فيه غير أسطوانات مشروخة مكررة..  
ومشاهد قديمة بالية..

واللا تبدأ.. وتحل.. وتنهي..  
 هنا.. ودلوقت..

[fb/mashro3pdf](#)

٥

## مشاعرك اللي هي مش مشاعرك

## المشهد الأول: في عيادة الطبيب النفسي

- انت ليه دايماً زهقان ومتضايق مني يا دكتور؟
- اييه ده؟ مين اللي قال كده بالعكس. أنا مرحب جداً.. ده شغلي..
- بس انت مش بترد على تليفوناتي، ومش بترضى تديني ولا دقيقة واحدة زيادة بعد انتهاء مدة الجلسة.. آه علشان دي قواعد العلاج..
- وكل ما تشوفني تعيرات وشك بتتغير، وتකشر، وزي ما تكون شايل هم تقليل.. بدأ الدكتور يهز رجله، ويتأسف..
- شايف يا دكتور.. أديك بدأت تتوتر.. ينظر الدكتور في ساعته، وعليه علامات الضيق والزهق..
- تلاقيك بتقول من جواك دلوقت إمتنى الجلسة تخلص! تنتهي الجلسة بالفعل، وعلى موعد الجلسة التالية يكون الدكتور مشغول شوية فيؤخر موعد الجلسة ساعة، وبعدها بجلستين يقرر تحويل المريضة لدكتور زميله علشان يتبعها..

## المشهد الثاني: زدھتا منزل زوجین حدیثی الزواج..

- انت ليه متأخر كده النهاردة.. كنت فين؟
- مدير الشركة كلfini بحاجة كان لازم تخلص النهاردة.

- وايه ريحه البارفان الغريبة دي؟  
- غريبة ازاي.. ده البارفان اللي انتي جاي باهولي من أسبوع !!  
يذهب الزوج ليأخذ حمامه المعتاد وعليه كل علامات الدهشة والضيق، وتبدأ الزوجة كعادتها في استكشاف تليفونه المحمول.  
بعد ثلاثة سنوات، يضعف الزوج أمام سكرتيرة الشركة التي تراوده عن نفسه منذ أكثر من خمس سنوات قبل زواجه، والتي كان يقاومها بكل طريقة حفاظاً على بيته وأسرته..

المشهد الثالث: مشهد خارجي أثناء تمثيل أحد المسلسلات..  
- الممثلة الشابة للمخرج: حضرتك عاوزني أستخدم كل تعبيرات وشي وجمسي وأعبر عن غضب شديد جداً.. مش كده؟ بس أنا دلوقت معنديش أي غضب جوايا ناحية أي حد !!  
- المخرج: طيب أنا هاسعدك..  
يجلس المخرج أمامها ويطلب منها النظر المباشر في عينيه.. ويستحضر في ذهنه أحد مشاهد حياته التي يشعر كلما يتذكرها بغضب شديد.. تظهر عليه بالفعل علامات الغضب، حيث يقترب حاجبه، وتنتفخ أوداجه ويتطاير الشرر من عينيه..  
- الممثلة الشابة: أنا فعلًا دلوقت حاسته إني متضايقة وبذات أغضب.

تقوم الممثلة لتأدية المشهد.. وتندesh من كمية وشكل الغضب الذي تعبر عنه.. لدرجة أنها صفت زميلها في التمثيل صفة قوية جداً تج عنها جرح واضح أسفل شفتيه..  
ينتهي يوم التصوير.. وتذهب الممثلة الشابة إلى منزلها.. ليندesh جميع من بالمنزل من أسلوبها الحنق في الكلام وعصبيتها المفاجئة وارتفاع صوتها غير المبرر!!

كان مزة حسيت إنك مستغرب مشاعرك؟  
كان مزة سالت نفسك السؤال ده: هو أنا حاسس كده ليه مع إن  
مافيش حاجة حصلت تستدعي الإحساس ده؟  
كان مزة ظبطت نفسك وانت متالم بدون سبب يدعو للالم..  
غضبان بدون سبب يدعو للغضب.. كاره بدون مبرر للكره..  
أو حتى بيتحب بدون مبرر للحب..؟  
كتير جداً من مشاعرنا هي في الحقيقة مش مشاعرنا.. هي  
مشاعر اتزرت فينا.. حد تاني رماها من جواه عليك.. يعني  
أصلها مش بتاعتكم.. بتاعة حد تاني غيرك..

ساعات يكون فيه حد جواه مشاعر زهق وهو مش قابلها أو مش مستحملها أو بينكرها ومش حاسس فيها أصلًا.. تقدر سيادتك قدامه دققتين.. يقولك بص انت زهقان.. شوف انت متضايق.. أديك مش مستحمل.. أو حتى من غير ما يتكلم أصلًا.. تلاقي نفسك زهقت.. وقرفت.. ومش طايق نفسك..

ساعات حد يكون مليان من جواه خيانة وكدب وخداع..  
ويبدأ يرمي ده عليك ويحسسك إنك دائمًا مشكوك فيك ودائمًا  
موضع اتهام. لغاية ما حضرتك تبدأ تعمل ده فعلًا..

و ساعات حد يكون مليان غضب، بس مش بيعبّر عنه، أو  
حب ومش بيعبّر عنه، أو حتى كره ومش بيعبّر عنه.. وبينفس  
طريقة الضغط والإقناع دي يوصلك إنت إنك تعبر عن اللي جواه  
هوم. ولا انت واحد بالك.. ولا هوه كان واحد باله..

انت عارف كام مرة وقعت في الفخ ده؟ انتي عارفة كام مرة  
حسيني أحاسيس مزروعة فيكي ومش بتاعتكم؟

الحكاية دي اسمها العلمي Projective Identification ، أو  
التقمص الإسقاطي.. يعني حد يسقط (يرمي) جواه حاجة  
بتاعتكم هو، وانت بكل بساطة بدونوعي تستقبلها وتاخدها  
وتتقمصها وتبقى بتاعتكم.. وطبعاً فيه تفسيرات علمية كتير  
للظاهرة دي..

الموضوع ده بيحصل على مستوى الأفراد.. يعني واحد يزرع  
مشاعره اللي مش عارف يقبلها في نفسه أو يحتويها، جوه واحد  
تاني.. فالثاني يلاقي نفسه بيحب ويكره ويُذهب ويغضب  
ويخون ويُذور..... بدون مبرر وبشكل غير طبيعي. وبصوالي  
بيحصل بين الأصدقاء وبين الأزواج ومن موظفي الحكومة اللي  
عندهم القدرة على تحويلك في ثوان من إنسان شريف عفيف  
محترم إلى حد بيُزوغ ويرشّي ويخلص حاله..

ويحصل كمان على مستوى المجموعات أو العائلات.. يعني مجموعة (أو عائلة) تزرع مشاعر معينة جوه واحد أو جوه مجموعة أخرى.. مجموعة تزرع جوه واحد إنه فاشل.. إنه سيئ.. إنه مايستاهلش (مع إن ده يخص المجموعة نفسها مش الواحد ده أبداً).. وهو يصدق وممكن يعيش حياته كلها بهذا الإحساس.. ومجموعة أخرى تزرع جوه واحد إنه أحسن واحد في الدنيا، وما فيش زيه.. لغاية ما يصدق ويعيش بهذا التصديق ويمارسه عليهم هم نفسهم..

ويحصل على مستوى المجتمعات والثقافات والدول.. من أول المجتمع اللي يوصم حد بالخيانة والعمالة لغاية ما يخليه خاين وعميل فعلاً.. لغاية ما دولة زي أمريكا تصف دولة أخرى بالإرهاب لغاية ما تخليها إرهابية فعلاً، مع إن أمريكا هي أصل الإرهاب ومصدره لكل دول العالم.

أخطر ما في هذا الموضوع إنه ممكن يحول بني آدم إلى بني آدم آخر مختلف تماماً..

والأخطر إنك دائمًا مسئول ومالكش عذر ولا حجّة.. انت اللي سمحت إن حد يلبسك الدور، وانت لبسته.. وانت اللي وافقت إنك تكون جزء من سيناريو بتاع حد تاني مش بتاعك.. وانت اللي فتحت حدودك علشان حد غيرك يدخلها ويزرع جواها حاجة مش تبعك..

طبعا اللي بيلاعب اللعبة دي بيبقى جواه هدف عاوز يوصل  
لنتيجة ولو بغير وعي أو عن غير قصد واضح.. يعني لما حد يطلع  
الغضب من كل اللي بيتعاملوا معاه بيبقى عاوز يثبت لنفسه  
إن كل الناس مش بتستحمله.. واللي بيحرك الكره في اللي  
حواليه بيبقى عاوز يثبت لنفسه إنه مرفوض وما يستاهلش  
يتحب، وإنه مظلوم وضحية.. واللي بيفخم في غيره ويقدسه  
ويؤله بيكون عاوز يفضل صغير واعتمادي وغير مسئول..  
باختصار.. دي لعبة قديمة ومستهلكة وعقيمة مالهاش  
هدف غير الهروب من المسؤولية وتشبيت فكرة خاطئة ومشاعر  
بالية وتكرارها مزة ومزة ومزات..

طيب وبعدين؟!

جوه كل حد فينا فلتر.. أيوه فلتر.. بس يمكن انت مش واحد  
بالك من وجوده لأنك ما استخدمنتهوش قبل كده.. مطلوب منك  
كل يوم إنك تستخدمه، وبعد شويه هاتتعلم تستخدمه كل  
ساعة وكل دقيقة.. وكل ثانية..

أول ما تلاقي فيه مشاعر جواك غريبة عليك وعلى فطرتك  
وطبيعتك.. على طول استرجع إيه اللي حصل قبلها.. قابلت  
مين؟ اتصلت بمين؟ شوفت إيه في التليفزيون أو السينما أو  
الشارع أو الشغل؟ اتعاملت مع مين.. فين.. ليه.. إزاي؟

وابدأ استخدم الفلتر.. ونقى نفسك من شوائب الآخرين اللي  
اتخلصوا منها عندك.. وارمي لكـل حد حاجته اللي رماها  
جواك.. علشان تعرف تبدأ دورة جديدة من تنقية نفسك..  
**كل يوم..**

**دورة جديدة .. من تنقية نفسك.. كل يوم..**

٦

## علاقات خطرة

فيه أنواع كتير جداً من العلاقات بين البشر..  
من أخطر الأنواع دي على الإطلاق. علاقة (الحب السرى)..  
وعلاقة (العمى)..

### علاقة (الحب السرى)

دي بيكون فيها أحد الطرفين هو مصدر كل حاجة بالنسبة للطرف الثاني.. أو بالأحرى.. أحد الطرفين بيخلِي الطرف الثاني هو المصدر الوحيد لكل حاجة.. هو المصدر الوحيد للحب.. هو المصدر الوحيد للأمان.. هو المصدر الوحيد للحياة..

كتير اوى من الأمهات بتوصل لأولادها (بالقول وبالفعل) إنها المصدر الوحيد لكل حاجة، فيلزقو فيها وما يستغنوش عنها، وده يطمئنها ويؤنس وحدتها على حسابهم وحساب حياتهم ومستقبلهم وساعات جوازاتهم.. ده لو اتجوزوا..

وكثير اوى من الأزواج بيخلِي نفسه المصدر الوحيد لكل احتياجات زوجته المادية والمعنوية علشان ما يبقاش ليها في الدنيا غيره.. ولا أصحاب ولا شغل ولا حتى أهل..

وأمثلة تانية كتير بين الأصدقاء والأحباب والأقارب وغيرهم..  
الطرفين في العلاقة دي بيستفيدوا.. طرف بيبقى شديد الاعتمادية والسلبية والراحة وكل حاجة تيجي لغاية عنده.. وطرف يبقى متصور انه المنقذ والمخلص والبطل والبئر التي لا تنضب وساعات الإله المعطى المانع.. وكان فيه حبل سري خفي رابط بين الطرفين.. بس رايح جاي..

العلاقة دي مؤذية ونڪوسيّة وفاشلة، وغالبا اللي بيعملها مزءة بيتعود عليها وتبقى زي الإدمان.. دي علاقة طرف فيها بيمص دم الثاني.. وطرف بيستعبد الثاني ويعيشه بدون أي مصدر آخر أو بديل محتمل..

ما فيش حاجة اسمها (أنا وانت ولا حد تالتنا).. ما فيش حاجة اسمها (إنت مالي الدنيا عليا) وبافي كلام الأغاني اللي بيشعّ على هذا النوع من العلاقات طول الوقت..

ما فيش حاجة اسمها (إنت كل حاجة بالنسبة لي).. لأن (كل حاجة) ده لو اختفى أو اختفت.. يبقى الدنيا انهارت.. والحياة ما بقاش ليها معنى.. ويبقى أمراض نفسية ما لهاش أول من آخر.. وساعتها الكل بيدفع التمن..

دايما خلي فيه بدايل..

دايما خلي فيه ناس..

دايما خلي فيه ربنا..

### علاقة (العمى)

دي بقى من العلاقات المؤذية والمشوهـة جداً بين البشر.. في النوع ده من العلاقات فيه طرف مش بيشفوف الطرف الثاني أصلا.. بمعنى إنه بيكون جواه مشاعر قديمة متخزنـة ناحية حد ثاني (حبيب قديم، مدرس من زمان، صديق، وصولاً للأب أو الأم) ويتعامل مع شريكـه في العلاقة بنفس المشاعرـدي..

مش بس نفس المشاعر.. لا ده كمان نفس ردود الفعل.. ونفس طريقة التفكير والاستقبال القديمة، كانه شايف وسامع وحساس العد الثاني ده بالضبط.. بس وهو مش واحد بالله.. وشريك العلاقة مش واحد بالله برضه..

يعني واحد يشوف واحدة في الشارع ولا يعرفها ولا عمره شافها قبل كده ويحس ناحيتها بحب رهيب من غير أي سبب وبدون أي مقدمات.. وهو مش عارف إن الحب ده قديم جداً، وجواه من زمان ناحية حد تاني خالص (مدرسته في ابتدائي أو أمه مثلاً)، وهو لبس البنت المسكينة صورة العدد..

أو حد يحس بغضب شديد جداً ناحية حد معاملش حاجة تستأهل هذا الحكم من الغضب.. وهو برضه مش عارف إن ده غضب مخزون جواه ناحية حد تاني خالص (أبوه مثلاً)، وهو برضه لبسه صورة العدد..

كثيراوي من علاقاتنا الحياتية بتكون بهذا الشكل.. الحب من أول نظرة.. والكره من أول الكلمة.. والغضب غير المبرر.. وكثير من الخنافس والمشاكل الزوجية، وساعات كمان مشاعر جنسية..

طيب نعرف إزاي إذا كانت مشاعرنا ناحية حد مشاعر حقيقية ناحيتها فعلاً، واللامشاعر قديمة مكتوبتاً بس تمت إعادة توجيهها؟

أول ماتلاقي مشاعرك ناحية تحد كتيرة جداً.. وسريعة جداً..  
ويبدون سبب أو مبرر كافي.. اعرف فوزا إنك (غالباً) مش شايف  
حتى لو كنت باصص.. ومتش سامع حتى لو كنت مصغي..  
ومتش حاسس حتى لو كنت مستقبل..

ساعتها ..  
افتتح عينيك.. وشوف من جديد ..  
وافتح ودank.. واسمع من الأول ..  
وافتح إحساسك.. واستقبل صح ..

[fb/mashro3pdf](#)

٧

## أنت وعاملك الداخلي

كل واحد فينا عايش في عالمين متوازيين.. عالم خارجي وعالم داخلي..

العالم الخارجي هو العالم اللي انت واعي بيـه.. بتشوف ويتسمع ويتحسـ.. ناس وأصوات وأحداث وأماكن وأزمنـة..  
العالم الداخلي بقـى ده حـكاـيـتـه حـكاـيـتـه.

تصور ان جـواـك نـسـخـة من كـل حـد اـنـت عـلـى عـلـاقـة بـيـه فـي حـيـاتـك.. نـسـخـة حـيـة لـيـها صـوـت وصـورـة.. وـبـيـنـك وـبـيـنـها مشـاعـر حـب او كـره او غـضـب او اـمـتنـان او... الخ.. كـل حـد مـهـم بـتـقـابـلـه في مشـوار عمرـك بـتـخـزـن مـنـه نـسـخـة جـواـك، وـمـعـها كـل مشـاعـر نـاحـيـتـه (وقـت تـخـزـين هـذـه النـسـخـة).. يعني حـضـرـتك جـواـك نـسـخـة من والـدـك.. نـسـخـة حـيـة رـياـعـيـة وـرـيـما خـمـاسـيـة الأـبعـاد.. بتـتـكـلم مـعـها وـتـرـد عـلـيـك وـتـتـخـانـق وـتـتـصالـح وـتـتـفـاعـل تـفـاعـلات إـنسـانـيـة كـامـلـة، سـوـاء فـي وـعيـك الـظـاهـر (وانـت واـخـد بالـك يعني) او في مـسـتـوـي الـوعـي الـبـاطـن اللي اـنـت مش حـاسـس بـيـه ولا تـعـرـف عـنـه اي حاجـة.. أـبـسـط صـورـة لـهـذـه التـفـاعـلات بـتـحـصـل لما والـدـك يـغـيـب عنـك وـيـوحـشـك.. تـيـجيـ حـضـرـتك بـكـل بـسـاطـة تستـدـعـي وـتـسـتـحـضـر نـسـختـه، صـورـتـه جـواـك عـلـشـان تـفـتـكـرـه وـتـتوـنـس بـيـه وـتـدـعـيلـه.. او لما تـعـمل اي حاجـة غـلـطـ، تـبـصـ تـلاـقيـ حاجـة كـدـه طـلـعـت من جـواـك تـقولـك (لا) دـه غـلـطـ او دـه عـيـب او دـه حـرامـ..

جواك نسخة حينة من والدتك.. متخرنـة من أول أيام عمرك..  
ومعاها مشاعر الحب والرضا نتيجة حنانها واهتمامها بيـك، أو  
الـكره والغضـب نتيجة قسوتها أو إهمالـها معـاك..  
جـواك نـسخـ من إخواتـك.. من أـصحابـك.. من مـدرـسيـكـ في اـبـتدـائـيـ..  
من زـمـاـيلـكـ وأـصـدـقـائـكـ.. من زـوـجـتكـ وأـلـادـكـ.. من جـيـرانـكـ.. من  
كـلـ حدـ اـنتـ على عـلـاقـةـ بـيـهـ فيـ حـيـاتـكـ.. جـواـكـ نـسـخـ من  
الأـماـكـنـ الـمـهـمـةـ بـالـنـسـبـةـ لـكـ بـكـلـ تـفـاصـيلـهاـ منـ جـدـرـانـ وـأـبـوـابـ  
وـشـبـابـيكـ وـمـقـاعـدـ وـحتـىـ رـائـحةـ الـهـوـاءـ فـيـهـاـ.. وـكـلـ نـسـخـةـ  
مـرـتـبـطـةـ مـعـاـهاـ بـمـشـاعـرـ مـعـيـنـةـ تـخـصـ صـاحـبـ هـذـهـ النـسـخـةـ وـقـتـ  
تـكـوـنـهـاـ وـإـدـخـالـهـاـ فـيـ عـالـمـكـ الدـاخـلـيـ..

النسخ دى المفروض إن حضرتك تعاملها Update (أب - ديت) كل شوبيتة. يعني لما الشخص اللي قدامك يتغير أو علاقتك بيه تتغير سواه للأحسن أو للأسوأ، تصاهي ده بالنسخة القديمة وتحدثها.. علشان ما تظلمش حد في صورة قديمة انت واحدها عنه ومثبتته فيها.. وعلشان تسمح لنفسك تجدد دماء عالمك الداخلي كل فترة وأخرى.. حتى نسختك الداخلية عن نفسك تحتاج تتجدد وتتغير بتغيرك وحركتك النفسية بمختلف إيقاعاتها..

تصور بقى حد قابل فى حياته . خاصة فى سنينها الأولى . ناس عاملوه بقسوة أو باهتمال أو بحب مشروط أو بعدم قبول أو عدم احترام أو إهانة (أو على الأقل هو شافهم واستقبلهم كده) .. تفتكرها يخزن للناس دول نسخ شكلها إيه في عالمه الداخلى ؟

وحوش طبعا.. ده كلام بجد.. هايكون جوه عالمه الداخلي وحوش.. أصل العالم الداخلي ده لغته هي الصور.. والمشاهد الخيالية.. والأحداث الدرامية.. يعني هايكون جواه غابت.. مدینة أشباح.. غيلان وديناصورات وثعابين وكائنات سوداء مجنة ومصاصين دماء.. هايكون جواه خناقات ومتارددات وحروب وأصوات قنابل وصرخ وعويل.. و تكون أحلامه عبارة عن حلقات يومية من مسلسل رعب مستمر..

اللي عالمه الداخلي بالشكل ده هو مريض نفسي من الدرجة الأولى.. يطلع عنده اكتئاب.. يطلع عنده توتر.. يطلع عنده اضطراب في الشخصية.. أو تقوم أخيراً غيلانه وعمالقته الداخلية بتحطيم واختراق الحاجز الهش اللي بين العالم الداخلي والعالم الخارجي وتغزوه، ويبدأ يشوفها ويسمعها ويحسها في هلاوس بصرية وسمعية وحسية.

طيب تصور العكس.. حد شاف من اللي حواليه.. بداية من اللي ربيه كل حب وحنان وتفهم واحترام وقبول غير مشروط واستيعاب وسماح.. طبعاً هايكون عالمه الداخلي جنة خضراء مليانة ناس طيبين وورود وفل وياسمين وبعيرات وشمس ونور ودفا.. وأحلامه هاتكون بالطبع جرعات هادئة من السعادة والشبع والرضا..

اللي عالمه الداخلي بالشكل ده هم أصح الأصحاب.. طيب ولو حد طبيعي زينا يعني، شاف ده وشاف ده.. واتعامل مع ده واتعامل مع ده.. ساعتها هايكون عالمه الداخلي مزيج من

الأول والثاني.. لكن حد منهم هايكون ليه الغلبة والسيطرة.. ويكون على نقطة في خط بياني طويلاً أوله منتهى المرض النفسي، وأخره منتهى الصحة النفسية.

طبعاً طبيعة العالم الداخلي بتاع كل واحد فينا بتحدد (وده في منتهى الخطورة) طريقة استقباله للناس والأحداث والأمور.. يعني لو واحد عدى من جنبك وما قالاكش صباح الخير عالمك الداخلي هو اللي هايحدد إذا كنت هاستقبله على إنه بيكرهك أو مطنشك أو حتى بيتامر عليك.. أو تستقبله على إنه مش واحد باله أو مشغول أو تعبان شويتة..

طيب.. باختصار.. وبدون أي إحراج.. محدش فينا عالمه الداخلي سليم مية في المية.. محدش فينا ما خدش لقطة لوالده وهو بيعنفه أو يزعله وخزن اللقطة دي جواه في صورة عملاق مخيف، محدش فينا ما خدش لقطة لوالدته وهي بتشد ودانه أو بتخوفه وخزن اللقطة دي جواه في صورة أمينا الغولية.. محدش فينا مش مخزن صورة أستاذ اللغة العربية بنبرة صوته العالية القاسية في صورة وحش كاسر.. زي بالضبط ما كلنا مخزنين صور حية للأب الحاني والأم العطوف والصاحب الوفي والمحببة الرائعة..

صور.. نسخ.. حياة كاملة.. عالم داخلي موازي.. تجري أحدهاته على قدم وساق.. دلوقت.. حتى وانت بتقرأ الكلام ده..

ايه بقى؟

نحل إزاي طيب؟ نصلح إزاي الأجزاء المعطوبة في عالمنا الداخلي؟  
إزاي نستبدل الوحوش الكاسرة بوجوه ملائكية مريحة؟  
إزاي نحوش الأصوات والصور القبيحة المرعيبة ونخللي مكانها  
موسيقى متناغمة وزفقة عصافير وخرير مياه متدفقة..  
وورود وشمس وبحر ودفا؟

أقولك يا سيدى..

هو مش اللي عمل ده كله علاقته.. أو مجموعة علاقات.. مع  
ناس وصلنا منهم رسائل نفسية سيئة.. وقمنا بتخزينهم برسائلهم  
ومشاعرنا تناهيتهم في أبغض الصور والأحداث.. الإجابات آه.. إذن  
مش هايصلح ده غير علاقات أخرى يوصلنا منها رسائل نفسية  
مختلفة طيبة من قبول وحب واحترام.

علاقات دي كلمة كبيرة؟ أجيبي منين أنا علاقات تصلح ده  
كله..

شوف.. ممكن علاقة واحدة تصلح كل عالك الداخلي..  
أيووه.. علاقة واحدة بس.. علاقة واحدة بس..

يعني علاقة حقيقة مع واحد صاحبك.. يوصلك منه فيها حب  
غير مشروط وقبول واحترام وسماح وتفهم واستيعاب.. ممكن  
تغير كل عالك الداخلي..

علاقة حقيقة مع أستاذك.. يوصلك منه فيها تقدير وقرب  
واهتمام.. ممكن تعيد تركيبك النفسي تماماً..

علاقة حقيقة مع حبيب أو حبيبة.. تكون مليانة صدق واحلاص ومرة ورحمة ودفا ويراح واحتواء.. كفيلة بأنها تخليك تتصالح مع كائناتك الداخلية المرعبة، وتشوفهم في حجمهم الطبيعي البسيط، ويمكن تكتشف غلبهم وضعفهم واحتياجهم..

علاقة إنسانية طيبة.. يصلك من خلالها حب حقيقي (بكل مسمياته ومحتوياته ومكوناته) غير مشروط.. تستطيع أن تحول جحيمك الداخلي إلى جنة عدن.. وهي دي فكرة العلاج النفسي ..

العلاج النفسي هو محاولة مستحدثة (عمرها بضع عشرات من السنين) لمشاهدة ما تفعله العلاقات الإنسانية الطيبة.. وبغض النظر عن نوع العلاج النفسي.. أو نظرياته.. أو تقنياته.. أو مدتة.. فكل طرق وأساليب ومدارس العلاج النفسي تشتراك وتجتمع في أن ما يغير المريض ويعالجه ويحول مرضه واكتئابه وتوتره وهلاوسه إلى شفاء وبهجة وعمل وإبداع هو ما يسمى (بالعلاقة العلاجية).. اللي مش بتتوصل أى حاجة غير حب واهتمام واحترام وتفهم وسماح واحتواء وقبول..

المعالج النفسي.. أو الصاحب المخلص.. أو الأستاذ الحقيقي.. أو الحبيب الرائع.. أو النبي المرسل.. أو حتى صاحب إحدى العلاقات القديمة في نسخة جديدة.. بيكون زي الفارس الهمام.. يدخل عالمك الداخلي بكل جسارة وشجاعة.. يحارب.. يكر.. يفر.. يغلب.. يتفاوض.. يداعب.. وأخيراً يصلح..

آه يصالح.. يصالحك على نفسك.. ويصالحك على مكونات عالمك الداخلي اللي هي جزء منك.. يصالحك على غيرك.. يصالحك على اللي حواليك.. يصالحك على الدنيا.. يصالحك على الحياة.. ويصالحك على ربنا.. فتتغير.. تتغير شخصيتك.. تبقى بني آدم تاني.. مليان أمل.. وحب.. وحياة..

اذن..

عالمك الداخلي حقيقي أكثر من الحقيقة نفسها.. وبيؤثر في كل أفكارك ومشاعرك وتصيراتك وردود أفعالك.. عالمك الداخلي مكون من مجموعة من العلاقات والمشاعر المخزنة في صور درامية هائلة التركيب وشديدة التعقيد.. عالمك الداخلي بيظهر في أحلامك وفي طريقة مشيتك وفي علاقتك بنفسك وجسمك والناس وحتى علاقتك بربنا.. عالمك الداخلي مهما كان مشوه.. مهما كان مليان بالوحوش والأشباح ومصاصين الدماء.. ممكن علاقة واحدة حقيقة فيها قبول وحب واهتمام واحترام، تغيره، وتلاؤنه، وتشفيه، وتعيد تكوينه من أول وجد..

ممكنتقومتدورعلىالعلاقة دي دلوقت؟ ممكنتكتتشفها أو تعيد اكتشافها في حياتك؟ ممكنتسمع بيه؟ ممكنتتحافظ عليها؟

الحب يشفى..  
الحب يطيب الخواطر..  
الحب يصنع الأنبياء..  
”والقيت عليك محبةً مني.. ولتصنع على عيني“ - طه (٣٩)

صدق الله العظيم

[fb/mashro3pdf](#)

٨

الخروج عن النص

عن فيلم Adjustment Bureau

(١)

(ديفيد) شاب سياسي لامع.. ناجح وطموح.. طموحة مالهوش حدود.. رشح نفسه لانتخابات الكونجرس.. لكن منافسه لعب معاه لعبة قدرة تسببت في سقوطه بالانتخابات..

يوم مؤتمر (ديفيد) الصحفى لإعلان الهزيمة كان نقطته تحول في حياته.. لأنه قابلها.. قابل (اليس).. فتاة جميلة بس متهورة، رقيقة بس غريبة.. قريبة بس مش سهلة.. تبدو مجنونة.. لكنها في منتهى العقل.. تلقائية ومغامرة.. وجواها فنانت على درجة عالية جداً من الإحساس، ويتشغل راقصه باليه..

بعد ما قابلها بدقايق.. وأثناء كلامته أمام جمهوره، قزر ديفيد.. وفجأة.. وبدون مقدمات.. إنه يخرج عن النص.. النص اللي جهزه فريق حملته الانتخابية علشان يقوله لجمهوره.. مش بس كده.. ده كمان خرج عن الشكل اللي كان المفروض إنه يظهر بيه قدام الناس.. من أول الظرفية لغاية الجذمة.. ديفيد قزر.. ولأول مرة في حياته، إنه يبقى صادق مع نفسه.. يقول اللي جواه زي ما هو.. يعمل اللي حاسس بيه بدون أي حسابات أو مخاوف.. ويفتح قلبه.. للحب الحقيقي.. والحياة الحقيقية..

بعدها بشهر.. (ديفيد) قابل (اليس) بالصدفة تاني.. اتعرف عليها أكتر.. وقرب منها أكتر.. وحبها أكتر.. وأخذ رقم تليفونها.. وده كان تاني خروج عن النص.. بس المرة دي.. كان خروج عن النص اللي السماء (كما يزعم الفيلم) حاطه لحياته.. والمرة دي كان لازم السماء تتدخل علشان ترجعه لخط سيره المرسوم.. وهو ما حدث بالفعل..

(٢)

أرسلت السماء فريق (مكتب التسوية) علشان يصلحوا ما أفسده (ديفيد).. وحصلت مواجهة غير متوقعة بينهم وبينه.. عزفوه فيها بنفسهم وبقدراتهم غير المحدودة وطلبوها منه بكل صراحته ووضوح انه يبعد عن (اليس).. ويرجع لمساره المرسوم.. اللي هي مش جزء منه.. واللي ما كانش المفترض فيه انه يقابلها ولا يحبها.. والا هايضطروا التدخل عنيف.. قد يصل لمسح عقله.. ديفيد مش فاهم ولا عارف فما ليه مش عاوزينه يقابلها تاني ويحبها ويكملا معها حياته.. وفي نفس الوقت فيه حاجة جواه بتنادي عليها وتروح لها.. فقرر وبكل شجاعة وإصرار وتحدى انه يصدق احساسه، ويمشي ودا قلبه، ويدور على (اليس).. ملهمته.. بكل شكل.. وبأي طريقة.. وفي كل مكان.. ورغم انه ما كانش معاه اي تفاصيل عنها او اي وسيلة تواصل معها (بعد ما فريق مكتب التسوية أخذ منه رقم تليفونها)، الا انه كان عنده أمل.. انه هايلاقيها.. ديفيد لقى (اليس) بعد ثلاث سنوات من البحث.. والانتظار.. والصبر.. والأمل..

(٣)

جن جنون فريق (مكتب التسوية).. وعملوا كل حاجة.. كل حاجة.. علشان يفرقوا بين (ديفيد) و(اليس) تاني.. لكن اصرار (ديفيد) وتحديه وثباته وتصديقه لإحساسه وعدم خفوت أمله كان أقوى منهم بمراحل.. فاضطروا لرفع (القضية)

لأعلى مُحترف في المكتب.. (طومسون)..  
(طومسون) كان رادع.. قاسي القلب.. عنده استعداد انه يؤذى  
بدم بارد.. ووسائله في الأذى كتير جداً.. واستخدم أقوالها  
وأكثرها ردعاً.. الإحساس بالذنب..

طومسون قابل (ديفيد) وقاله ليه (مكتب التسوية) عاوز  
يفرق بينهم: لأن الخطأ المرسومة والنصل المكتوب بيقول إن  
(ديفيد) المفروض يزيد نهمه للشهرة.. وبحثه عن حب الظهور..  
واحتياجه للتصفيق والإطراء.. لغاية ما ده يوصله إنه يكون  
رئيس أمريكا.. في حين إن وجود (اليس) جنبه بيسكت  
جواه ضجيج البحث عن الشهرة، ويكتج رغبته في حب  
الظهور، ويُشبع احتياجه للشو凡ان والتصفيق والإطراء.. لأنه  
هيلافي كل ده فيها.. وفي عينيها.. وفي قربها.. وفي حبها ليه..  
وده كفيل بانه يخلية شبعان.. ومبسوط.. وراضي.. وقنوع..  
(ديفيد) من غيرها هايحكم أمريكا ويغير العالم.. لكن  
معاها مش هايحكم ولا يغير غير (نفسه).. وده ما كانش في  
الخطوة..

طومسون أذى (اليس) لدرجة قد تحرمها من ممارسة رقص  
الباليه تاني، وده ممكن يحطم كل أحلامها وطموحاتها  
ومستقبلها وحياتها.. وعلق وقف هذا الأذى على بعد (ديفيد)  
عنها.. ديفيد وصلته الرسالة.. وقرر يبعد.. علشان يحميها.. من  
وجوده معها.. وتوابعه..

(٤)

(ديفيد) فضل محتفظ بالأمل، وما تخلّاش عنه، وكان متابع للبس وأخبارها عن بعد.. ومستني الوقت المناسب.. وهنا ظهر ليه أخيراً أحد أفراد (مكتب التسوية) الطيبين.. اللي قرر يساعده في الوصول ليها مزة تانية.. قبل جوازها من شخص آخر..

(ديفيد) قرر يأخذ المخاطرة.. ويستخدم كل طاقته.. وكل مجهوده وكل قدرته على الإصرار والتحدي والثابرة وعدم الاستسلام.. ديفيد فتح كل الأبواب المغلقة.. واخترق كل طرق المستحيل.. وما وقفش عند أي خوف ولا أي تهديد.. وكان مستعد يدفع أي ثمن.. حتى ولو كان الجنون أو فقد الذاكرة (أو مسح العقل)..

(٥)

(ليس) في الدقائق الأخيرة قبل الزفاف.. مليانة تردد وحيرة وتيه.. (ديفيد) يظهر فجأة.. يشرحها أسباب اختفائه وبعده.. كلام غريب جداً مش قادرة تستوعبه.. خطته.. ومكتب تسوية.. وناس بتحارب وجودهم مع بعض!! في حين إنها غضبانة منه جداً وشايفاه ندل ووغرد ومش قادرة تسامحه على اختفائه المتكرر بدون تفسير كل ما تحبه وتتعلق بيها، حتى إنه سابها وهي مريضة في المستشفى..

وهنا بيكون قدامها اختيار صعب جداً: إما تكمل في حياتها المرسومة الواضحة اللي عارفة أولها وأخرها.. حياتها التقليدية اللي هاتبدأها بعد لحظات مع زوج وفرصة عمل ناجحة واستقرار مضمون.. أو إنها تخاطر هي كمان وتخرج عن النص.. وتتمرد على الخطأة المرسومة.. وتصدق (ديفيد).. وتنق فيه.. بدون شروط.. حتى لو كان.. بحسبات العقل.. بيخرف.. (اليس) ويدون تردد ولا تفكير.. قررت تخاطر.. واختارت (ديفيد).. اللي قرر يقابل مدير (مكتب التسويقة) بنفسه..

(٦)

### المشهد الأخير

في كل مكان.. وبكل طريقة.. طومسون ورجالاته بيطاردوا (ديفيد) و(اليس).. اللي وصلوا لمقر الإدارية وصعدوا لأعلى نقطة في المبنى.. وتمت محاصرتهم هناك.. للبدء في عملية (مسح عقلهم) وإعادتهم للطريق المرسوم..

وفي لحظة جمعت ما بين اليأس والأمل.. والخوف والرجاء.. والوداع واللقاء.. والحيرة والحب.. الموت والحياة.... جت رسالة من المدير لـ(طومسون)..

الرسالة كانت استجابة المدير.. وتحفيز الخطأة.. وإعادة تحرير النص.. علشان (ديفيد) يكمل مع (اليس)..

كل الكلام الجاي ما لهوش علاقة مباشرة باتجاه الفيلم الفلسفي أو العقائدي اللي فيه بعض المغالطات.. لكنه مُستوحى من حاجات كتير منها بعض أفكار الفيلم المتواقة مع ثقافتنا وتراثنا وديننا..

### الخروج عن النص

كام مرة خرجت عن النص.. وعن الخطة المرسومة.. وعن الطريق المعد مسبقاً؟

بلاش كده.. هو فيه كام نص في حياتك.. وكام خطة مترببة.. وكام طريق جاهز ومتفصل على مقاسك؟ من أول ما تولد.. يبدأ نص الأب والأم.. بتاع اسمع الكلام.. وما تعليش صوتك.. وما تقولش لأ.. وما تزعليش علشان تبقى شاطر.. واشرب اللبن علشان تدخل الجنة..

وبعدين نص التفوق في المدرسة.. بتاع ذاكر واحفظ ولازم تطلع الأول وتجيب الدرجات النهاية وتدخل كلية الطب وتطلع دكتور.. وتحقق حلم أبوك وأمك (مش حلمك انت)..  
وبعدين نص المجتمع.. بتاع ضل راجل ولاضل حيطة، وإن فاتك الميري انترمغ في ترابه، واللي ما لهوش كبير يشتريله كبير..  
وأخطر من كل ده.. النص الوحيد اللي يحدد هولك شيخ أو كاهن للوصول لريتنا.. مع إن طرق الوصول له.. سبحانه وتعالي مُتعددة بعدد الخلق والخلائق..

طيب فاكر لما كنت تحاول تخرج عن النص كان بيحصل ايه؟  
فاكر لما كنت بتصدق نفسك وتمشي ورا احساسك بيكون  
ايه رد الفعل؟ فاكر مين كانوا أعضاء (مكتب التسوية)  
اللي كانوا بيرجعوك -بطرق كتير قوي- للخطبة المرسومـة.  
والطريق الجاهز.. والنـص الأصلي.. كـتير أوي.. مش كـده؟

فاكر اللعب على وتر شعورك بالذنب وأنت صغير وقد ايـه ده  
شـوه فيـك وأذاـك؟ طـيب فـاـكر كـمـيـة التـرـهـات والـكـلامـ اللي  
مالـوش لـازـمةـ الليـ كـنـتـ بـتـضـطـرـ تحـفـظـهـ عـلـشـانـ تـبـخـهـ فـيـ  
الـامـتحـانـ.. وـبـعـدـ ماـ تـخـرـجـ تـنسـاهـ وـتـحـفـظـ غـيـرـهـ؟ فـاـكـرـ دـهـ قـدـ  
ايـهـ كـانـ قـمـيـءـ وـسـيـئـ وـبـدـونـ معـنـىـ؟ طـيب فـاـكـرـ كـلامـ الشـيـخـ  
الـجـلـيلـ معـقـودـ الحـاجـبـ أوـ الـكـاهـنـ العـظـيمـ مـكـفـهـ الـوـجـهـ عنـ  
إـنـكـ مـخـطـئـ وـعـاصـيـ وـكـافـرـ لـجـرـدـ إـنـكـ سـأـلـتـهـ سـؤـالـ بـزـهـ النـصـ.. أوـ  
فـكـرـتـ فـكـرـةـ بـزـهـ الصـنـدـوقـ؟ وـإـزـايـ تـعـاـمـلـ مـعـاـكـ وـكـأنـهـ مـعـاهـ  
مـفـاتـيـحـ الجـنـةـ وـالـنـارـ.. وـكـأنـهـ وـصـيـ عـلـىـ الدـيـنـ.. أوـ عـلـىـ رـيـناـ  
(جل عـلاـهـ)..

عرفـتـ مـينـ هـمـاـ أـعـضـاءـ (مـكـتبـ التـسوـيـةـ)ـ الليـ كـانـواـ حـوـالـيكـ  
طـولـ حـيـاتـكـ وـفـيـ كـلـ مـرـاحـلـهـ؟ عـرـفـتـ كـانـواـ عـاـوـزـيـنـ مـنـكـ إـيـهـ  
طـولـ السـنـيـنـ دـيـ؟ عـرـفـتـ التـمـنـ الليـ دـفـعـتـهـ.. وـالـلـيـ غالـبـاـ مـاـ زـلتـ  
بـتـدـفعـهـ..

كانوا عاوزينك تبقى أي حاجة.. غير نفسك الحقيقة اللي رينا خلقها.. خلقها حرة.. تلقائية.. عنيدة.. جريئة.. ليها حق الاختيار وتقرير المصير.. وتحمل المسؤولية.. ما فيش بينها وبينه أي وسيط ولا أي وصي..

كانوا عاوزينك تبقى تقليدي.. عادي.. زيهem.. لا تسأل.. ولا تفكر.. ولا تحس..

كانوا عاوزينك ما تخاطرش.. وتسسلم.. لكل ما هو زائف وهش وفارغ..

كانوا بيغروك بنجاح مألف.. وسكتة معروفة.. وحياة اعتيادية..

والermen كان تشويهك وتخليك عن فطرتك وانسلاخك من جلدك.. فتخرج منك نفس مزيفة متكيفة مع النص المكتوب.. متواضمة مع الخطة المعدة مسبقاً.. لا تسلك إلا الطريق المرسوم والمرتب والمفصل على مقاسها..

(٨)

#### لا يرد القضاء إلا الدعاء

تعرف إنك عندك القدرة على تغيير الأحداث ومجريات الأمور..  
تعرف إنك ممكِن تغيير القدر.. وترد القضاء..

تصوّر إنك أنت اللي بتحدد موقف رينا منك..

مش الفيلم هو اللي بيقول كده.. ولا أنا اللي بأدعّيه.. ده رينا  
رسوله الكريم هو اللي علمنا دم.. لما الرسول صلى الله عليه

وسلم يقول "لا يرد القضاء إلا الدعاء" يبقى ربنا إدالك في إيدك  
مفتاح تغير بيه أحداث ومجريات حياتك يا ذاذهنـ وده برضه  
هـايكون من القضاء اللي هو.. سبحانـه مقدرـه بعلمه وقدرته.  
ولـا يقول ربنا عز وجل في الحديث الـقدسي: "إذا تقرب العـبد  
إلى شـبرا تـقـربـتـ إلـيـهـ ذـراـغاـ، وإذا تـقـربـتـ إلـيـ ذـراـغاـ تـقـربـتـ مـنـهـ باـغاـ،  
وإذا أـتـانـيـ يـمـشـيـ أـتـيـتـهـ هـرـولـةـ" .. يـبـقـىـ اـنـتـ اللـيـ بـتـحـدـدـ موـفـقـ  
ربـناـ منـكـ.. والـبـداـيـةـ دـاـيـمـاـ مـنـ عـنـدـكـ..

ولـاـ ربـناـ يـقـولـ: "ونـحـنـ أـقـرـبـ إـلـيـهـ مـنـ حـبـلـ الـورـيدـ" .. يـبـقـىـ ماـفـيـشـ  
بيـنـكـ وـبـيـنـ ربـناـ أيـ حاجـزـ أوـ وـسـيـطـ أوـ وـصـيـ..  
يعـنيـ.. وبـاختـصارـ شـدـيـدـ.. حـضـرـتـكـ مـالـكـشـ حـجـةـ..

معـاكـ كـلـ الـأـدـوـاتـ الـمـنـاسـبـةـ عـلـشـانـ تـرـسـمـ خـطـةـ حـيـاتـكـ  
بنـفـسـكـ.. وـتـغـيـرـ الخـطـةـ دـيـ بـنـاءـ عـلـىـ رـؤـيـتـكـ وـاـحـتـيـاجـاتـكـ فـيـ  
كـلـ مـرـحـلـةـ مـنـهـاـ..

وـمـعـاكـ الإـرـادـةـ الـحـرـةـ الـلـيـ تـحـدـدـ بـيـهاـ الطـرـيـقـ الـلـيـ هـاـتـمـشـ فـيـهـ..  
ولـوـ مـاـ عـجـبـكـشـ.. تـمـشـيـ فـيـ غـيرـهـ..

وعـنـدـكـ الـقـدـرـةـ عـلـىـ الـاـخـتـيـارـ.. وـاعـادـةـ الـاـخـتـيـارـ.. وـاعـادـةـ إـعادـةـ  
الـاـخـتـيـارـ مـرـةـ وـاتـنـيـنـ وـتـلـاتـةـ..

ولـيـكـ الـحـقـ فـيـ اـتـخـاذـ أيـ قـرـارـ تـشـوفـهـ فـيـ أيـ وقتـ تـحـبـهـ.. مـنـ أـولـ  
هـاتـفـطـرـ إـلـيـهـ النـهـارـدـةـ لـغـاـيـةـ الـإـيمـانـ وـالـكـفـرـ..

ربـناـ إـدـالـكـ مـفـاتـيـحـكـ فـيـ إـيدـكـ.. وـسـلـمـكـ عـقـدـ مـلـكـيـةـ نـفـسـكـ  
لـفـتـرـةـ مـحـدـدـةـ بـعـمـرـكـ.. وـوـهـبـكـ حـرـيـةـ وـارـادـةـ وـاـخـتـيـارـ وـقـرـارـ  
وـمـسـئـولـيـةـ..

أنا مش كاتب الكلام ده علشان أقول خطبة دينية أو وعظ مباشر.. أنا كاتب الكلام ده علشان أقولك حاجة تاني خالص: ما فيش أي حد من حقه يرسم لك طريق حياتك.. ولا أي حد من حقه يحط رجلك على طريق انت مش مقتنع بيها.. ولا أي حد ي ملي عليك آراءه وتجاربه الخاصة باعتبارها نصوصا مقدسة.. مش من حق أي حد يحدلك اختياراتك.. ولا يأخذ قراراتك بالنيابة عنك.. ولا يخليك تشوف بعينيه أو تسمع بودانه أو تبقى مشروعه الاستثماري الرابع.. أو تتحقق حلم حياته اللي ما حققهوش..

انت كائن مستقل بذاتك.. حر.. ومختار.. ومسئول..

(٩)

### مخاطر الأمل

في علاقته بـ (اليس)، (ديفيد) كانت كل الأبواب قدامه مقفلة.. كان مطارد.. كان معرض للخطر في كل خطوة بيخطيها.. وكان الأسهل ليه وليها انه يكمل مشوار نجاحه وصعوده المضمنون..

فريق (مكتب التسوية) كان عنده كل القوى.. وكل الصالحيات.. طول الوقت..

لكن (ديفيد) كان عنده حاجة أقوى وأهم.. كان عنده أمل.. والأمل دائمًا محتاج حاجتين: إنك تصدق إحساسك.. وإنك تكون مستعد للمخاطرة.. علشان الأمل مخاطرة..

مخاطرنة إنك تسيب اللي تعرفه وتروح للي ما تعرفهوش.. وإنك ترفع أقدامك من على الأرض الثابتة، وتحلق في السما شويتة.. قبل ما تلاقي أرض جديدة تقف عليها..

مخاطرنة إنك تقتحم المجهول.. وتقبل الفشل والضعف.. وفي وقت من الأوقات.. ممكّن تبقى لوحدك..

مخاطرنة إنك تستخدم كل مجهدك وطاقتك وقدرتك، وتجيب آخر ما عندك من صبر واصرار ومثابرة.. علشان توصل..

مخاطرنة إنك تشوف مخاوفك وتقبلها وتجازوها.. وما تقفلش عندها ولا تسمح لها تعطلك..

مخاطرنة إنك تبقى مستعد تدفع أي ثمن.. في أي وقت..

أول ما تلاقي في نفسك كل دم.. يبقى عند أمل.. بجد.. ساعتها.. هاتلف مقبض أي باب في اتجاه أملك.. فالباب يتفتح.. على مشهد مفاجئ مختلف.. عالم جميل مبهج.. وفرحة حقيقية عارمة.. ووصول مبدع وعقاري.. ساعتها.. مش هاتبقى أي حد غير نفسك..

(١٠)

## طريق الحب

أنا مش هاكتب عن الحب أكثر من اللي اتكلّب.. ولا هاخترع كلام جديد.. بس فيه مشهد واحد في الفيلم ده لخاص كل الكلام وكل المعاني اللي ممكّن تتناقل أو توصف الحب..

كل واحد فينا عنده احتياجات نفسية أساسية بيتدل بيه وبيعيش بيه وطول الوقت بيسعى انه يشبعها من خلال علاقته بالآخرين.. احتياج إنك تتشاف وتتسمع.. ويبقى مُرحب بوجودك في الدنيا.. احتياج إنك يتحس بيئك.. احتياج إنك تتقبل من غير شروط.. احتياج إنك تحس إن وجودك مهم ومبهج وله معنى عند اللي حواليك.. احتياج إنك تبقى تلقائي وعلى طبيعتك بدون زيف ولا تشويه.. احتياج إنك تقول (لا) بمنتهى القوة عند اللزوم.. واحتياجات تاني كتير أوي..

الاحتياجات دي لو تم إشباعها أثناء التربية، بيعطلع إنسان سوي وصحيح نفسياً.. وتكبر معاه احتياجاته.. في صورة معقولة ويسطعها.. لكنها لو لم يتم إشباعها منذ الصغر.. بتفضل في صورتها الطفولية الضخمة جداً وتكبر مع الواحد بشكل مرضي لا يكف عن الضجيج والصخب طول الوقت..

(ديفيد) كان عنده احتياج ونهم شديد للشفاف (إنه يتشارف ويتعرف ويشهر).. كان بيحب الظهور.. كان بيُعشق لمعان عيون الناس لما تشوّفه.. كان بيستمتع بتصفيق الناس ليه واعجابهم بيئه.. والاحتياجات دي كانت موجودة جواه بشكل مرضي لا يشعّ ولا يرضي.. لأن كل وسائل إشباعها كانت مزيفة ومؤقتة وغير حقيقة..

(ديفيد) كان جواه فراغ عامل زي الثقب الأسود اللي بيبليغ أي حاجة يلاقيها قصاده.. بلا نهاية.. وكان الطريق المرسوم ليه (هو) إنه يفضل يطلّبها ويسعى إليها ويحاول يشبعها بشكل مرضي ومباغٍ فيه.. لغاية ما يوصل لرئاسة أمريكا..

وجود (اليس) في حياة (ديفيد) كان العلاج.. وحبها الحقيقي  
ليه كان الحل.. وجودها جنبه كان هو الجواب الشافي  
لأسئلته.. وحبها كان الدواء الناجع لوجعه..

في مشهد عبقرى بين (ديفيد) وعضو (مكتب التسويقة) الطيب (هاري):  
- طومسون كان كاذبا حينما أخبرك بأنه لا يمكن وجودك  
بجانب (اليس) لأنها تظهر جانبك المستهتر.

- لماذا إذن يهتمون للغاية؟  
- لأنها تكفي يا (ديفيد).. لأنك إذا حصلت عليها، فلن يكون  
عليك أن تملأ ذلك الخواء بداخلك بالتصفيق والأصوات.

إذا كان فيه أي حاجة ممكناً تُشبع كل الاحتياجات  
النفسية الأساسية لأي بني آدم في الدنيا.. فهي حب حقيقي  
صادق غير مشروط..

إذا كان فيه دواء شافي لكل الأمراض النفسية.. من القلق  
وحتى الجنون.. فهو حب خالص من القلب..

إذا كان فيه ترياق لكل العلاقات المسمومة، والتشوهات  
النفسية المعقّدة.. فهو حب أصيل يصل لنخاع الطرفين..

إذا كان فيه سكرة واحدة.. تصل بينك وبين نفسك وبين الناس  
وبيك ربنا.. فهي سكرة الحب.. في صورته الخام..

الحب هو الإجابة الأخيرة.. على كل التساؤلات..  
الحب هو الجراحة الناجحة.. للكل القلوب..

الحب هو كلمة السر.. وروحه السحر.. ومنبع النور..  
إلى كل الأمهات والأباء والأصدقاء والأزواج والأح悲ة والعشاق..  
اقروا الكلام من الأول..

٩

## الحاجة إلى الشوفان

أعتقد أن إعلان الأسامي (بتاع إحدى شركات المياه الغازية)  
هو أكثر إعلان نجح وانتشر بين المصريين في رمضان ٢٠١٤ ..  
الشركة تادي كتبت ألف بل ملايين الأسامي بشكل عشوائي  
على عبوات منتجاتها..

حد عارف ليه الفكرة دي حققت كل النجاح ده؟  
أنا أقولكم ليه..

فيه احتياج عام عند البشر جميعاً اسمه (الحاجة إلى الشوفان)  
Need to be Recognized يعني إنك تحس من الآخرين اللي  
حواليك إنك متشارف.. إنك موجود.. إنك مهم.. إن وجودك ليه  
معنى وقيمة وتأثير عند الآخرين.. كلنا مولودين بهذا  
الاحتياج وهو احتياج فطري جداً وطبيعي جداً، وينبدأ نسعى  
وراه ونحاول نشبعه من سنوات وزبماً شهور عمرنا الأولى..

الطفلة الصغيرة اللي تلبس فستان جديد وتروح تقول مامتها:  
ماما.. شوفي أنا حلوة إزاي! هي في الحقيقة محتاجة تحس  
إن مامتها شايفها وإنها حلوة في عيون مامتها، اللي هي كل  
العالم بالنسبة ليها في السن دي..

الطفل اللي ساعات بيصرخ ويكسر ويقف ويدور حوالين  
نفسه، هو في الحقيقة عاوز يلفت نظر اللي حواليه ويتأكد  
إنهم شايفينه.. يتأكد إنه متشارف..

مهم جداً إننا نرضى ونشبع الاحتياج البسيط ده عند أولادنا..  
لأنهم لو كبروا وهما جعانيين للشوفان ممكن يعملوا أي  
حاجة ويدفعوا أي تمن علشان يتشارفوا.. علشان بس يتشارفوا..

من أول الشخص الترجسي اللي عاوز يكون محور الكون  
ومحطة أنظار الجميع، مروزاً بالشخصية الهيستيريونية  
المهووسه باللبس الملون والماكياج المبالغ فيه جداً والضحكة  
اللي تسمع آخر الدنيا، وانتهاء بالشخص متوهם المرض اللي  
بيحس كل لحظة انه مريض ومحاج يكشف ويطمئن على  
صحته وأشعاته وتحاليله بدون اي مبرر ولا اي سبب.. فقط  
علشان يتشفاف.. فقط علشان يحس انه موجود.. وانه في بورة  
الاهتمام.. على فكرة.. فيه ناس بتقتل علشان تتشفاف.. وناس  
بتهاجر علشان تتشفاف.. وناس بتبيع نفسها علشان تتشفاف..

ليه بقى اعلان الشركة دي نجح في مصر بالصورة الكبيرة  
دي؟

علشان في مصر - طول السنين والعقود اللي فاتت.. صعب اوي  
 تكون فيها متشفاف.. صعب اوي تتقدر على اللي بتعمله.. اللي  
 بيذاكر ويجهد ويأخذ الشهادة الكبيرة.. بيكتشف في  
 الآخر إنها مالهاش أي قيمة.. اللي بيحاول يقدم فكرة جديدة  
 او يعمل بحث علمي تتهافت المجالات والدوريات الأجنبية  
 علشان تنشره بيلاقي نفسه غرقان في غيابات الجهل والروتين  
 والعاديه القاتله.. اللي بيشتغل شغلانة واحدة بيضطر  
 بيشتغل شغلانتين.. واللي بيشتغل شغلانتين بيلاقي نفسه في  
 الآخر معندوش وقت انه حتى يعيش..

علشان الناس عندنا في مفرمة.. بتفرم أي حد يحاول يلبي احتياجه الطبيعي الفطري في إنه يتشفاف، أو أي احتياج فطري طبيعي آخر.. علشان معظم ناسنا عايشين تحت الأرض.. تحت أرض الجهل والفقر والمرض.. علشان كده حلم أي شاب صغير هو إنه يهاجر برم.. وانه يعيش حياة يحس فيها إنه موجود.. ومؤثر.. ومتشفاف.. وعلشان كده برضه، النقص الشديد في تلبية هذا الاحتياج بيخللي كتير من الناس حاسس بأهمية زائفته.. كبيرة.. مبالغ فيها.. بدون مبرر وبدون سبب وبدون تفسير..

في أحد تمارين الإحماء بتاع السينيودراما تمرين اسمه (الأسامي) وفكرته إن كل واحد يقول اسمه وباقى المجموعة تردد اسمه وراه بصوت عالي.. ومش ممكن تخيلوا وصف كل واحد لما يسمع اسمه وهو بيتنادى عليه بصوت عالي من مجموعة بيكون عامل إزاى.. حد يحس إنه مبسوط.. حد يحس إنه مطمئن.. حد يحس إن الدنيا نورت.. حد يحس إنه موجود.. وكلها تعبيرات مختلفة عن أصل واحد.. احساس إنني متشفاف..

هوده اللي عملته الشركة.. كل واحد يلاقي اسمه موجود على إحدى عبواتها.. يحس إن الناس شاييفاه.. ويتقدره.. ويتفرح بييه.. ويتشيره على الفيس.. ويتعمله لاييك.. وصور.. وبوستات.. وما يشبه الأجواء الاحتفالية.. مجرد اسم.. بس الحكاية مش بس اسم.. الحكاية في الاحتياج اللي ورا الاسم..

نرجع بقى ونقول:

حسس الطرف الآخر (الأولاد.. الأزواج.. الأصدقاء.. وغيرهم) في علاقتك بيه إنه متشفاف.. إنه موجود.. وإن وجوده له قيمة وتأثير.. وإن وجوده مُفرج.. ومبهج.. وجميل.. ومهم.. علشان البديل ممكّن يكون تمنه غالٍ أوي..  
وكمان لما تحس إنك تحتاج الاحتياج ده (إنك تتشفاف)، اطلبه.. بدون تردد.. اطلبه بصراحة وبوضوح وبكلام مباشر.. علشان برضه البديل.. ممكّن يكون تمنه غالٍ أوي..



١٠

اوّى تكون مدمّن..

او عى تكون مدمـن..

العنوان يخضـن.. مش كـدة؟

طبعاً أول صورة جـت في ذـهنـك أول ما قـرـيت العنـوان دـهـ. هي صـورـة واحدـ مـدـمـنـ مـخـدـرـاتـ قـاعـدـ فـي أـوـضـةـ لـوـحـدـهـ أوـ فيـ وـسـطـ شـلـةـ منـ أـصـحـابـهـ وـبـيـضـرـبـ مـخـدـرـاتـ..

أـحـبـ أـقـولـكـ لـاـ يـاـ صـدـيقـيـ.. الإـدـمـانـ مشـ بـسـ إـدـمـانـ مـخـدـرـاتـ..

إـدـمـانـ المـخـدـرـاتـ هوـ بـسـ أـوـضـحـ أـنـوـاعـ الإـدـمـانـ وـأشـهـرـهاـ.. لـكـنـهـ مشـ أـخـطـرـهاـ وـلـاـ أـكـثـرـهاـ اـنـتـشـارـاـ..

فيـهـ إـدـمـانـ لـلـجـنـسـ.. يـعـنيـ مـمـارـسـاتـ جـنـسـيـةـ موـتـورـةـ وـمـتـابـعـةـ بمـعـدـلـ وـطـرـيـقـةـ خـارـجـ النـطـاقـ الطـبـيـعـيـ..

وـفـيـهـ إـدـمـانـ لـلـعـلـمـ.. يـعـنيـ تـشـتـغلـ وـتـشـتـغلـ لـغـايـةـ ما تـنـسـىـ نـفـسـكـ وـالـلـيـ حـوـالـيـكـ وـحـقـكـ عـلـىـ نـفـسـكـ وـحـقـهـمـ عـلـيـكـ..

وـفـيـهـ إـدـمـانـ لـلـعـلـقـاتـ المـؤـذـيـةـ.. يـعـنيـ تـعـملـ عـلـاقـةـ معـ حـدـ يـؤـذـيـكـ نـفـسـيـاـ أوـ جـسـدـيـاـ أوـ عـاطـفـيـاـ.. وـبـعـدـ ماـ تـنـتـهـيـ العـلـاقـةـ دـيـ.. تـدـورـ عـلـىـ حـدـ تـانـيـ بـنـفـسـ الـمـواـصـفـاتـ.. وـتـكـرـرـ مـعـاهـ نـفـسـ شـكـلـ وـتـفـاصـيلـ الأـذـىـ.. مـرـةـ.. وـمـرـةـ.. وـمـزـاتـ..

وـفـيـهـ إـدـمـانـ لـدـورـ مـعـينـ فـيـ سـيـنـارـيـوـ حـيـاتـكـ وـتـكـرـارـهـ بـلـاـ نـهاـيـةـ..

يعني تدمن لعب دور الضحية في كل علاقاتك.. أو تدمن لعب دور الجاني.. أو تدمن لعب دور المنقذ..

فيه إدمان للفلوس..

فيه إدمان للسفر..

فيه إدمان للقراءة..

فيه إدمان للفيس بوك..

فيه إدمان للوحدة..

فيه إدمان للخوف..

فيه إدمان للعلم (دون تعلم حقيقي)..

فيه إدمان للتدين السطحي المزيف (دون تدين أصيل عميق)..

وطبعاً فيه إدمان للحب (المزيف برضه).. لا طرف يتتعلق ويتشعب بالطرف الثاني.. ويرتبط بييه بحب سري طويلاً وسميك وخانق.. ما يعرفش يعيش من غيره.. ولا حتى يعرف يتنفس في غيابه.. وتفقد حياته معناها في عدم وجوده..

فيه إدمان لكل حاجة..

كل حاجة..

أقولك على سر..

عارف المدمن بيدور على ايه؟

أوعى تفتكر انه بيدور على الحشيش او البرشام او البودرة او اللذة الجنسية او الفلوس او... او... او اي حاجة من دول.. لا.. كل دي بدايل.. مجرد بدايل.. وبداييل خيبانة وضعيفت جداً.

المدمن بيدور على حاجة تاني خااالص.. حاجة فقدها من زمان.. من زمان جداً ..

المدمن عنده ثقب أسود كبير جداً في نفسه بيعاول يملأه بأي شكل ويبلع من خلاله أي حاجة..

المدمن عنده احتياج نفسي أساسى وعميق للغاية.. المفروض بعد قراءتك للفصول اللي فاتت تكون عرفته لوحدك..

المدمن يحتاج علاقة..

أيووه..

المدمن يحتاج علاقة مع حد.. بس مش أي علاقة.. ومش أي حد..

المدمن يحتاج علاقة مع حد ما يقولهوش (لا) على الفاضية واللبيانة.. زي ما كان بيقاله من أبوه وأمه زمان..

المدمن يحتاج علاقة مع حد يلاقيه وقت ما يحتاجله.. مش يكون مسافر أو مشغول عنه ومش مهم بييه..

المدمن يحتاج علاقة مع حد يسعده ويبسطه ويفرجه بدون شروط حتى وهو في أتعس وأضعف حالاته الإنسانية.. مش حد يديله ده بشروط حادة وصارمة.. زي إنه يسمع الكلام أو يشرب اللبن..

المدمن يحتاج علاقة مع حد يخفف عنه إحساسه العميق بالألم ويطبطب عليه ويطيب جراحه.. مش حد يدوس على جرحه ويحسسه بالذنب مع كل نفس بيتنفسه..

المدمن يحتاج علاقة مع حد يرضيه ويشع حرمان واحتياج سنينه وأيامه الأولى لغاية ما يفقد وعيه من الشبع وينام من الرضا.. زي الطفل الرضيع في حضن أمه.. مش حد يتفنن في سلبه وحرمانه من حقه في الشبع وتمتعه في الرضا..

المدمن اترحم من علاقة واحدة في حياته توصله دم.. بس لقاه كله في مادة إدمانه.. بغض النظر عن اسمها وطبيعتها: ما بتقولهوش (لا) على الفاضية والمليانة.. بيللاقيها وقت ما يحتاجلها.. بتسعده وتبسطه وهو في أضعف حالاته الإنسانية.. بتخفف إحساسه العميق بالألم لغاية ما يفقد وعيه وينام..

المدمن بقى مدمن.. لأنه محتاج..

محتاج علاقه تقدمله ده کله..

حتى لو كانت العلاقة تدي مع فرص تراكمادول..

المدمن هايفضل يدمي طول ما العلاقة دي مش موجودة.. أو  
مش موجودة بشكل حقيقي.. لكن لو العلاقة دي اتوجدت  
مع أي حد حواليه (وبشكل حقيقي).. هايبطل إدمان.. فوراً..  
وللأزيد.. مهما كان شكل إدمانه.. ومهما كانت مادة إدمانه..

علاقة حقيقية فيها حب غير مشروط وقبول واحترام وسامح  
وتفهم واستيعاب.. مهما حصل..

علاقة حقيقة يوصله منه فيها تقدير وقرب واهتمام.  
اهتماماً ملائماً.

علاقة حقيقة تكون مليانة صدق ورحمة. في كل الظروف والحالات..

اللي معندوش العلاقتادي يقوم يدور عليها.. لغاية ما يلاقيها..  
ويتمسك بيها.. ويحافظ عليها.. لأن البديل تمنه غالى.. غالى  
أوى..

شوهدتا الغلب؟

شوفتوا الوجه؟

شوتفتوا فيه كام مدم من حوالينا في الشوارع والبيوت وأماكن  
العمل وغيرها !!

فيه حد شاف هو شخصيا بيدهن اييه ؟

فيه حد شاف هو نفسه يحتاج اييه ؟

فيه حد هايقوم يدور على البديل الحقيقي من خلال علاقة  
(إنسانية) حقيقة ؟

يا ريت نبدأ ..

دلوقت ..



١١

## دورك في سيناريو حياتك

ستووووب.. وقف فورا كل حاجة بتعملها..  
أيوه دلوقت.. عاوز كل تركيزك..  
معايا؟  
تمام..

اختار ياللا أهم علاقة في حياتك.. أهم علاقة..  
علاقتك مع مراتك؟ علاقتك مع جوزك؟ علاقتك مع أبوك أو  
أمك؟ علاقتك مع أولادك؟ علاقتك مع صاحبك؟ علاقتك مع  
حبيبك؟ رئيسك في الشغل؟ زميلك في الجامعة؟ اختار ياللا..

اخترت؟

كويس جداً..

جاوب بقى على السؤال التالي:

في العلاقة دي.. إنت بتلعب دور مين؟

دور الضحية؟ واللا دور الجاني؟ واللا دور المنفذ؟

بتلعب دور الشخص اللي بيضحي بنفسه في سبيل الطرف الثاني، وي يعمل كل حاجة يقدر أو ما يقدرش عليها علشان يسعده ويرضيه من غير أي مقابل ولو كلمة حلوة أو حتى نظرة شكر.. الشخص اللي بيقدم الطرف الثاني على نفسه في كل حاجة طول الوقت.. الشخص اللي بيدي باستمرار ومش مستنى ياخذ.. الشخص اللي بيذوب كل ليلة وكل يوم علشان غيره يتهنى ويرتاح وينام قرير العين؟ ده حضرتك اسمه دور الضحية..

واللا بتلعب دور الشخص اللي بيدي أوامر كتير، ومتوقع من طرف العلاقة الآخر إنه يكون مطين ويسمع الكلام وما يقولش لأن الشخص اللي شايف إنه من حقه يعمل أي حاجة في أي وقت بغض النظر عن تأثير ده على غيره. الشخص اللي بيستنى من الآخرين العطاء والبذل والسامح بدون حدود ويدون ردود.. الشخص اللي مش يرضى بسهولة.. الشخص اللي غضبه صعب وقاسي، واللي تحتاج اعتذار ورا اعتذار علشان يرضى.. واثباتات ورا إثباتات علشان يصدق..

ده يا فندم اسمه دور الجاني (اللي غالباً مش هاتشوف نفسك فيه.. على الأقل دلوقت.. لكن ما تستعجلش)..

واللا بتلعب دور الشخص اللطيف الطيب الحنين اللي بيساعد الآخرين بكل سخاء؛ يقدم لهم الحلول.. ويجاوبهم على الأسئلة.. يأخذ بيديهم.. ويرميهم أطواق النجاة.. الشخص المحبوب.. المرغوب.. المنتظر.. المخلص.. اللي بيسمع للكل.. ويفهم الجميع.. ويتحول دون وقوع الأذى.. يطبع على ده، ويمسح دموع ده، ويربيت على كتف ده.. الشخص الهدى العاقل الرزين.. الشخص الناصح.. القريب.. الحكم..

وده بقى يا سيدى اسمه دور المنقذ..

عرفت تحدد دورك في العلاقة اللي اخترتها؟  
طيب عرفت تحدد أدوارك في باقى علاقات حياتك؟  
لسه؟  
طيب..

خد عندك..

الأب القاسي العنيف اللي بيشخط وينظر عمال على بطال..  
اللي مش ييرضي.. اللي ترتجف أوصال أولاده وتهتز أركان بيته  
ويستطيع الشرم من عيونه في ساعات غضبه.. اللي كلمته مش  
بتنزل الأرض.. اللي بيذع انه يعرف مصلحة ولاده أكثر من  
نفسهم.. واللي بيدي لنفسه الحق في تقرير مصيرهم بناء على  
رؤيته الشخصية المتفيدة.. ده بيلعب دور الجاني..

وأولاده اللي مش بآيديهم حيلة، واللي مضطرين يسمعوا  
كلامه ويسايروه ويقدموا ليه قرائب الولاء والطاعة، ولو على  
حساب نفسهم ومستقبلهم وحياتهم.. دول بيلعبوا دور الضحية..  
والأم اللي بتحاول طول الوقت تهدى الأمور.. وتحل المشاكل..  
وتحمي الأولاد من أذى الأب.. وتحمي الأب من تمرد الأولاد..  
علشان جو البيت يستقر.. وحالة البيت تتحسن.. دي بتلعب  
دور المنقذ..

الزوج اللي بيدين زوجته بالليل، ويجرها بالنهار.. ويقلل  
من شأنها مع كل كلمة وكل نظرة وكل تصرف.. اللي  
بيشتمها بأي شكل.. أو يمد إيده عليها بأي درجة.. أو يمنعها  
من ممارسة حياتها الطبيعية وحقوقها الإنسانية بأي حجة  
وتحت أي مسمى.. ده بيلعب دور الجاني..

والزوجة اللي بتتحمل ده، وتطنش علشان تعيش، وتيجي  
على نفسها علشان ما تتهدلش وتتشرد هي وأولادها لو  
اتطلقت.. دي بتلعب دور الضحية..

وزميلها في الشغل، أو جوز صاحبتها، اللي بيهم فيها، ويسمعاها، ويديها الوقت والاهتمام والحنان.. وأوهام الحب.. ويعيشها في عالم جميل من الرومانسية والخيال والـ.. والـ.. ده بيلعب دور المنقذ..

الخطيب اللي بيوعد خطيبته إنه هايخلصها من ظلم أبوها وغلاسته وتسلط أمها وافتراءها، وهايخرجها من بيتها اللي مليان مشاكل وأذى وتعب علشان تسكن في بيته اللي مليان ورد وفل وياسمين.. ده برضه بيلاعب دور المنقذ، وهي بتلعب دور الضحية..

والحبيبة اللي بتتشعلق في حبيبها، وتديله من غير حدود، وتصورله إنها من غيره ما تساويش حاجة، وإنها هاتموت لو بعد عنها، وإنه هو المصدر الوحيد والفريد للأمان والحب والاهتمام في هذا العالم القاسي المتوحش.. دي بتلعب دور الضحية، وتخليه هو يلعب دور المنقذ، وبعد شوية الجاني.. آه بعد شوية هايلاعب دور الجاني.. أو بمعنى أصح.. هي هاتطلع منه دور الجاني.. وتخليه يلعبه..

كل واحد فينا جواه سيناريو راسمه لحياته، بناء على اللي وصله أثناء التربية واللي اتعرض له في سنين عمره الأولى وبعض الاستعداد الوراثي وبعض العوامل الأخرى.. سيناريو يعني أدوار وأشخاص وأحداث.. وبيكون ليه في السيناريو ده دور محدد.. إما دور الضحية، أو دور الجاني، أو دور المنقذ..

يسموا ده ساعات مثلث الدراما الحياتية، وكل واحد بيدور في رحلته حياته وعلاقاته على أشخاص تنطبق عليهم مواصفات باقي الأدوار.. يعني لو كان الدور اللي مختاره لنفسه دور الضحية، فيدور غالباً بشكل غير واعي) على حد يجيد لعب دور الجاني.. ولو ما لاقهوش يشوف حد عنده الاستعداد الداخلي إنه يمارسه، ويبدأ بكل بساطة وبراعة يطلع الدور ده منه، ويدريه زي المخرج ما ييدرب الممثلين على الأداء.. لغاية ما يتقنـه، ويتقـمـصـه، ويـلـعـبـه، ويـمـارـسـه، ويـصـدـقـه، ويـتـحـولـ ليـهـ، ويـكـونـهـ..  
أيووهـ، يـكـونـهـ..

تصور مثلاً البنت اللي اتعرضت لشكل من أشكال العنف أو القسوة في المعاملة أو الاعتداء الجسدي أو اللفظي عليها وهي صغيرة لما تيجي تختار حد في علاقة عاطفية أو زواجية تختار مين؟ معظم الدراسات اللي اتعلمت على البنات دي وجدت إنهم (في حالة عدم تغييرهم أو علاجهم نفسياً) بيختاروا شريك حياة عنيف وقاسي ومستغل ومتفنن في أساليب العداون اللفظي والجسدي والعاطفي.. وإنه لو ما كانش كده فعلاً.. فهي تستفزـ فيهـ بكلـ شـكـلـ ويـكـلـ طـرـيقـةـ الصـفـاتـ ديـ.. وتـطـلـعـ منهـ أسوـاـ ماـ عنـدـهـ..

الأدهى من كده.. إنها لو انفصلت عن الشخص ده.. وقررت ترتبط بشخص تاني.. غالباً هاتختار شخص تاني بنفس المواصفات..

ده مثل واضح جداً لسيناريو نفسي داخلي عميق بتصرّ فيه البنت دي إنها تلعب دور الضحية، ويختار شخص يجيد لعب دور الجاني.. وتحكرر هذا الاختيار وتصرّ عليه بشكل يبدو انه غير مفهوم. لكنه في الحقيقة هايوصل ليها رسالة نفسية مهمة جداً. ويشتبهها عندها: هي إنها مظلومة باستمرار.. ومكسورة طول الوقت، وطيبة، وغلبانية، وما فيش بآيديها أي حيلة في عالم من الأشرار والسفاحين والمستغلين.. يعني باختصار هي (غير مسؤولة).. ويتجزأ في إثبات ده.. مزة ورامزة ورامزة..

مثل تاني..

الطفل اللي كان بيتعامل معاملة سيئة من أهله.. معاملة كلها قسوة وعقاب وأذى وإهمال وتجاهل لحقوقه الإنسانية البسيطة.. الطفل ده لما يكبر ويتجاوز ويختلف بيكون قدامه سيناريو من ثلاثة:

السيناريو الأول هو إنه ممكن يكرر نفس اللي اتعمل معاه وهو صغير مع زوجته وأولاده.. يعني يكون أب شديد لا يعرف الرحمة وزوج قاسي لا يعرف الحب، وبعده يلعب دور (الجاني)، وطبعاً علشان يلعب الدور ده هايختار واحدة حابة تعيش في دور الضحية، وحابته تكمل فيه..

السيناريو الثاني هو إنه يكمل في نفس الدور اللي اتربي عليه (دور الضحية) اللي هو في الحقيقة كان مضطر وقتها له وما كانش فيه بدايل، لكن المرة دي هو مختار مش مضطر.. فيختار زوجة متسلطه مفترية تطلع البلا الأزرق على جنته..

أما السيناريو الثالث فهو إنه يعيش طول الوقت في دور المندى والمخلص لأولاده من قسوة أمهم وشرها (طيب اتجوزتها ليه من الأول وهي كده؟!..)

علشان تلعب دور الضحية.. بتدور على حد تنطبق عليه مواصفات دور الجاني.. وعلشان تلعب دور المندى.. بتدور على اللي ينفع يلعب دور الضحية.. وعلشان تلعب دور الجاني..  
بتختار اللي يسمحلك تخليه ضحية..

يعني مديرك في الشغل اللي مستبيح كرامتك، وبيدوس عليك، ويستغلك.. انت اللي سمحته بده وخليته يلعب دور الجاني.. وانت عشت دور الضحية.. وهو شاف ده فيك، وعرف يستخدمه، بكمالوعيك وإرادتك.. وانتوا الآتنين مسئولين..  
وحبيبك اللي انت بتبعدها ويتعشقها ودايرب فيها حتى الموت، وهي مطنشاك ومش بتسأل فيك وسايقته عليك الدلال والدلع للآخر.. هي في الحقيقة لحت فيك استعدادك لدور الضحية..  
ومارست معاك الدور المكمل بكل مهارة واقتدار.. واستمتع يا سيدى بسهر الليالي وسماع أغاني الحزن والهجر والفراق.. بس ما تشتكيش..

هاتقولي وهو يعني بيبان على الواحد أو الواحدة من الأول هو أوي هي ناوية تلعب دور إيه في سيناريو حياتها وعلاقاتها؟ كل ده بيظهر بعدين!!  
أقولك لا..

فيه عند كل واحد فينا كده زي قرون استشعار..  
يتحس وتلقط وتفهم اللي قدامه، من تصرف بسيط، من حوار  
موجز، من طريقة كلامه، من حتى طريقة لبسه أو مشيته،  
ويمجرد ما تستنتاج إن هو ده اللي يليق عليه الدور، أو هو ده  
اللي عنده استعداد يلعبه ويحكم السيناريو اللي هايشبتي  
الرسالة النفسية اللي جوايا.. أشبط فيه واتعلق بيها وأقول هو  
ده.. هو ده مافيش غيره.. يا ده يا بلاش..

فيه حاجة كمان.. انت ممكن تكون في علاقة ما بتلعب  
دور (الجاني)، وفي علاقة تانية بتلعب دور (الضحية)، وفي  
علاقة ثالثة بتلعب دور (المنفذ).. مش بس كده، ده ممكن في  
العلاقة الواحدة تتبدل الأدوار.. شوية تبقى (جاني) وشوية  
تبقي (ضحية) وشوية تبقى (منفذ)..

يعني اللي بتموت في حبيبها وبتوصله طول الوقت إنه فارس  
الأحلام اللي هايخلصها من شرور العالم وظلم التاريخ، وإنه الملاذ  
الأول والأخير ليها في حياتها، وإن كل أحلامها وأمانيتها في  
الدنيا إنها تعيش معاه طول الليل والنهر بين أربع حيطان ويس..  
في الحقيقة هي بتعيش دور الضحية، ويتطلع منه دور المنفذ،  
وهو طبعاً بيحب الدور، ويلعبه ببراعة، علشان يوصل لنفسه  
هو الثاني إنه طيب، وجدع، وشجاع، ومخلص، ويدي لنفسه  
الحق في إنه يمتلك الضحية، أيوه.. المنفذ بيدي لنفسه الحق بعد  
شوية إنه يمتلك الضحية، ويتحول لـ(جاني).. علشان كده لما  
يجمعهم بيست واحد.. وتدور الأيام دورتها، هاتشتكي منه مر  
الش��وى إنه مسيطر عليها، وبيخنقها، وبيمنعها من الخروج  
ومش موافق إنها تشتغل.. وبيتأمر عليها في اللبس والحركة  
وال McKinley والكلام مع الأصحاب والجيران.. وصباح الفل..

مش بس كده.. ده الأصعب من كل ده بقى.. إنك غالباً بتلعب دور وبيكون متصرّف إنك بتلعب دور تاني تماماً.. يعني الأم اللي قررت تفني نفسها علشان أولادها، وتموت بالحيا علشان هما يعيشوا، وتديهم كل الوقت وكل الجهد وكل المشاعر.. على حساب نفسها وحقوقها وحياتها.. دي بتعيش دور الضحية.. ومتصورة إنها بتعيش دور المنقذ.. لكن هي في الحقيقة بتجي على نفسها وعلى أولادها.. وساعات كتير جداً بتزرع فيهم الإحساس بالذنب لأنها ضيّعت عمرها علشانهم، وحرمت نفسها من أجلهم، وضحت بحياتها في سبيلهم..

ويا فرحتي بطالب ثانوية عامة اللي جاب مجموع عالي ودخل كلية الطب علشان يفرح أبوه أو يسعد أمه، ويدفع تمن تعبيهم وتضحياتهم، ويحقق أحلامهم، ويلون أماناتهم.. ومع ألف سلامة لحياته وأحلامه ومستقبله الحقيقي.. وأهلاً بيها مريضاً مثالياً للاكتئاب والقلق والفصام واضطرابات الشخصية..

وصاحبك أو حبيبك أو شريك حياتك اللي بيأخذ قراراتك بالنيابة عنك، ويعرض عليك خدماته عمال على بطال، ويحقق لك كل طلباتك من قبل حتى ما تطلبها، هو فرحان جداً بدور المنقذ، وانت مستمتع بالدور السلبي اللي مافيهوش أي مسئولية، لكنك هاتكتشف بعد شوية إنك معتمد عليه اعتماد مطلق، وماشي في ضله، وما تقدرش تتنفس في عدم وجوده.. وإنه في الحقيقة جنى عليك وامتلكك وعمل بينك وبينه حبل سري انقطاعه يعني الموت..

على فكرة..

او عى تفتكر ان فيه دور فيهم احسن من الثاني.. او ان دور منهم مرغوب ومفضل عن غيره.. بالعكس.. كل دور جواه كمية هائلة من المصائب والبلاوي والأذى والضرر.. للنفس وللآخرين.. اللي بيلعب دور الضحية بيلعبه علشان يثبت لنفسه ويحس قدامها أنه دايماً مظلوم ومغلوب وعديم الحيلة.. فيهرب من المسئولية والإحساس بالذنب، ويصدر هذا الإحساس بالذنب لغيره.. واللي بيلعب دور المنقذ هو في الحقيقة بينصب شباكه حواليك علشان يمتلكك بعد شوية ويستبيح أرضك.. واللي بيلعب دور الجاني ده حد بيتنقم من نفسه ومن الحياة ومن ناس آخرين في شخصك ومن خلالك..

ايه الأخبار دلوقت؟

عرفت انت بتلعب دور مين في علاقات حياتك؟  
اكتشفت السيناريو اللي انت راسمه لنفسك ويتكرره  
باستمرار كل يوم؟  
فتحت عينك وشوفت؟  
طيب..

عمل ايه بقى؟  
أولاً.. او عى تندم.. بالعكس.. احمد رينا إنك شوفت وعرفت.. أي رؤية جديدة ممكن يكون معها شوية ألم.. وساعات ألم كبير وصعب.. معلهش..

ثانياً.. وقف فوراً ممارسة هذا الدور المؤذن ليك ولغيرك.. اعمل ستواووووب كبيرة جداً.. وعيد ترتيب حياتك، وتقدير علاقاتك.. وصحح مسارها وكفايتها أذى لغاية كده.. تصحيح المسار ده بيترافق من إنهاء الدور في العلاقة حتى إنهاء العلاقة نفسها لو ما كانش فيه حل غير كده.

ثالثاً.. ما تسمحش لأي حد إنه يمارس معاك دور من الأدوار دي في علاقتك بيها، ولو كانت علاقة مدتها خمس دقائق صدفة في الشارع، وما تسمحش كمان لحد إنه يطلع منك دور تمارسه معاه.. علشان (الجاني) دايماً بينتقم من الآخرين.. و(الضحية) دايماً بيحسس اللي حواليه بالذنب.. و(المنقذ) دايماً بيملك ويستحوذ ويستبيح الحدود..

باختصار شديد جداً.. خليك حقيقي..

خليسيسيك حقيقي..

اتحمل مسئولية نفسك بجد..

ومسئولية علاقاتك بجد..

ماتبقاش (جاني) ولا (ضحية) ولا (منقذ)..

قبل ما تخلص قراريـة..

قول ورايا يا للا دلوقت بصوت عالي:

ستواووووووووووووووووووب..

١٢

نصف حياة ..

اسأل نفسك السؤال ده: هو أنا بعمل علاقة مع اللي قدمي كله واللامع جزء منه فقط؟ يعني بأعمل علاقة مع الجزء الطيب فيه بس.. بقبله.. وبحبه.. وبباقي أجزاء نفسه وتفاصيل شخصيته مش قابلها؟ أو بعمل علاقة مع الجزء السيئ بس؟ الجزء الوحش.. الجزء المظلم.. ومغمض عيني عن باقي الأجزاء؟ واللا شايفه كله على بعضه.. زي ما هو.. وقابله كما هو.. بكل ما فيه؟  
هو انت بتعمل علاقة مع قد إيه من اللي معاك؟ بتعمل علاقة مع كام في المية منه؟ قابل كل أجزائه وتفاصيله واللا مقسمه زي التورته.. تأخذ منه حته.. وتسيب الباقي؟

بتعمل علاقة مع قد إيه من حبيبك؟ مع قد إيه من صاحبك؟ مع أي حته من نفسك؟ مع كام في المية من مراتك؟ مع أي جزء من دينك؟

بسكل عام فيه نوعين من العلاقات.. سواء العلاقات مع الأشخاص، أو الأشياء، أو أي حاجة..

النوع الأول.. هو إنك تعمل علاقة مع جزء واحد (أو بالكتير عدة أجزاء) من الآخر، وما ل Kash دعوة بالأجزاء الأخرى.. ودي اسمها (علاقة جزئية)..

والنوع الثاني.. هو إن علاقتك بالآخر تكون مع كل أجزائه وتفاصيله.. تكون مع مجموعه كله على بعضه حته واحدة.. ودي اسمها (علاقة كليّة)..

طبعاً الآخر ده ممكن يكون أي حد أو أي حاجة..  
قوللي إزاي..  
أقولك إزاي..

لَا تكون شايف اللي بتحبها على إنها ملاك نازل من السماء..  
وما فيهاش غلطته.. وإنها أميرة الأميرات، وساحرة الساحرات،  
وأسطورة الأساطير.. ومتش شايف (او مش عاوز تشووف) إنها  
بتغلط، وبتقصر، وإن جمالها نسيبي، وإن كلامها مش كله  
عسل وسكر، وإن ساعات بيبقى علقم ومر.. وحركاتها  
وتصرفاتها مش كلها سحر وابهار.. وإنها ساعات تكون  
مندفعه، وساعات جبانة، وساعات محتارة.. يبقى انت كده  
عامل معها علاقة جزئية.. مع الجزء ده منها بس.. وسايب  
الباقي.. أو ساعات.. مطنشه..

والعكس بالعكس.. يعني لَا تكون مش شايف من حد في  
دائرة علاقاتك، غير إنه أنااني وطماع وفاسي ومهمل و... ومش  
عاوز تشووف ولا تقبل إنه ممكن يكون ضعيف ومتلبط  
ومليان غلب ووجع واحتياج.. يبقى انت برضه عامل معاه  
علاقة جزئية..

لَا تحب وتقبل مراتك وهي لابسة شيك وحاطة ميك أب ويرفان  
ودلع وحركات، وما تقبلهاش ولا تبقى طايق تبعض في وشها  
لَا تكون مسحولة في شغل البيت، وتحت عينيها اسود من

التعب والسهر، وهدوتها مكرمشة ومتبدلـة من خدمتك انت وعيالك.. يبقى انت عامل معها علاقة جزئية. ناقصة كتير..

لما تختزل مريضك (لو انت دكتور) الى شوية اعراض، وتعلق عليه يافطة مرضه، وما تشوفش منه غير نواقل كيميائية ومستقبلات عصبية، وتنسى او تتناسى آدميـته ورحلـته الإنسانية اللي وصلـته لغاية عندك.. وتعامل معاه على انه (حالتـة) مش على انه بني آدم، يبقى علاقـتك بمريضك علاقة جزئـية..

لما ما تشوفش من دينك غير إطالة اللحـية وقصـير الثوب وضرـب الزوجـة، وتسـيب العـاملـات ومـكارـم الأخـلاق وجـوهـر الدين العمـيق.. يـبقى حتى عـلاقـتك بـديـنك وـوريـك عـلاقـة جـزـئـية نـاقـصـة مـختـزلـة..

لـما كلـ روـيـتك لـلـغـرب تكونـ علىـ انه انـحلـال وـفـسـوق وـجـنـس وـفـسـاد.. وـما تـحـطـشـ دـه جـنـبـ التـقـدـمـ الـعـلـمـيـ وـالـثـقـافـيـ وـالـتـكـنـوـلـوـجـيـ الرـهـيـبـ.. يـبقى اـنتـ بـتـبـصـ بـعـيـنـ وـاحـدـةـ.. وـمـغمـضـ عـيـنـكـ التـانـيـةـ.. وـنـفـسـ الـكـلامـ طـبـغاـ لـوـ ماـ شـوـفـتـشـ منـ الغـربـ غـيرـ سـبـقـهـ لـيـنـاـ فـيـ مـعـظـمـ مـجاـلـاتـ الـحـيـاةـ، وـتـنـاسـيـتـ التـفـكـكـ الـأـسـرـيـ وـالـمعـانـاةـ الـفـرـديـةـ وـالـاجـتمـاعـيـةـ مـنـ دـهـ عـلـىـ كـلـ الـمـسـتـوـيـاتـ.. فـيـ الـحـالـتـيـنـ عـلـاقـتكـ بـيـهـ عـلـاقـةـ جـزـئـيةـ غـيرـ كـامـلـةـ..

الـكـلامـ دـهـ يـنـطـبـقـ عـلـىـ أـيـ عـلـاقـةـ.. مـعـ أـيـ حـاجـةـ.. وـكـلـ وـاحـدـ وـشـطـارـتـهـ.. وـكـلـ وـاحـدـ وـقـدـرـتـهـ عـلـىـ تـحـمـلـ المـتـاقـضـاتـ وـقـبـولـ الـاخـتـلافـ..

نجيب من الأول بقى.. يعني من زمان.. من زمان جداً.

فيه نمطين/طريقتين للعلاقات الإنسانية بنتعلمهم في حياتنا من خلال نمونا النفسي بدايةً من أشهر عمرنا الأولى.. طريقة سهلة.. وطريقة صعبة شديدة.

ال طفل في أول كام شهر في حياته بيحاول يفهم الدنيا من حواليه، ويفهم الناس، ويحس بيهم، بيحاول يحط أبجديات علاقته بالحياة.. ويستوعب الخبرات والمستحدثات اليومية اللي بتمر بيها.. واللي بتكون جديدة عليه تماماً، وعلشان يعمل ده.. فهو يحتاج طريقة بسيطة وسهلة جداً لفهم والاستيعاب.. لغايتها ما عقله ينضج ويبداً يستوعب ويفهم بشكل أكبر.. الطريقة البسيطة دي هي إنه يعمل مع الأشخاص والأشياء والخبرات من حواليه علاقة جزئية أولية بدائية.. يشوف منهم جزء واحد فقط، وما لهوش دعوة بالباقي.. يعني ده كويس، وده وحش.. ده صح وده غلط.. ده يمين وده شمال.. بس.. وخلاص.. لدرجة إنه بيستقبل أمه نفسها في الوقت ده على إنها كائنين مختلفين غير بعض.. واحد كويس، واحد وحش.. أم كويست.. وأم وحشت.. وقت ما ترضعه وتحضنه لغاية ما ينام تبقى هي دي الأم الكويست الموجودة المتأحة اللي بتديله الشبع والحضن والدف.. وقت ما تغيب أو تبعد عنه شوية تبقى دي الأم الثانية الوحشة البعيدة اللي مش بتحس بجوعه واحتياجه وبيتملها.. الطريقة دي بتساعدك كتير جداً في استيعاب الأشخاص وفهم

الخبرات والاندماج في العالم خلال أول ست شهور من عمره..  
خلال كام؟! أول ست شهور من عمره. أول ست شهور من عمره..  
بعد كده. يبدأ عقل الطفل يكبر.. ووعيه يتسع.. ونمط  
علاقاته يتغير..

يعني يبدأ يكتشف إن كتير جداً من علاقاته دي كانت  
ناقصة.. وإن الشخص الواحد.. أو الحاجة الواحدة.. ممكن  
يكون فيها أجزاء كتير أوي غير اللي هو كان شايفها، وإن  
بعض الأجزاء دى متناقض.. وبعضها عكس بعض.. وكثير  
منها مختلف..

يكشف إن نفس الأم الكويسة فيها حاجات وحشة.. ونفس  
الأم الوحشة فيها حاجات كويستة. يكتشف إن نفس الأم  
اللي بتقرب وبيتهم وتدى الشبع والخضن والدفا هي هي الأم اللي  
ساعات بتكون تعانة وبعيدة ومش قادرة تدى.. يتلبط..  
ويختار شوية.. ويتألم شويتين.. وبعدين يقبل ده، ويتجاوزه..  
ويكبر بيه.. وينضج من خلاله.. ويتحول نمط علاقاته مع  
الناس والحياة وغير إلى (علاقة كلية).. يشوف فيها اللي  
قدامه كله على بعضه.. يقبل الاختلاف.. يستوعب التناقض..  
يستحمل اللخبطة والحيرة، في نفسه وفي الآخرين.. وده  
يحصل في الست شهور الثانية من عمر الطفل.. ده طبعاً بفرض  
إن نموه الصحي والنفسي ماشي سليم بدون مشاكل ولا عقد..

طبعاً لو الطفل ما قبلش الرؤية الجديّة.. وما استحملش اللخبطة، وما قدرش على الألم. فهيفضل بنفس نمط العلاقات القديم. العلاقات (الجزئية) الناقصة المختزلة.. مع نفسه.. ومع غيره.. ومع حياته.. ومع دينه.. ومع بلده.. ومع العالم كله..

حلو الكلام؟

طيب..

تصور بقى إن اللي علاقاته مع الآخر علاقات جزئية.. أحاديات الرؤية، مش بيقبل فيها الاختلاف.. ولا بيستحمل فيها التناقض ولا اللخبطة والحيرة.. وبيسهل ويتعامل بلغة ده حلو وده وحش.. وده صح وده غلط.. ده حد عمره النفسي أقل من ست شهور.. وإن الشكل الناضج السوي للعلاقات الإنسانية مع آخرين هو إنك تشو夫 اللي قدامك كله على بعضه.. وتقبله بعيوبه وبأخطائه وبنواقصه.. وتستحمل اختلافه عنك .. وما تت忤ضش من حيرتك ولخبطتك ولا حيرته ولخبطته.. وإنك تكون من جواك مليان براح.. براااااااح.. براااااااح..

صاحب العلاقات الجزئية عايش نصف حياة.. نصفها الثاني موت.. وصاحب العلاقات الكلية بيستمتع بحالة كاملة من الحياة.. بيسمح لنفسه إنه يعيش.. ويسمح لغيره إنه يعيش برضاه.. بيسمح لنفسه إنه يجرب ويغلط ويتعلم ويتغير.. ويسمح لغيره إنه يجرب ويغلط ويتعلم ويتغير برضاه..

الأول كتير بيحكم.. وكتير بيقدس.. ومتش بيشوف غير اللي في دماغه.. ومتش بيسمع غير اللي هو عاوز يسمعه.. ده لوشاف ولو سمع من أصله..

والثاني بيشفه.. ويسمع.. ويسمح.. وما يتخصص.. ويتحمل.. ويقبل..

الأول مش بيدي فرص.. لا لنفسه ولا لا لغيره.. هي كده.. وما فيش غير كده..

الثاني كل يوم بالنسبة له فرصة جديدة.. وكل حد بالنسبة له اختبار جديد لجوهره وحقيقةه..

الأول الدين بالنسبة له هو: «هذا ما وجدنا عليه آباءنا».. والثاني الدين بالنسبة له: «ادع إلى سبيل ربك بالحكمة والموعظة الحسنة»..

الأول مش بيقبل الغلط.. ولا الضعف.. ولا الفشل.. والثاني بيقبل غلطه وضعفه وفشله.. وغلط وضعف وفشل الآخرين..

الأول ربنا عنده هو «غافر الذنب» بس.. أو «شديد العقاب» بس.. الثاني ربنا عنده: «غافر الذنب وقابل التوب شديد العقاب».. قبل ما أخلص..

زي ما الأفراد ليهم تاريخ من النمو النفسي.. وأشكال من التثبيت والنكوص عند درجات مختلفة من سلم النضج الإنساني.. المجموعات كده.. والمجتمعات كده.. والشعوب والأمم كده.. في علاقتهم بنفسهم، وبغيرهم.. وبريتا..

عاوز تعرف بقى انت فين؟ عاوز تعرف انت مين؟  
اسأل نفسك..

انت قد ايه شايف اللي قدامك وسامحله يكون نفسه؟  
قد ايه بتقبل الاختلاف وجود المتناقضات والحيرة واللخبطة  
جواك وجوه غيرك؟

قد ايه بتحكم على حد.. أو بتقدس حد.. أو بتحكم على  
نفسك أو تقدسها؟

قد ايه قابل خطأك وضعفك وفشلك.. وخطأ الآخرين وضعفهم  
وفشلهم؟

قد ايه مستعد تبدأ من جديد.. كل يوم.. وكل ساعة..  
وكل لحظة؟

الإجابة عن الأسئلة دي هاتقولك انت فين.. وانت مين..



١٢

## أقوى سلاح في تاريخ البشرية

عارف اللي بيحصل جواك لما تعمل حاجة غلط؟  
الإحساس اللي بيجيلك لما تعمل حاجة عيب؟  
الشعور الصعب اللي بيعذبك لما تعمل حاجة حرام؟  
ده اللي هانتكلم عنه دلوقت..

كل واحد فينا جواه كائن ضخم.. عملاق مخيف.. وحش كاسر.. بيطلع لما تعمل حاجة غلط، أو عيب، أو حرام.. الكائن ده ساعات بيسموه الأنا الأعلى.. ساعات بيسموه الضمير.. ساعات بيسموه النفس اللوامة..

الجزء ده من تركينا النفسي، بيكون فينا من سن ثلات إلى خمس سنين تقريباً.. ويكون أحد أهم مصادره طريقة تربية الأب والأملينا، وقد إيه فيها حنيمة أو قسوة.. عادات وتقالييد وموروثات المجتمع اللي بنتولد فيه، وقد إيه فيها تسامح وقبول أو ظلم ورفض.. وطبعاً معتقدات وتعاليم ديننا (كما وصلنا)، وقد إيه اللي وصلهولنا شاف فيه عفو وغفران أو عقاب وانتقام.. مشكلة الكائن ده جوانا هي أنه كائن مسلح.. وسلاحه قوي جداً.. والسلاح ده بيديله سلطة، وقوة، وسيادة.. وبخلية يتحكم فيك وفي أفكارك ومشاعرك وكمان تصرفاتك.. زي ما يحب.. وقت ما يحب..

السلاح ده اسمه: الشعور بالذنب..

حجم الكائن ده جواك، ودرجة قوته، وعلاقتك الداخلية بيها هي اللي بتتحدد بشكل كبير.. علاقتك بنفسك..

بمعنى انه لو كانت طريقة تربیتك فيها قسوة شديدة، وعکاب  
بمناسبتها وبدون مناسبة، أو لو انت عايش في مجتمع مليان قهر  
وظلم ورفض للاختلاف، أو لو اللي وصلك من دينك هو فقط  
التخويف والتهويل والعقاب والوعيد.. وقتها هايكون حجم  
الجزء ده جواك كبير جداً، وتسلیحه قوي جداً.. وهایحسسک  
بالذنب مع كل حركة وكل فعل وكل عاطفة، ويقولك  
ده عيب وده غلط وده حرام. على كل حاجة.. في كل وقت..  
هایكون ضمیرك قاسي جداً عليك وعلى الآخرين.. ونفسک  
مش هاتبطل تلومك لييل أو نهار..

اما لو كان اللي وصلك من التربية سعة الصدر والقبول غير  
المشروط، ووصلك من المجتمع العدل والمساواة وقبول الآخر،  
ووصلك من الدين السماح والعفو والمغفرة والرحمة.. فوقتها  
هایكون حجم الجزء ده جواك متوسط ومعقول.. وعلاقته  
بيك فيها لطف وهدوء وتفاهم.. ضمیرك هایكون حي بس  
مش قاسي.. هاتدي مساحات للخطأ والصواب.. وفرص للعفو  
والسامح.. لنفسک قبل أي حد تاني..

وبالطبع لو كانت التربية مليانة إهمال واستهتار وعدم اهتمام..  
والمجتمع مليان كسل ولا مبالاة وفهلوة.. واللي وصل من الدين  
كله تشويه وادعاء وافتراء.. فانسى كلمة (ضمیر) دي من  
أصله..

طبعادي مش قاعدة مطلقة.. علشان ممكن يوصل من التربية  
سعّة صدر وقبول بس في مجتمع مليان قهر وظلم.. او يوصل من  
الدين عفو وسامح في حين ان اللي وصل من البيت قسوة ورفض..

إلى جانب إنه فيه عوامل تانية كتير أوي بتحكم في ده.. زي الاستعداد الوراثي والتعبير الجيني وغيرها..  
المهم.. جواك مؤسسة قانونية وأخلاقية ودينية اسمها (الضمير).. على رأسها كائن ضخم اسمه (الآنا الأعلى) بيحاول يقوم بوظيفة مهمة اسمها (النفس اللؤامة).. وبيستخدم في ده سلاح اسمه (الشعور بالذنب)..

وأعتقد إنه ما فيش كلمة تم تشويه معناها، ولا شعور حصل فيه مغalaة.. ولا سلاح أسيئ استخدامه زي (الشعور بالذنب)..  
عند علماء الدين.. الشعور بالذنب ندم وتنوبته..  
عند الآباء والأمهات.. الشعور بالذنب أدب وطاعة..  
وعند كتير مننا.. الشعور بالذنب سجن وعدايب..  
مش بس كده..

ده الشعور بالذنب.. هو أقوى سلاح في تاريخ البشرية.  
يعني أقوى سلاح ممكن حد يستخدمه ضدك.. هو أنه يخليك تحس بالذنب تجاهه..

وأقوى سلاح ممكن تستخدمه ضد نفسك.. هو إنك تحسستها بالذنب بمناسبة وبدون مناسبة..

وأقوى سلاح بيستخدمه الآباء والأمهات علشان يسجنوا أطفالهم في سجون حصينة من الطاعة العميماء والصوت الواطي والعين المكسورة.. هو أنهم يحسسوهم بالذنب.. حتى على مجرد وجودهم في هذه الحياة..

وكمان أقوى سلاح بيستخدمه البعض باسم الدين لامتلاك  
قلوب الناس وشل تفكيرهم وتعميّة عيونهم وضمّ آذانهم هو أنهم  
يزرعوا جواهم الشعور الدائم والساحق بالذنب تعاه أي فكرة  
وأي عاطفة وأي فعل..

طيب نحل المعضلة دي إزاي بقى.. إزاي أرحم نفسي وأحميها من  
الشعور بالذنب وفي نفس الوقت يكون ضميري صاحي؟ إزاي  
أغلط من غير ما أعدب نفسي أو أخلّي حد يعذبها؟ إزاي أفشل  
من غير ما أجلد نفسي أو أسمح لحد إنه يجلدها..  
شف يا سيدي..

مهم نعرف الأول إن الشعور بالذنب ده نوعين.. نوع صحي ومفيد  
ومطلوب.. ونوع مرضى ومؤذٍ ومدمر.. وبينهم فيه أنواع كتير  
تانية..

الشعور الصحي بالذنب هو إنك تغلط، وتكتشف إنك غلطت،  
فتراجع نفسك، وتتعلم من غلطك.. وما تكررهاوش.. وتعذر..  
أوتتوب..

أما الشعور المرضى بالذنب فهو إنك تغلط، وتنصب لنفسك بعدها  
محكمة قاسية غير عادلة، تحس فيها إن الصبح غلط، وإن  
الغلط مصيبة، وإن المصيبة هي نهاية العالم.. فتعلق لنفسك  
حبل المشنقة كل يوم.. وتجلدها وتعذبها كل ساعة..

الأول بتمارس فيه أدميتك بإنك تستخدم الحق اللي رينا منحه  
ليك في الخطأ والضعف والفشل.. فتتعلم من خطأك، وتقبل  
ضعفك وتحاول تاني بعد فشلك..

الثاني بتجدد فيه نفسك من آدميتك وما تسمح ليها بممارسة حقها الرياني اللي علشانه اسمك (إنسان)..

الأول فيه سماح وعفو وبداية جديدة في كل مرة.. وفرصة جديدة مع كل خطأ..

الثاني فيه عقاب داخلي قاسي وعنيف مع كل ضعف.. ويأس وقنوط وسوداد مع كل فشل..

الأول.. مش هاتكرر فيه نفس الغلطنة تاني (بقصد).. لكن هاتغلط غلطات غيرها.. وتتعلم منها برضه..

الثاني.. هاتكرر فيه نفس الغلطنة كل يوم.. بشكل فهري سقيم لا ينتهي..

الأول هو النفس اللوامة (من غير قسوة)، والضمير الصاحي (من غير مغalaة)..

الثاني هو النفس القاسية الفاشمة، والضمير المتكلف المغالٍ في العقاب..

الأول فيه حركة وتغير ونمو.. ومسؤولية.. وحياة..

الثاني فيه جمود وثبات ونكوص.. و Yas.. وموت..

الأول هو الألم الإنساني الوعي الشريف..

والثاني هو المعاناة المريضة العميماء الساحقة..

طيب.. نعمل إيه؟

غلطت؟ سامح نفسك.. واتعلم من غلطك.. وابداً من جديد.. هو إحنا بنتعلم من غير ما نغلط؟

ضعف؟ أقبل ضعفك.. ماهو انت بشر.. والضعف جزء من  
بشريتك..

فشل؟ وما له.. هو النجاح ليه طعم من غير الفشل؟ أقبل فشلك..  
وحاول تاني..

ما ينفعش رسولنا (ص) يقولنا: ”كل ابن آدم خطاء وخير  
الخطائين التوابون“ وإحنا ما نقبلش أخطاءنا ونقف ونوقف  
الدنيا والحياة عندها..

ما ينفعش يقولنا: ”لو لم تذنبوا لذهب الله بكم ول جاء بقوم  
يذنبون فيستغفرون الله فيغفر لهم“ وإحنا مش بنحترم ضعفنا  
ومش بنقبل فشلنا..

ما ينفعش ربنا يعلمنا نكلمه ونقوله: ”ربنا لا تؤاخذنا إن  
نسينا أو أخطأنا“ وإحنا ننصب لنفسنا الماشق كل يوم..

من النهاردة.. من دلوقت.. من اللحظة دي..

ما تسمحش لأي حد إنه يأخذ منك حق الخطأ.. ويديلك بداله  
الشعور بالذنب..

ما تسلمش مفاتيح قبولك لنفسك لأي حد.. وبعدين تستنى  
منه القبول والرضا..

ما تستنشاش صك الغفران من أي بشر.. مهمما كان..

اعرف إن الشعور بالذنب بيكون في أوقات كتير جداً عكس  
الشعور بالمسؤولية..

ما تحملش نفسك فوق طاقتها.. وما تشيلش شيلة حد..  
ما تشيلش شيلة حد..

١٤

عن الاحتياج للحصن..

الاحتياج للحضن هو واحد من أهم الاحتياجات الإنسانية وأقدمها أصولاً وأقواها أثراً على الإطلاق.. والاحتياج للحضن زيه زي كل احتياجاتنا الإنسانية. بنتولد بيه ونعيش بيه وما نقدرش نكمل حيائنا بشكل صحي وسلام من غيره.. ونقصه أو عدم إشباعه ممكّن يؤدي لكتير جداً من الأمراض أو الأعراض المرضية.. مشكلة الاحتياج للحضن إنه احتياج مزدوج.. يعني هو مش بس احتياج جسدي.. لا.. هو كمان احتياج نفسي.. وفي الحقيقة ده الأهم.. وده الأخطر..

أول علاقتك بالحضن كانت في اللحظة الأولى لاحتضان الأم لك وانت عمرك ساعات معدودة.. والحضن ده بالذات ليه وظائف مهمة جداً.. أبسطها إنه كان بيحسسك بوجودك.. بيحسسك إنك موجود.. وأحدث الأبحاث العلمية وجدت إن الحضن الأول ده مهم يكون فيه تلامس مباشر بين أكبر مساحة من جلد الأم وأكبر مساحة من جلد الطفل (اللي يستحسن يكون عريان تماماً).. علشان فرق درجة حرارة جلد الأم عن درجة حرارة جلد الطفل بيكون أول حاجة تنبهه إنه مختلف.. إنه متفرد.. وبالتالي.. إنه موجود..

طبعاً الاحتياج للحضن مش بيقف عند هنا.. بالعكس دي بس بتكون البداية.. الاحتياج للحضن بيستمر ويذوم ويعيش معانا طول العمر.. زي زي الاحتياج للأكل والشرب.. وزيه زي الاحتياج للحب والاحتياج للقبول والاحتياج للاهتمام..

في المتوسط.. علشان نعيش بالحد الأدنى من الصحة الجسدية والسلامة النفسية. كل واحد فينا يحتاج ء أحضان في اليوم. والأربعة دول لو بقوا ٨ يبقى ده كفيل بدوام واستمرار و(صيانة) صحتنا الجسدية والنفسية.. لكن علشان اكتمال النمو الصحي وتمام النضج النفسي محتاجين ١٢ حضن يوميا.. صباح الفل!

طبعا أنا مش عاوز أقلب الكلام لحاضرة علمية أكاديمية وأقول إن الحضن بيحفز إفراز هرمونات السعادة.. وانه بيقوى المناعة ويساعد على ارتخاء العضلات.. ويساعد على توازن الجهاز العصبي وانه بيخف التوتر.. لا.. مش كده بس.. أنا عاوز أقول اللي أعمق من كده..

الحضن.. دفا.. دفا جسدي.. ودفا نفسي.. وكأنك بتحط كمادات مية دافية على جراح حياتك.. واصابات يومك.. وكدمات علاقاتك..

الحضن علاقة في حد ذاته.. فيها أخذ وفيها عطاء.. فيها رسائل رايحة جايته.. فيها شوفان وقبول واحترام واحتواء..

الحضن.. وجبة غذائية نفسية متكاملة.. فيها كل أنواع المقويات والفيتامينات والبروتينات (النفسية)..

الحضن.. هو البديل اليومي المتاح لعودتك داخل الرحم مرة أخرى (ودي رغبة موجودة عندنا كلنا).. لما كان الأمان والدفأ والاحتواء والشبع موجودين بكل بساطة ويدون عناء ولا مشقة ولا تعب.. وجود دائم لا ينقطع..

الحضن.. يعني أصلاً إنك موجود.. إنك تستاهل تكون موجود..  
وإنك تستاهل تتحضن.. تستاهل هذه المنحـة الريـانـية بين أيديـن  
حد بتحبـه..

الحضن أمان.. درع حماية.. شـرة واقـية من رصـاص الـلـم..  
وصـيقـعـ الحـيـاـة..

الـحـضـنـ فـرـحة.. وـبـهـجـة.. وـطـافـةـ مـتـجـدـدةـ فيـ أـورـدةـ نـفـسـكـ  
وـشـرـايـينـ روـحـكـ..

الـحـضـنـ .. أـمـلـ ..

الـحـضـنـ عـزـاءـ .. وـطـبـطـةـ .. وـتـرـيـاـقـ نـاجـعـ لـهـمـومـ الـلـيـالـيـ .. وـسـمـومـ  
الـأـيـامـ ..

الـحـضـنـ قـبـولـ .. وـاهـتـمـامـ .. وـحـبـ .. وـسـمـاحـ .. وـرـضـاـ ..

الـحـضـنـ لـغـةـ .. وـالـحـضـنـ لـهـ لـغـةـ ..

الـحـضـنـ .. شـفـرةـ المـحـيـينـ ..

نقـولـ كـمـانـ ..

الـحـضـنـ اـحـتـيـاجـ إـنـسـانـيـ لـاـ غـنـىـ عـنـهـ .. وـأـوـلـ مـصـدرـ لـإـشـبـاعـ هـذـاـ  
الـاحـتـيـاجـ إـنـسـانـيـ هوـ الـأـمـ (الـلـيـ حـضـنـهـ بـيـدـيـ الدـفـاـ وـالـشـبـعـ  
وـالـاحـتوـاءـ وـالـأـمـلـ) .. وـالـأـبـ (الـلـيـ حـضـنـهـ بـيـدـيـ الـقـوـةـ وـالـجـدـعـنـةـ  
وـالـحـمـاسـ وـالـإـصـرـارـ) .. وـبـعـدـيـنـ الـاخـواـتـ وـالـأـصـدـقـاءـ وـالـأـحـبـةـ  
وـالـأـزـوـاجـ وـغـيرـهـمـ ..

كثير من المرضى النفسيين كل اللي ورا أعراضهم وأمراضهم النفسية العويصة. احتياج لحضن.. فقط احتياج لحضن.. والاحتياج ده لم يتم إشباعه من الأم والأب أساساً..

بعض اللي بيعجิلهم اكتئاب.. بعض اللي بيعجิلهم توتر وأرق.. وحتى بعض اللي بيحصلهم هلاوس سمعية وبصرية.. بيكون أحد الاحتياجات الأساسية غير المشبعة عندهم.. هو الاحتياج للحضن..

ساعات اللي بتبيح نفسها.. أو بتدخل في علاقات مشوهة ومختزلة.. بتعمل كده، علشان بس تتحضن.. حضن تحس فيه إنها موجودة..

ساعات اللي بيعمل أو بتعمل علاقات مثلية جنسية.. بيكون كل اللي بيدور عليه (على مستوى غير واعي) حضن من رجل يمثل ليه الأب.. أو حضن من انشى تمثل ليها الأم..

ده كمان ساعات اللي بيديمن.. مش بيدور في مادته المخدرة إلا على اللي مالاقاهوش في حضن أبوه وأمه (الشبع والرضا).. بس مالاقاش ده معبني آدمين.. ولقاءه في مادة بكماء صماء.. من كتر ما هو محتاج..

ما تحرموش نفسكم من الحضن..

ما تحرموش أبناءكم وبناتكم من الحضن..

ما تحرموش أصحابكم وحبابيك من الحضن..

ما تحرموش أزواجكم وزوجاتكم من الحضن..

علشان ما تضطروش تدفعوا أو تدفعوا اللي حواليكم التمن..

يا اللا قوموا..

إلى أقرب حضن..

١٥

ياللا نعمل (أب- ديت) لبعض

أكابر ظلم ممكّن تظلمه لحد هو إنك ما تشوفهوش.. آه  
ما تشوفهوش..

بمعنى إنك تشوف فقط الصورة اللي انت راسمهاله في مخك..  
واللي ممكّن تكون كونتها عنـه من موقف قديم.. أو تفاعل  
مر عليه الزمن.. من سنـة.. سنتـين.. عشرـة.. أو حتى امـارـة..  
وأخذـتـ عنـهـ تصـورـ.. ونسـجـتـ عنـهـ فـكـرـة.. وثـبـتـهاـ فيـ دـمـاغـكـ  
عنـهـ.. وبـطـلـتـ تشـوفـهـ هوـ.. وشـوفـتـ اللـيـ فيـ دـمـاغـكـ وـبـسـ..

يعـنيـ اللـيـ قـدـامـكـ يـتـشـالـ ويـتـهـبـ ويـتـحـركـ ويـتـغـيرـ.. سـوـاءـ  
لـلـأـحـسـنـ أـوـ لـلـأـسـوـاـ.. وـأـنـتـ ماـ زـلـتـ شـايـفـهـ زـيـ ماـ هـوـ.. يـعـدـىـ عـلـيـهـ  
الـوقـتـ.. وـتـمـرـ عـلـيـهـ السـاعـاتـ.. وـالـأـيـامـ.. وـالـلـيـاليـ.. وـالـسـنـينـ.. وـأـنـتـ  
مـصـرـ تـوـقـفـ الـزـمـنـ عـنـدـ لـحـظـةـ قـدـيمـةـ.. وـمـوـقـفـ كـانـ لـيـهـ ظـرـوفـهـ  
وـتـفـاصـيـلـهـ.. وـبـنـيـ آـدـمـ مـمـكـنـ يـكـونـ غـيـرـ الـبـنـيـ آـدـمـ اللـيـ قـدـامـكـ  
دـلـوقـتـ أـصـلـاـ..

علمـاءـ مـدـرـسـةـ الجـيـشـتـالـتـ فـيـ العـلاـجـ النـفـسـيـ بـيـقـولـواـ إـنـ الـوـاحـدـ  
لـوـ باـصـصـ لـشـجـرـةـ.. عـيـنـيـهـ بـتـاخـدـ لـيـهـ أـوـلـ لـقطـةـ وـتـخـزـنـهـ فـيـ  
الـذـاـكـرـةـ.. وـتـبـطـلـ تـسـتـقـبـلـ مـنـهـ أـيـ صـورـةـ تـانـيـةـ.. لـغـايـةـ مـاـ يـهـ  
شـوـيـةـ رـيـاحـ يـحـرـكـواـ وـرـقـهـاـ.. وـيـهـزـواـ أـغـصـانـهـاـ.. فـعـنـيـكـ تـفـوقـ..  
وـتـبـدـأـ تـسـتـقـبـلـ الصـورـةـ وـالـصـوتـ مـنـ جـدـيدـ..

وـقـامـتـ كـلـ مـدـرـسـةـ الجـيـشـتـالـتـ عـلـىـ الـاستـقـبـالـ وـقـوـانـيـنـهـ  
وـكـيـفـيـةـ تـجـدـيدـهـ.. وـإـزـايـ استـقـبـالـاتـناـ الـمـبـكـرـةـ لـمـوـاقـفـ فـيـ  
الـطـفـولـةـ، وـتـشـبـيـتـهاـ وـعـدـمـ مـرـاجـعـتـهاـ، وـصـلـتـ بـيـنـاـ لـبـعـضـ الـأـعـراضـ  
وـالـأـمـرـاـضـ الـنـفـسـيـةـ..

أكبر مشكلة في ده إنه ضد الطبيعة.. ضد الكون.. ضد قانون الخلائق.. ضد البشرية نفسها.. الكون يتغير كل لحظة.. الأرض لا تكف عن الدوران.. مثلها مثل كل الكواكب.. حتى النجوم وال مجرات في حركة دائمة، وتغير مستمر.. كل لحظة موقع جديد.. واحداثيات مختلفة.. لا تتكرر أبداً.. ده غير الليل والنهر.. وفصول السنة.. ومواسم الزرع والحصاد.. وغيرها وغيرها..

حتى جسمك.. خلايا تموت وخلايا تتجدد.. دماء تتدفق  
جيئهـةـ وذهاـباـ في أورـدـتكـ وـشـرـاـيـينـكـ.. نـبـضـاتـ لاـ تـكـفـ.. أـنـفـاسـ  
تـتـلـاحـقـ.. هـضـمـ وـتـمـثـيلـ وـاـخـرـاجـ.. وـدـوـرـاتـ حـيـاةـ كـامـلـةـ فـيـ كـلـ  
خـلـيـةـ مـنـ خـلـاـيـاـكـ..

الحرـكةـ هيـ الأـصـلـ.. وـالـتـغـيرـ هوـ الطـبـيـعـةـ..

نيجي إـحـناـ بـقـىـ نـشـبـتـ نـفـسـنـاـ، وـنـشـبـتـ غـيـرـنـاـ عـنـدـ مـوـقـفـ.. أـوـ  
تـفـاعـلـ.. أـوـ كـلـمـةـ.. أـوـ نـظـرـةـ.. أـوـ غـلـطـةـ.. أـوـ مـوـطنـ ضـعـفـ.. أـوـ  
لـحظـةـ فـشـلـ.. أـوـ حتـىـ لـحظـةـ نـجـاحـ.. وـنـحـرـمـ نـفـسـنـاـ وـنـحـرـمـ غـيـرـنـاـ  
مـنـ فـرـصـةـ جـدـيـدةـ.. وـرـؤـيـةـ مـخـتـلـفـةـ.. وـنـبـقـىـ مـمـنـ "لـهـمـ قـلـوبـ لـاـ  
يـفـقـهـونـ بـهـاـ وـلـهـمـ أـعـيـنـ لـاـ يـبـصـرـونـ بـهـاـ وـلـهـمـ آذـانـ لـاـ يـسـمـعـونـ بـهـاـ"ـ..

عملـتـ دـهـ قـبـلـ كـدـهـ؟ـ ماـ فـيـشـ مـشـكـلـةـ.. مـاـ هـوـ اـنـتـ قـبـلـ قـرـايـةـ  
الـكـلـامـ دـهـ غـيـرـ بـعـدـ قـرـايـةـ الـكـلـامـ.. وـأـنـاـ بـرـضـهـ... قـبـلـ الـكـتـابـةـ  
غـيـرـ بـعـدـ الـكـتـابـةـ..

عارـفـ بـرـامـجـ الـكـمـبـيـوتـرـ الليـ بـيـنـزـلـهاـ كـلـ شـوـيـةـ (أـبـ -ـ دـيـتـ)  
update (تحـديثـ).. اـنـتـ مـحـتـاجـ تـعـمـلـ كـلـ شـوـيـةـ تـحـديثـ  
لـرـؤـيـتـكـ لـنـفـسـكـ وـلـلـآـخـرـينـ.. هـاتـكـتـشـفـ وـتـشـوـفـ حـاجـاتـ  
حـلـوةـ أـوـيـ.. مـاـ كـنـتـشـ شـايـفـهاـ قـبـلـ كـدـهـ..

عارـفـ الـكـتـابـ النـاجـحـ الليـ بـيـنـزـلـ مـنـهـ طـبـعـةـ أـولـىـ.. وـتـانـيـةـ.  
وـتـالـثـةـ.. اـنـتـ مـحـتـاجـ كـلـ دـقـيـقـةـ تـعـمـلـ طـبـعـةـ جـدـيـدةـ لـلـنـاسـ  
وـلـنـفـسـكـ وـلـكـلـ حـاجـةـ حـوـالـيـكـ.. تـكـوـنـ أـنـقـىـ، وـأـحـدـ،  
وـأـوـسـعـ.. وـأـشـمـلـ.. وـأـرـحـبـ.. وـأـوـضـحـ..

بلاش تقف ولا توقف غيرك.. لأنك كده بتحرق نفسك  
وبتحرقه.. ويتفقد، ويتخلية يفقد أي أمل في أي تغيير..

ياللا بقى نعمل (أب - ديت) لبعض..

[fb/mashro3pdf](#)

١٦

كلنا (ماليفيسينت)

عن فيلم Malificent

(١)

ماليفيسينت.. كائنة/جنية جميلة ورقيقة، اتولدت في مملكة ساحرة مليانة ثقة وحب وجمال بين كائنات عجيبة وغريبة زيها.. ماليفيسينت ليها جناحين.. بتطير بيهم في براح الدنيا، وتتمتع بجمالها.. وتحمي بيهم نفسها وأهلها.. ماليفيسينت بريئة.. طيبة.. تلقائية..

وقدت في حب صبي صغير.. وصدقـتـ إنـ دـهـ هوـ الحـبـ الحـقـيقـيـ معـ أولـ هـدـيـةـ (قبلـةـ)ـ أـهـداـهـ لـيـهاـ لـمـاـ كـانـ سنـهاـ 16ـ سنـةـ.. بـسـ لأنـهـ منـ البـشـرـ.. فـالـطـمـعـ وـالـجـشـعـ أـغـواـهـ بـأـنـهـ يـقصـ جـنـاحـاتـهاـ وـيـهـديـهـ للـمـلـكـ عـلـشـانـ يـتـجـوزـ بـنـتـهـ.. وـيـورـثـ عـرـشـهـ.

ماليفيسينت.. بعد ما تكسرت.. اتشوـهـتـ.. وـاتـغـيـرـتـ.. مضـطـرـةـ.. مـلاـهـاـ الغـضـبـ.. وـالـكـرـمـ.. وـالـحـقـدـ.. وـالـغـلـ.. وـالـرـغـبـةـ الشـدـيـدةـ فيـ الـانتـقامـ.. منـ كـلـ جـنـسـ البـشـرـ.. المـمـثـلـ الآـنـ فيـ المـلـكـ الجـدـيدـ وزوجـتهـ وـبـنـتـهـ المـولـودـةـ الجـدـيـدةـ (أـرـوـرـاـ)..

ماليفيسينت أصابـتـ المـولـودـةـ الصـغـيرـةـ الجـمـيلـةـ بـلـعـنـةـ يـتمـ تـفـعـيلـهـاـ عـنـدـ بـلـوـغـهـاـ سنـ 16ـ سنـةـ (نفسـ سنـهاـ لـمـاـ صـدـقـتـ وجودـ حـبـ حـقـيقـيـ).. اللـعـنـةـ دـيـ هـاـتـخـلـيـهـاـ تـنـامـ فـيـ غـيـبـوـيـةـ ماـ تـصـحـاشـ منهاـ إـلـاـ مـعـ (قبلـةـ)ـ منـ حـدـ بـيـعـبـهـاـ (حـبـ حـقـيقـيـ)..

وتـشـاءـ الأـقـدـارـ إنـ الـبـنـتـ الصـغـيرـةـ (أـرـوـرـاـ)ـ تـنـشـأـ وـتـكـبـرـ تـحـتـ سـمعـ وـبـصـرـ (ماليفيسـينـتـ).. الليـ كـلـ يـوـمـ بـيـزـيـدـ كـرـهـهـ لـلـبـنـتـ أـكـترـ.. وـتـتـمـنـيـ لـيـهاـ الموـتـ فـيـ كـلـ لـحـظـةـ.. وـمـسـتـنـيـةـ تـحـقـيقـ النـبوـةـ بـفـارـغـ الصـبـرـ..

لُكْن.. براءة (أرورا) وجمالها وبساطتها تبدأ تحرك/تصحي في (ماليفيسينت) مشاعر جديدة: تعاطف.. قبول.. اهتمام.. يتطور بعد شووية إلى حب.. لغاية ما تقرر (ماليفيسينت) إبطال مفعول اللعنة قبل موعدها بيوم واحد.. لكنها.. بكل أسف.. تفشل.. وتدخل (أرورا) في غيوبية تامة وسبات عميق في يوم عيد ميلادها السادس عشر.

يتسمّر جميع المشاهدين أمام مشهد الفتى اللي (أرورا) قابلته قبل الغيوبية بأيام وكان مهمّ بيه وبدأ يحبّها.. وهو يقرب من سريرها، بعد ما قادته ليه (ماليفيسينت) في محاولةٍ أخيرة لإنقاذ البنت بقبلة (حب حقيقي).. لكن المفاجأة.. إنها ما صحّيتش من الغيوبية.. علشان تؤكّد لـ(ماليفيسينت) وللولد وللمشاهدين نفس الرسالة اللي وصلتها في نفس السن: ما فيش حاجة اسمها (حب حقيقي).

(ماليفيسينت) تتالم.. وتبكّي.. وتعد (أرورا) بأن تحافظ عليها للحقيقة الباقيّة من حياتها.. وتودّعها بقبلة بسيطة على جبينها.. وبمجرد ما تلتفت عنها.. تصحي (أرورا) من الغيوبية في مشهد بالغ الجمال.. علشان نكتشف إن دي كانت قبلة (الحب الحقيقي) اللي أنقذتها وأعادتها للحياة..

قبلة (الحب الحقيقي) مش بس أعادت (أرورا) للحياة.. لا.. دي كمان ساعدت (أرورا) إنها ترجع لـ(ماليفيسينت) جناحاتها المسروقة.. وحياتها المفقودة.. علشان تسامح نفسها.. وتبدأ من جديد.. وتعيش لنفسها وأهلها ومملكتها..

قصة (ماليفيسينت) هي قصة أي مريض نفسي (وقصة ناس طبيعين كتير).. طفل صغير برى وجميل وله جناحان.. يسيطر عليهم ويحلق في أحلامه.. يحب أهله.. وبيته.. وشاييف فيهم كل جمال الدنيا..

وزى ما بيحصل كتير.. يقوم الآباء والأمهات المجلون بقصص قصة جناحان طفلهم.. فيوقفوا تلقائيته.. ويمنعوا طيرانه: اسمع الكلام علشان أحبك.. اشرب اللبن علشان ربنا يحبك.. ما تعليش صوتك علشان تدخل الجنة.. ما تقولش (لا) علشان عيب.. وكثير أولى من اللي احنا عارفينه.. واللى بيتعمل تحت ادعاء (علشان مصلحتك) و(احنا نعرف أكتر منك).. لكن اللي وراه في الحقيقة هو مشروعهم الخاص المتمثل في طفلهم البرى، وأحلامهم الشخصية اللي عاوزين يحققوها من خلاله، في طريق هما اللي راسميه، وبطريقه هما بس اللي يحددوها.. ويسمواده (حب حقيقي)..

وبعد ما يكتشف الطفل المسكين خدعة (الحب الحقيقي) يكون المشروع الوحيد على أرض الواقع.. هو مشروع مريض نفسي.. مكسور.. مشوه.. مضطراً..

ويملأه (زي ما ملا ماليفيسينت) كره شديد لنفسه وللعالم.. وسوداد ما لهوش حدود، ورغبة عارمة في الانتقام من الجنس البشري بأكمله.. انتقام خارجي في صورة عنف مثلاً، أو انتقام موجه لذاته في صورة مرض نفسي.. ويجيلنا باكتئاب.. أو توتر.. أو اضطراب في الشخصية.. أو.. لما يوصل الانتقام بيء إلى أقصاه يطلع لسانه للعالم.. ويتجنن..

وذي كتير من المرضى النفسيين.. بيعمل حاجة اسمها (التكلرار القهري).. يعني بيدفع نفسه لتكلرار التجربة المؤلمة اللي عدى بيها في حياته مزة واتنين وتلاتة عشرة، بنفس تفاصيلها، مع أشخاص تانين، ويوصل في الآخر لنفس النهاية.. علشان حاجة من اتنين (على الأقل): أولاً إنه يثبت لنفسه وللناس وللدنيا كلها إنه كان على حق.. وانه مظلوم.. انه ضحية.. وان (زي ما قالت ماليفيسينت) ما فيش حاجة اسمها صدق ولا ثقة ولا حب حقيقي.. فيفضل زي ما هو.. وثانياً إنه يدي نفسه فرصة تانية، ويدور على حل مختلف.. ويلاقي إجابة شافية.. ويكتشف عكس فروضه المرضية اللي عاش فيها طول حياته.. ويصدق إن لسه فيه صدق.. وفيه ثقة.. وفيه حب حقيقي.. فيتغير.. ويخف..

وده بالضبط اللي عملته (ماليفيسينت)..

(ماليفيسينت) شافت نفسها في (أرورا).. وكأنها الجزء اللي ما زال برى ونابض بالحياة منها (علشان كده ماليفيسينت كانت طول الفيلم لابسة إسود ومكياجها غامق دلالة على الجانب المظلم المريض من شخصيتها، وأرورا شقراء باهرة الجمال والألوان، دلالة على الجانب الفطري السليم والجميل) وبدل ما تكرر (ماليفيسينت) التجربة المؤلمة بنفسها قررت تخلي (أرورا) تلعب الدور ده مكانها.. بمنتهى القسوة، وبرود القلب، وقليل من الأمل الباهت.. والأمنيات الخافتة.. إنها تنجح.. وتعدي الاختبار الصعب..

وعند لحظة الحل المتوقع.. والقبلة الساحرة الشافية من العبيب  
اللي الناس كلها اتخدعت فيه برضه.. تيجي عبقرية الفيلم،  
وبعقرية مالي فيسينت، وعبقرية العلاج النفسي..

(٣)

عارف المريض النفسي بيعرف إزاي؟ عارف البنـي آدم بيتغير إزاي؟  
عارف إيه كلمة السر في النضج والنمو النفسي تبعـاً لـكل  
مدارس علم النفس والعلاج النفسي؟  
الشوفان.. والآلم.. والقبول..

البنـي آدم بيـبقى شـايف نفسه والأخـرين والـعالـم بـعين وـاحـدة..  
ومـصدق اللي هو شـايفـه ويـس.. ومـش مـستـعد يـغـيرـه: أنا مـظلـوم..  
أـنا ضـحـيـة.. أنا مـضـطـر.. أنا غـير مـسـئـول.. هـما سـيـئـين.. الدـنـيـا  
وـحـشـتـه.. وـبـيـعـمل كـل حاجـة يـثـبـت بـيـها دـه، عـلـشـان يـؤـكـد  
لـنـفـسـه نـفـس الرـسـالـة القـدـيمـة.. فـيـفـضـل زـي ما هو.. وـيـكـرـر  
نـفـسـ الدـور.. عـلـى مـسـارـح مـخـتـلـفة.. وـبـمـمـثـلـين جـدـاد كـل مـرـة..  
تـبـدـأ لـحظـة التـغـيـرـ الحـقـيقـيـة بـيـكـ تـشـوـفـ الجـانـبـ الآـخـرـ من  
نـفـسـكـ.. الجـانـبـ المـظـلـم.. اللي ما كـنـتـش بـتـسـمحـ لـنـفـسـكـ قـبـلـ  
كـدـهـ إـنـكـ تـشـوـفـه.. وـحتـىـ لوـ شـوـفـتـه.. كـنـتـ بـتـلـتـمـسـ لـنـفـسـكـ  
الـأـعـذـارـ وـالـمـبـرـاتـ وـالـحـيـلـ الدـفـاعـيـةـ الـنـفـسـيـةـ.. هـاتـكـتـشـفـ وـقـتـهاـ  
إـنـكـ زـيـ ماـ اـتـظـلـمـتـ زـمانـ، بـتـظـلـمـ نـفـسـكـ وـغـيرـكـ دـلـوقـتـ.. وـزـيـ ماـ  
كـنـتـ ضـحـيـةـ زـمانـ.. فـإـنـتـ جـانـيـ دـلـوقـتـ.. وـزـيـ ماـ كـنـتـ مـضـطـرـ  
زـمانـ.. فـإـنـتـ مـخـتـارـ دـلـوقـتـ.. وـزـيـ ماـ كـنـتـ مـشـ مـسـئـولـ عنـ الليـ  
حـصـلـ زـمانـ.. فـإـنـتـ مـسـئـولـ عنـ اـسـتـمـراـرـهـ وـتـكـرارـهـ بـشـكـلـ اوـ  
بـآـخـرـ دـلـوقـتـ..

الشوفان ده مؤلم.. لأنك بتشفو حاجة جديدة وغريبة ما  
كنتش متوقعها قبل كده.. والرؤيـة دي قاسيـة.. لأنها مليـانـة  
متناقضـات.. تحملـها عـايـز مجـهـود نـفـسي شـاقـ.. واستـيعـابـها فـي  
منـتهـى الصـعـوبـة.. نـاس كـتـير أـوي بـتـقـف عـنـدـ المـرـحلـةـ ديـ..  
ومـتـقدـرـش تـكـمـلـ.. تـشـوف وـتـأـلـم وـبـسـ.. لـكـنـ مش بـيـبـقـيـ  
قـدـامـكـ عـلـشـانـ تـكـمـلـ وـتـبـدـأـ تـتـغـيـرـ غـيرـ خـطـوةـ وـاحـدةـ بـسـ..  
خـطـوةـ مـهـمـةـ وـأـسـاسـيـةـ.. اسمـها القـبـولـ.. آه القـبـولـ..

تـقـبـلـ نـفـسـكـ كـلـها عـلـىـ بـعـضـها.. بـكـلـ ما فـيـها.. الـوـحـشـ قـبـلـ  
الـحـلـو.. الـضـلـمـةـ قـبـلـ النـور.. الشـرـ قـبـلـ الخـير.. الفـجـورـ قـبـلـ التـقوـيـ  
(نـفـسـ تـرـتـيـبـ الـآـيـةـ الـقـرـآنـيـةـ).. الـقـدـيمـ وـالـجـدـيدـ.. الغـلطـ وـالـصـحـ..  
تـقـبـلـ الـضـعـفـ وـالـخـطـأـ وـالـفـشـلـ.. تـقـبـلـ إـنـكـ بـنـيـ آـدـمـ.. وـالـقـبـولـ  
هـنـاـ مشـ معـنـاهـ المـوـافـقـةـ.. وـلـاـ معـنـاهـ الـاستـسـلـامـ لـلـيـ اـنـتـ فـيـهـ..  
بـالـعـكـسـ.. القـبـولـ هـنـاـ هوـ الـدـرـجـةـ الـأـوـلـىـ فـيـ سـلـمـ التـغـيـرـ..  
شـوـفـتـ؟ اـتـأـلـمـ لـلـمـتـنـاقـضـاتـ الـلـيـ شـوـفـتـهاـ فـيـ نـفـسـكـ وـفـيـ الـأـخـرـينـ؟  
قـبـلـ نـفـسـكـ (وـالـأـخـرـينـ) كـلـها عـلـىـ بـعـضـهاـ؟ تـبـدـأـ دـلـوقـتـ عـمـلـيـةـ  
الـالـتـحـامـ وـالـلـتـنـامـ التـلـقـائـيـةـ بـيـنـ أـجـزـاءـ نـفـسـكـ المـتـنـافـرـةـ.. وـقـطـعـ  
رـوـحـكـ المـتـبـاعـدـةـ.. وـكـسـورـ خـاطـرـكـ الـمـبـعـثـرـةـ.. زـيـ بـالـظـبـطـ جـرـحـ  
الـعـمـلـيـةـ.. الـدـكـتـورـ(الـمـعـالـجـ، الـحـيـاةـ، الـتـجـرـيـةـ، الرـؤـيـةـ) بـيـفـتـحـ..  
وـيـنـضـفـ.. وـيـقـرـبـ حـافـتـيـ الجـرـحـ منـ بـعـضـ بـالـخـيـطـ.. وـيـتـمـ بـعـدـهـاـ  
الـتـنـامـ الجـرـحـ بـصـورـةـ تـلـقـائـيـةـ ذـاتـيـةـ ماـ فـيـشـ دـخـلـ فـيـهـ لـأـيـ حدـ..  
غـيرـ جـسـمـكـ.. وـنـفـسـكـ.. وـرـوـحـكـ..

(ماليفيسينت) اتظلمت.. واتشوهدت.. واتغيرت للأسوأ مضطّرة..  
وعاشت الْكُرْه والانتقام..

لكنها في اللحظة الفارقة من الفيلم ومن حياتها قدرت تشوف الجانب المظلوم منها.. وتشوف إنها ظلمت نفسها وظلمت اللي حواليها.. وأنها زي ما كانت مظلومة وضحية ومضطّرة وغير مسؤولة، فهي دلوقت ظالمة وجانية ومحترارة ومسئولة..

(ماليفيسينت) حاولت تموت الجزء الباقي الجميل منها (اللي كانت أورورا رمز ليه).. لكن كان عندها الشجاعة إنها تشوف الجزء ده وتحاول تنقذه..

(ماليفيسينت) شافت التناقض في نفسها.. وفي (أورورا).. وفي الآخرين.. وفي العالم.. وتألمت ألم شديد جداً لهذا الشوفان وهذه الرؤيا، في واحد من أربع مشاهد الفيلم الأخيرة..

(ماليفيسينت) قبلت التناقض اللي شافته.. وشافت مسؤوليتها عن كل اللي حصل في حياتها اللي هي عملته في نفسها وفي الآخرين.. وقررت تتغيير.. وتحمي (أورورا/نفسها) وتحافظ عليها ما تبقى لها من عمر..

(ماليفيسينت) شافت.. وتألمت.. وقبلت.. علشان كده بدأت عملية الالتئام الذاتية التلقائية .. واتحول كل ده جواها.. إلى.. حب حقيقي..

حب له القدرة على التغيير.. والشفاء..

(ماليفيسينت) هي كل حد جواه جانب مظلم وجانب مبهرون..  
بعد عن بعض.. ومحتجين يتلملموا.. ويلتأموا.. علشان تبدأ  
الحياة الحقيقية.

(ماليفيسينت) هي الشر والخير.. جوه كل واحد فينا.. واللي من  
غيرهم مانبقاش بني أدميين أو بشر..

(ماليفيسينت) هي النفس البشرية.. في فجورها وتقوتها.. اللي  
ذى الليل والنهر..

هي إنك ما تيأسش من نفسك مهما عملت.. ومهما غلطت.. ومهما  
فشل.. ومهما ضعفت..

هي إنك تبقى واثق ومتاكد إن جوالك جمال وروعته وبراءة  
بالرغم من كل شيء..

هي الضلعة اللي جوالك اللي بتخللي للنور معنى وقوام وجمال..  
والغضب اللي بتحسه ساعات، ومن غيره ما يكونش فيه سماح  
ولا عفو ولا رحمة.. والخطأ اللي تعمله وتكرره وبعد شوية  
تعلم منه وتحوله لطاقة خير وأمل وعطاء..

(ماليفيسينت) هي التناقض الخلاق.. وألم الرؤية.. والقبول غير  
المشروط..

(ماليفيسينت) هي الكره الإنساني في صورته الخام.. والحب  
ال حقيقي المغير والشافي..

(ماليفيسينت).. هي أنت.. وأنا.. وكل البشر..

شوفدہ

اتائم..

أقبل..

سامح نفسك والآخرين..

اپداؤں جدید..

**فالحب الحقيقي هو أنت..**

والشفاء الحقيقي لن يأتي إلا من داخلك..

١٧

أنا موجود.. إذن أنا أستحق..

فيه كلمات من كتر ما بنستخدمها فقدت معناها..  
من أشهر الكلمات دي كلمة: "الثقة بالنفس" ..  
تقدير حضرتك تقوللي يعني إيه "الثقة بالنفس"؟  
تقدير حضرتك تقوليلي إيه المقصود بـ "أنا واثقة في نفسي"؟  
معظم الكتب والدوريات العلمية الحديثة ما فيهاش حاجة  
اسمها "ثقة بالنفس" Self.trust .. إنما فيها حاجة اسمها  
"استحقاق النفس" Self.worth .. حتى إنه من الأعراض الشهيرة  
لمرض الاكتئاب عرض شائع جداً اسمه الشعور بعدم الاستحقاق  
.. Sense of Worthlessness

هي تفرق؟

آه طبعاً تفرق..

إحنا اتربيينا واتعودنا على إن الشخص (الواثق في نفسه) شخص  
قوي.. ناجح.. دائمًا بي Buccle قدامه.. بيحسبها صحيحة.. مش بيضعف..  
ومش بيفشل ..

وفي الحقيقة دي أكبر خدعة بنخدعها لنفسنا.. علشان  
بكل بساطة الشخص ده مش موجود.. غير في الخيال.. وفي  
أفلام (جيمس بوند) (و( مهمتا مستحيلة)..

القوى والحسيب والظافر والقاهر هو ربنا.. ربنا بس..  
ربنا بس هو اللي مش بيضعف ومش بيفشل ولديه مقادير وتدابير  
وحوارق ومعجزات.. لكن جهل الإنسان وظلمه لنفسه خلاه في  
أوقات كتير جداً ينافس ربنا.. تحت مسميات متعددة.. أولها  
(الثقة بالنفس)..

نظرة بسيطة متأملة على شخصيات ذي (سوبر مان) و(أيرون مان) و(بات مان) و(سبايدر مان) هاتوريك بوضوح الشغف البشري والهوس التاريخي الدائم بخلق إله بشري (أو على الأقل نصف إله، نصف بشر)..

أما "استحقاق النفس" فده موضوع تاني خالص.. وعلشان ما يتحولش الكلام لحاضرة أكاديمية.. هأقولك بشكل عملي ومبادر ممكّن تعمل إيه علشان تتعامل مع نفسك على أنه "تستحق" ..

أولاً.. تعرف وتتأكد إنك بشر.. بني آدم.. مش دينا.. تقبل إنك تخطئ، وتقبل إنك تضعف، وتقبل إنك تفشل.. ودي مقومات أدميةتك، ودوابعي بشريتك.. من غير ما تخطئ مش هاتتعلم، من غير ما تضعف مش هاتحس بقوتك، ومن غير ما تفشل مش هايكون للنجاح أي طعم.. خليك عارف دايماً إن قبول الخطأ صواب.. وقبول الضعف قوة.. وقبول الفشل نجاح.. يعني تقبل نفسك كلها على بعضها بكل ما فيها، وبكل ما سيعمل فيها..

ثانياً.. تصدق من جواك إنك :تستحق".." تستأهل" يعني.. تستأهل تعيش.. تستأهل تحب.. تستأهل تُحترم.. تستأهل يهتم بيـك.. تستأهل تتشافـ.. تستأهل كل حاجة كويـستـة في الدنيا.. رينا ما خلقـكـش جـزاـفـا.. رينا خـلقـكـ وـكـرمـكـ وـحطـ فيـ فـطـرـتـكـ وـيرـنـامـجـكـ الإـلـهـيـ ملفـ اسمـهـ "ولـقـدـ كـرـمـناـ بـنـيـ آـدـمـ" .. بـنـيـ آـدـمـ دـيـ يـعـنيـ اـنتـ..

مطلوب إنك تحس وتصدق وتعيش وتمارس إنك "تستاهل" من  
أول ما تصحى الصبح لغاية ما تنام بالليل..

وخلبي بالك.. أكبر غلطة ممكن تغلطها هي إنك تربط إنك  
"تستاهل" بأي حاجة عملتها أو قولتها.. يعني تقول "أنا أستاهل  
أتحب لأنني نجحت"، أو "أستاهل أحترم لأنني أنجزت كذا"، أو  
"أنا أستاهل أتشاف لأنني حققت كذا" .. لا .. لا .. إنت  
تستاهل كل دول من غير ما تعمل أي حاجة.. تستاهل كل  
دول علشان إنت موجود.. علشان إنت خلقنا ربنا..

ارتباط إنك تستاهل بتحقيق أو إنجاز أي حاجة معناها إنك  
بتحط لنفسك شروط، في حين إن ربنا لما كرمك محطش ليك أي  
شروط على الإطلاق. أنت كريم.. أنت مكرم.. أنت تستاهل..  
مهما حصل..

ثالثاً.. تدي نفسك كل يوم فرصة جديدة، وأمل جديد..  
يعني ما توقفش نفسك عند أي محطة فاتت في حياتك مهما  
كانت صعبة أو مؤلمة.. ما تشوفش النهاردة بعيون امبارح.. ولا  
بكرة بعيون النهاردة.. اعتبر كل يوم حياة جديدة.. واعتبر  
نفسك كل يوم في خلق جديد.. وسيبك من الكلام التقليدي  
بتاع (خلي عندك أمل)، اسمها (طلع الأمل اللي جوال).. لأنه في  
الحقيقة الأمل موجود جوال بالفعل.. بس تحتاج منك تصدقه  
وستخدمه..

رابغا.. ودي أهم واحدة.. كن نفسك.. ماتكونش زي ما أي حد عاوز.. ما تسجنش نفسك في آراء الآخرين.. وما تفصلش نفسك على مقاس أي حد، اللي عاوزك ٣٧ واللي عاوزك ٣٩ واللي عاوزك ٤٢.. ما تسمحش لأي حد يشوف فيك نفسه، ويحاول يتحقق من خلالك أحلامه الشخصية.. ما توافقش إن أي حد يشوفك امتداد ليه، أو مشروعه الاستثماري الخاص.. ما تسمحش لأي حد يقبلك بشروط، أو يحبك بشروط، أو يحترمك بشروط.. أنت نفسك.. نفسك وبيس.. أنت في رحلتك.. فيها صعود وهبوط.. فيها حركة وفيها ثبات.. فيها خطوات لقدمك، وساعات خطوات لورا.. فيها وقوع، وفيها لخطفة.. فيها حيرة وفيها شك.. فيها نور وفيها ضلامة.. فيها كل حاجة.. كل حاجة.. واللي ما يشوفش ده ويقبله ويقبلك بييه.. تقوله شكرًا.. وتكلّم رحلتك من غيره..

خامسا وأخيراً.. استبدل الإحساس (المرضى) بالذنب بالإحساس (الصحي) بالمسؤولية.. يعني بدل ما تجلد نفسك وتعلقلها حبل المشنة مع كل غلطتها.. اعتذر للنبي غلطت في حقه، وما تكرر الغلطـة تاني (متعمدا).. بدل ما تيأس وتقنط وتضلم الدنيا من حواليك علشان أخطأت، سامح نفسك واطلب السماح من ربنا وخليك واثق في عفوه ورحمته.. إحساسك بالذنب هايوقفك ويسجنك ويسل حركتك ويخليك تكرر نفس الغلطـة تاني ألف مرة.. إنما إحساسك بالمسؤولية هايخليلك تتعلم، وتعتذر، وتسامح، وتتغير.. وتتحرك.. وتتحرر..

هل ينفع بعد كل ده إننا نتكلم - زي ما اتعودنا - بشكل مختزل ومشوه ونمطى عن ما يسمى "الثقة بالنفس"؟ هل ينفع نخدع نفسنا تانى بهذا العنوان البراق الخالي من المعنى ومن العمق ومن الحقيقة؟ هل هانستمر نجري ورا هذا السراب على صفحات الكتب وفي برامج التليفزيون؟ ما اعتقادش..

قبل ما تقوم..

خذ الروشتة دي معاك..

خليها في جيبك..

لا.. في وعيك..

احفظها بعقلك.. واصرفاها بقلبك.. واستخدمها بروحك ونفسك.  
ممكن تسميها روشتة "استحقاق النفس" ..

R أنا مش رينا، أنا بشر بغلط وبضعف وبفشل /

R أنا أستاهل أتحب وأتقبل وأحترم من غير شروط /

R كل يوم فرصة جديدة وأمل جديد /

R مش هاكون غير نفسي ومش هافصل نفسي على مقاس حد /

R هاستبدل "أنا مذنب" بـ "أنا مسئول" /

ياللا قول معايا:

الحمد لله

# الدروج عن النص

مهم جدًا في رحلة أي حد فينا إنه يقف شوية قدام  
المراية.. المراية النفسية.. اللي من خلالها يقدر  
يشوف نفسه، ويعرفها، ويتعلم منها.. علشان يخرج  
عن النصوص القديمة، وبينما يقبل نفسه، ويحبها،  
ويغيرها للأحسن.. وهي رحلة تستحق التعب  
والصبر، وبعض الألم.. الكتاب ده هايساعدك إنك  
تشوف.. تشو夫 نفسك.. بتغير من تفاصيلها  
وخيالها.. تشو夫 الآخرين، بطريقة جديدة  
ومختلفة تماماً.. وتشوف علاقتك، بدرجة عالية  
من النقاقة والوضوح.. الكتاب ده هايساعدك إنك  
تتغير.. وتخرج عن النص..

محمد طه

